

5


Schoonhoven, Florenti

0x14

max - 5 - 22

Fourth edition (First: 1618)

74 belen prauus-





Landwehr 607


Patz p. 493, note


Franken, van de Pesse 1350, note


Fine copy.













Emblemata
FLORENTII SCHOON-
HOVII I.C. Goudani,
Partim Moralia
partim etiam Civilia.

*Cum latiori eorundem ejusdem
Auctoris interpretatione.*

Accedunt et alia quædam
Poëmata in alijs Poëma-
tum suorum libris non
contenta.

AMSTELÆDAMI.

Apud

Joannem Ianssonium. 1648.



D

F



que

quod

etiam

non

omnino

in

re

in

quod

pro

ter

Ge

non

non

Amplissimis, Prudentissimisque Viris,
D. Prætori, Consulibus,

Scabinis, ac universo Senatui in-
clynæ Civitatis Goudæ,

FLORENTIVS SCHOONHOVIUS

hæc

Dicat, Sacratque.



Ravissimè & prudenter à præstantissimo Philosopho litteris proditum est, Viri Amplissimi; Quales in Republicâ moderatores sunt, tales reliquos solere esse cives. Etenim cum vita Regentium publica censura sit, ea que perpetua, & generosis ingeniis non tam imperio opus sit, quàm exemplo, ipsi gubernatores factis suis præeuntibus, quæ sunt blandissimum jubendi genus, subditos suos in officio continent, ipsaque æquitas & ratio omnes bonos adhortatur, ut legitimam eorum potentiam, atque autoritatem, quibuscunque rebus possint, tueantur, ac revcreantur. Videmus, ubi mens sana viget in sano corpore, vigere quoque, & effulgere admirandas ejus functiones: sic Civitates, si prudenti eorum, qui ad publicum clavum sedent, ductu & auspicio regantur, florent, & tantum ultrà reliquas urbes caput efferunt,

Quantum lenta solent inter viburna cupressi.

Græci quâ ratione evaserunt toto orbe tam laudabiles: nempe quod cæteras, quas illi barbaras vocabant, nationes omnes Sapientiâ & ingenio anteirent?

Vnde tantum nomen *Quà fidus currit utrumque,*
 fortitæ sunt Athenæ? hoc pacto scilicet, quod haberent
 præstantes ingenio ac Sapientiâ viros. Parva denique op-
 pida, si à prudentibus gubernentur, parvo temporis spatio
 maxima incrementa sumere possunt. Testis est, Viri Am-
 plissimi, laudatissima vestra Respublica, quæ prudentissi-
 mo vestro ductu & auspiciis, veterem suum vigorem, aliis
 quibusdam ad interitum vergentibus, reservavit, & adhuc
 quotidie maximum status sui incrementum capit. Idque
 non aliis modis, quàm sapientiâ vestrâ, & fideli legum cu-
 stodiâ, quæ Civitates (ut Euripides inquit) continent, quæ
 omnem societatem, & bonam reddunt, & stabilem con-
 servant. Dicebat Dionysius senior, *Vi* atque *Metu*, tan-
 quam adamantinis vinculis, magna imperia retineri;
 Quod scitè sanè & ex Patriæ suæ consuetudine Agesilaus
 refutavit; Ex eo enim quum quæsitum esset; Vtra esset
 Virtus præstantior, Iustitiane, an Fortitudo? Hæc, inquit,
 sine illâ, tantum ad perniciem valet: at illi si parcant
 omnes, hujus usus nullus futurus est. Suavissimè Horatius,

Lib. 4. ode 5.

*Tutus bos etenim rura perambulat,
 Nutrit rura Ceres, almaque faustitas,
 Pacatum volitant per mare navitæ:
 Culpari metuit fides.
 Nullis polluitur casta domus stupris,
 Mos & Lex maculosum edomuit nefas,
 Laudantur simili prole puerperæ,
 Culpam pœna premit comes.*

Idem vos pro sapientiâ vestrâ statuitis; Hæc potissima fuf-
 cra, fortissimos tibicines omnis politici status judicatis, Iu-
 stitiam, & concordem inter subditos vestros Religionem.
 Quam (ut consentiens fama de vobis semper testabitur)
 hætenus ita estis tutati, ut, dum præcspuas Bataviæ urbes
 (Heu fa-

(Heu facinus!) intestina odia agitent, vos contrà maturum amuletum ei morbo adhibendo, tanquam in altissimo otio, atque alcedoniis, cum subditis vestris beatissime vixeritis, & pœnè uni firmi immotique steteritis, in communi illo motu. Videbatis scilicet, Amplissimi Viri, noxium hoc Religionis dissidium, maximos rerum publicarum nervos incidere; idcirco aut ei resistendum, aut doctrinâ, & sedulâ institutione opportunè conspiciendum. Ne tantum illud audire cogere mini,

Quantum Religio potuit suadere malorum!

Lucret.

Porro Viri Amplissimi quanquam innumera existunt in civitatem vestram, Patriam mihi charissimam atque sanctissimam merita, non ero tamen in iis commemorandis prolixior, neque reliqua virtutum vestrarum præconia, (ne in publica commoda, quibus assiduò in majus provehendis studeatis, peccem) recensebo, finitimorum vestrorum tacitæ conscientiae interea judicandum relinquens, quam laudem mereamini. Illud me hercules tacere non possum, me, quoties hæc rumino, (rumino autem sæpissimè) illicò in vestri nominis amorem, ac venerationem incitari, & sedulò evigilare, quo potissimum pacto vestros animos, quos nascentis meæ laudis fautores experior, mihi dignè demereri queam. Et quidem in hoc rerum mearum statu, non alia occurrit aptior occasio vobis gratificandi, quàm si hunc Emblematum meorum libellum, jam per triennium, & quod excurrit, in scriniis meis servatum, tandem à bibliopolâ Andrea Burier multis precibus mihi extortum, sub vestro nomine, in Æde Musarum consecrarem. Non mercenariâ spe illectus, ut caput unctius referam, sed ut ostendam, quicquid possum, id ipsum, imò hunc spiritum in vestræ spem gratiæ militare. Munus certè hoc nostrum, si ex vestrà dignitate spectetur, perexiguum; si ex viribus meis, mediocre; si ex animo, magnum est. A quo solo, ut alia desint, vobis gratum & acceptum esse velim, idque eo magis

futurum spero , quod non ab inquilino aliquo , sed ejusdem Reipublicæ municipe , eoque , cujus parens laudatissimi vestri Collegii Consularis , non ita pridem confors fuit , profectum sit. Et certè Viri Ampliss. (si qua bonis de se fiducia est) non in tam sterili arvo sementem ingenii nostri fecimus : Edimus enim Emblemata , studii genus foeliciter fallax , utpote quod plus Philosophiæ in recessu habeat , quàm quidem primâ fronte promittit. Hoc opus à paucis adhuc (quod citra jactantiam dictum) in Bataviâ vestrâ tractatum est. Aliquot abhinc annis , Viri omni æternitate dignissimi D. Hugo Grotius , & D. Daniel Heinsius quædam juvenilia , id est , Amatoria edidere Emblemata ; opus me hercules & lepidum & venustum , sed quod auctores illi magni vix tantiputant ut pro suo agnoscant. Olim etiam Vir summus Alciatus , de cujus laudibus nihil tam magnificè dici potest , quod ad meritum sublimitatem assurgat , doctissimo Emblematum libello , omnibus palmam præripuisse videtur. Hunc sequuti sunt , Hadrianus Junius , & Iohannes Sambucus , sed an pari successu , aliorum esto judicium. Post hosce Roscios me in Orchestrâ saltare ausum , aliqui fortassis ut Suffenum sugillabunt : Quibus ego responsum velim , nec mihi , nec alteri cuiquam præclusum esse ad scribendum iter , meque non tam ostentandi , quàm exercendi ingenii causâ , vel ut alios doctiores excitarem , id fecisse. Sciant etiam ,

——— (*Si quis tamen hac quoque , si quis
Captus amore leget*)

Cic. de Orat. & nos aliquid invenisse , quod possit esse usui , aut volutpati. Prima sequentem , honestum est etiam in secundis , tertiisque consistere : Nam in Poëtis , non Homero soli locus est (ut de Græcis loquar) aut Archilochus , aut Sophocli , aut Pindaro : sed vel secundis vel etiam infrâ secundos. Idem asserit Romanæ fidicen Lyræ ,

Ne

*Nefortè credas interitura, quæ
 Longè sonantem natus ad Ausidum,
 Non ante vulgatas per artes
 Verba loquor socianda chordis.
 Non si priores Mæonius tenet
 Sedes Homerus, Pindarica latent,
 Cæaque, & Alcæi minaces,
 Stesichorique graves camænæ;
 Nec si quid olim lussit Anacreon,
 Delevit ætas, spirat adhuc amor,
 Vivuntque commissicalores
 Æoliæ fidelibus puellæ.*

Hæc spe fretus, laudabile hoc stadium decurri, invitante
 me profunda illa Sapientiâ, quæ olim tota ferè, cum nec-
 dum opera Platonis, Carneadis, & Chryssippi, didicisset
 esse loquax, sub minutulis hisce notis latitabat. Ægyptii e-
 nim Sacerdotes, sacrorum suorum mysteria, sub obsecris,
 & in speciem penè ridiculis ceremoniis significare solent,
 ut profanum vulgus à Sacris suis arcerent, & dumtaxat ab
 iis intelligerentur, qui sacris iisdem initiati essent. Hæc ut
 cognoscerent, Plato, Pythagoras, alique æterni nominis
 viri Ægyptum peragrarunt, ibique ex brevibus illis scul-
 pturis, eam sapientiam apprehenderunt, quam tot tantis-
 que voluminibus postea tradidere. Hæc cum ita se ha-
 beant, quis conatus nostros, in hoc planè divino studio
 positos, vituperet? Quis non potius utrumque mihi pol-
 licem premat? Ego ut rudiorum ingeniis consulerem, &
 Emblematum originem ostendi, & insignium virorum
 exempla, dictaque, petita ex Morali Philosophia, om-
 nium studiorum, in quibus se humanas vim habere, ad
 ingenerandum animis benè natis amorem honestatis,
 atque Virtutis. Sic enim in atriis dispositæ imagines, po-
 steriorum animos ad gloriam & verum decus excitent,
 quanto magis in mentibus nostris suscitari convenit

Cicero in
Sonn. Scip.

igniculos probitatis, ubi exempla illa dictaque, de quibus nunquam conticescet æternitas, ad vivum expressa videmus? Quem non vel gravissimo veterno sepultum experefaciant, & altius in animum admissa, intrepidè ducant ad pulcherrimum illud Bonæ Mentis sacellum? Cæterum non omnia, quæ in medium adferri poterant, attuli, sed ut Fabius inter Grammatici Virtutes collocat, *quedam nescire*, ita in his diligentia partem esse putavi, *quedam praterire*. Vos Ampliss. Viri, munus vestrum benevolè amplectimini pro quo vestrum nomen, velut amuletum, ad averruncandam invidiam, & placandam Nemefin excubabit, sub quo eodem, placeat, relegatur, ametur. Valete, & Rempub. vestram periculosissimis hisce temporibus, fœliciter & providè regite, indubitatè scientes, omnibus qui patriam suam adjuverint, exiguam tenuemque auxerint, justitia, pace, bonis legibus ornaverint, iis suam certam mercedem, non in celebri loco Statuæ, sed ordinatum ac constitutum in cælo locum, in quo extra omnem sortis vicissitudinem, cum æternis illis mentibus, quarum corpora naturæ concesserunt beatè, non aliquot annos, sed ævum immortale agant, cum summa & perpetua lætitia. Datum Goudæ, Ipsis Kalendis Martiis. A° cId Idc xviii.

Lecto-

Lectori Benevolo S.



*Res anni sunt, benevole Lector, quod Poëma-
ta mea publici juris fecerim, in gustum scilicet,
& periculi faciendi causa, qui tuus in me mea-
que esset animus: Ea quia tum temporis doctis
quibusdam non displicuere, & à te obviis, quod dicitur,
ulius excepta sunt, etiam hæc Emblemata, extemporalis
curâ effusa, & jam tum apud me parata è fidis Silentii
castris erumpere passus sum. Quia (ut inquit ille) Spes
alitur exemplis, & placitum confidimus, quod aliis
placuisse gaudemus. De illis autem (sicut de aliis) serio
rogo, & obtestor, uti amicè, non rigidè censeas; ut quam
benevolentiam antehàc expertus sum, eandem etiam-
num in te sentiam. Etenim, ut verum confitear, volui-
mus hîc aliquid, sed impari cum aliis queis corculis esse
datum est, successu. Sufficit nobis, si solam invidiam
deprecemur, quam quidem eò mihi equiorem futuram
spero, quod infirmum & informem hunc sætum, non sa-
pientior ætas, sed adolescentia enixa sit, & quidem ea,
quæ propter alias curas, in hæc solâ curâ esse non potuerit.
Hoc Lector si cognoscis, ignosce, si ea vitia non effuge-
rim, quibus ut plurimum tales affines sumus. Sin minus,
me tamen consolabor, omnium bonarum rerum conatum
in laude, effectum in casu esse.*

Si

Si desint viris, tamen est laudanda voluntas,
Hac ego contentos auguror esse Deos.

*Ultimum restat quod te precer, aut potius deprecer, ne
scilicet mireris sententias quasdam Græcorum, Latine
hic à me esse expressas. Cum enim Typographus noster
defectu illarum litterarum laboraret, mihi que non aliud
tempus ad corrigendum opus, quàm hoc dierum Canicu-
larium Institutum suppeteret, commodè ille expectari non
potuerunt. Verba autem auctorum Græca, si quis nostris
Latinis non contentus, fortè desiderabit, ex ipsis, quo-
rum loca fideliter & ex lege designamus, petat. Alio-
rum verò sententias, quas hic in morem Centonis con-
teximus, discriminibus verborum, aut litterarum figura
dissparare nolimus, ad minorem nimirum Typographi
molestiam, & ut (quod mihi placebat) uniformis esset
Scriptura. Vnicuique autem quod debeo, ingennè ad-
dito è regione nomine, acceptum fero. Tu Lector have,
& si merui, fave.*

In com-

In commendationem Emblematum
FLORENTII SCHOONHOVII,

J. U. D. & Poëtæ eximii.

Vidimus Alciati benè doctum Emblemata, nec illi
Edidit aut simile, aut doctius alter opus;
Hunc tamen ad vivum, Schoonhovius indolis altæ,
Exprimit; huic primo, jure secundus erit.
Sive quis inventum spectet, quis sive Poësin,
Seu videat prosâ planius omne datum:
Quis non tam varias simul uno in pectore dotes
Suspiciat? quis non credat inesse Deum?
Quod dedit Alciatus Minoë interprete, solus
Schoonhovius vates hoc simul omne dedit.
Hunc igitur docti, quibus ex meliore metallo
Finxit Apollineus pectora dia calor,
Hunc avidâ versate manu: legisse juvabit;
Vtile nam dulci miscuit omne simul.
Philologus, vates Themidis, Phœbique sacerdos,
Omne tulit punctum, & commoda multa feret.

GERARDVS TRAVDENIVS.



Quem sibi sancta Themis teneris sacravit ab annis,
 Inq; suum pariter Musa vocavit opus,
 Schoonhoveus sic ora gerit; iuvenilis imago est,
 Mens tamen interius nil iuvenile sapit.
 Gerardus Fraudenius.

I

FLORENTII SCHOONHOVII.
E M B L E M A T A.

Nosce te ipsum.

E M B L E M A I.



*Ne meritum praelustre tuum, Dignissima mundi
Pars Homo, servili conditione premas;
In te tota patet cælorum atque orbis imago,
Hinc decus, hinc dotes noscere disce tuas.*

A

COM-

COMMENTARIUS.

OMnis hominum vis ac præstantia in Animo & Corpore sita est: Utrumque autem habent egregium, nisi quod aliud alio sit præstantius. Hoc lustremus, atque in eo nos illustremus: Corpus quod attinet; videmus illud eis à Natura datum sublime, & quum cæteras animantes pronas, ventrique obediens, ad pastum abjecisset; solum Hominem ad cælum, quasi ad cognationis domiciliique pristini conspectum, erexit. Hinc Poëtarum ingeniosissimus:

*Pronaque cum spectent animalia cætera terras,
Os homini sublime dedit, cælumque tueri
Iussit, & erectos ad sidera tollere vultus.*

Altius si indagemur; omnia, quæ mundus, cum habere competimus; quatuor scilicet Elementa, Spiritum aëreum, Cor igneum Corpus terreum, & Os aqueum. Præterea capitis quoddam cælum, & in eo scintillantes oculos, ipsam formam rotundam cum brachia & pedes expandit, à quorum extremitatibus si lineam ducamus, rem habebimus autorem. Quibus rationibus moti philosophi *Μυκοδόμου* illum appellarunt. Testatur id Macrobius in Somnio Scipionis: Physici mundum magnum hominem dixerunt, & Hominem brevem mundum. Rectè; quia ut ille à Deo regitur, sic Homo ab Animo, alterâ illâ sui parte, immò toto; Nec enim nos ii sumus quos forma ista declarat, sed mens cuiusque, is est quisque. Quare Socrates cum decorum adolescentem conspiceretur: Ut te videam, inquit, aliquid loquere. Etenim arbitrabatur hominem non oculorum, sed mentis acie, & animi obtutu esse considerandum. Ab hoc illud cæleste animal sumus quod divinæ in terris Providentiæ quandam quasi repræsentat imaginem; sagaces, multiplices, acuti, memores, pleni rationis & consilii, denique præclarâ quâdam conditione generati, nimirum ut cæteris animalibus imperemus:

Cicero in
somm.

Ovid. in
Metamorph.

*Sanctus his Animal, mentisque capax alta
Deerat adhuc, & quod dominari in cætera posset
Natus homo est, sive hunc divino semine fecit
Ille opifex rerum, mundi melioris origo, &c.*

Divino semine inquit Poëta non poëticè; Anima enim rationalis ex ipso æternitatis gremio decerpta est, ab illo tradux, divinitatis

vinitatis originem initiumque accepit, ex hoc orta huic similis est. Quid ei clausum, quid invium? in Cælum usque penetrat; astrorum ortus, obitus, cursusque cognoscit; dies, menses, annos finit, defectiones Solis & Lunæ & scit & prædicit in omne posterum tempus, quæ, quantæ, quando futuræ sint. Suo denique ingenio in rerum Naturâ, alteram quasi naturam efficere conatur.

*Quis dubitet post hæc Hominem conjungere Cælo,
Eximiam Natura dedit linguamque, capaxque
Ingenium, volucrumque Animum; quem denique in unum
Descendit Deus, atque habitat, ipsumque requirit.*

Manil. 2.
lib.

Cum itaque, O Homo audacissimæ Naturæ artificium, tot tantæque tibi sint dotes, eas cognosce, & attollere, ne tanquam fungus in illustri hac mundi machinâ sedeas & cucurbitas pingas, excute coporearum cupiditatum cænnum, rumpe clavos quibus te, terrenas habitans Libido mentes, terræ affigere studet, ne pejus tibi velle videaris quam ipsa Natura voluit.

*Hæc, nisi terrenus malè desipis, admonet figura
Qui recto cælum vultu petis, exerisque frontem;
In sublime feras Animam quoque, ne gravata pessum
Inferior fidat mens corpore celsius levato.*

Boëtius.

Sapiens supra Fortunam.

E M B L E M A II.



*En quæ jura solet per Vniuersum
Cunctis dicere Sors hîc illigatur :
Nimirum sapientiâ recoctus
Extra se nihil expetens bonorum
Sortem sub pedibus premit superbam.*

COMMENTARIUS.

IN nemine Deorum Dearumve tam prodiga ingeniorum fuit antiquitas, quàm in Fortunâ, ut quæ sola utramque paginam facere (vel teste Plinio) in ratione mortalium fuit credita. Hinc tot ejus cognomina, tot eam precibus ambiunt, quos elegantissimè Horatius noster Lib. 1. Ode xxxv. descri-

descripfit. Enimverò cæci homines res mortalium nullo ordine, nullo alio rectore, quàm Fortunâ, fluitare existimabant. Divinos itaque ei tribuebant honores, litabant, cælo denique eam collocabant. Testis Juvenalis Satyra x.

*Nullum Numen abest si sit prudentia, sed te
Nos facimus Fortuna Deam, Cæloque locamus.*

Et idem alio loco :

*Si Fortuna volet, fies de Rethore Consul,
Si volet hac eadem, fies de Consule Rethor.*

Hæc ille Ethnicus Poëta ethnicè de Fortuna. Pudet autem maximo cum Christianorum dedecore confiteri, tot etiamnum esse, qui non Deum Fortunæ rectorem, sed ipsam Fortunam propriâ suâ lege meantem agnoscunt, qui huic secunda & adversa sua accepta referunt. Pendent miseri ab eâ, nunc magni sunt, nunc pusilli, nunc elati, nunc supplices, ut cumque se mutarit Rhamnusia; non secus ac conchilia crescente Lunâ auferunt, decrescendo decrescunt. Contra verò Sapiens, pedissequus ille ac imitator Dei, quem hic in scenam producimus; hæc Deâ altior & sublimior stat; utpote semetipso, & ex se nascentibus bonis contentus; hoc est iis, quæ casu non dantur, quale bonum est Virtus: Nam qui alia bona iudicat, venit in Fortunæ potestatem, alieni arbitrii fit. Porro in unoquoque Sapiente,

Quis Deus incertum est, habitat Deus.

Seneca.

Ille dat consilia magnifica & erecta, ille dat animum excellentem, moderatum, omnia tanquam minora transeuntem, quicquid timemus optamusque ridentem. Quem elegantissimè suis coloribus depinxit Horatius:

*Quisnam igitur liber? Sapiens, sibi qui imperiosus,
Quem non pauperies, neque mors, neque vincula terrent,
Respondere cupidinibus, contemnere honores
Fortis, & in seipso totus teres, atque rotundus,
Externi nequid valeat per laxe morari,
In quem manca ruit semper Fortuna.*

Lib. 2. Sat. 7.

O quàm magna quàm paucis? Examinemus, & caput Sapientiæ in istis habebimus. Liberum itaque Sapientem esse sic pro me probat Cicero in Paradoxis. Quid est Libertas? potestas vivendi ut velis. Quis igitur vivit ut vult? qui recta sequitur, qui gaudet officio, cui vivendi via considerata atque provisâ est, qui

Sapiens lib.
bet.

Sibi impe-
rans,

legibus quidem non propter metum paret, sed eas sequitur atque colit, quòd id salutare maximè esse iudicet. Soli autem id con-
tingit Sapienti, ut nihil faciat invitus, nihil dolens, nihil coactus. Confirmandum itaque est, nisi qui ita sit affectus, esse liberum nemi-
nem. Sibi imperat Sapiens, quia non attollitur prosperis nec mergitur infœlicibus. Testis ille à Porticu Sapiens, clamans altum
& inronans: Ego solus rex sum, solus dives: & interim conspi-
citur ad alienas fores mustitans;

Da tegmen Hipponacti, namque frigeo

Totusque contremisco.

Nec morti
cedens.

Nec morti nec vinculis Sapientem cedere; videre est in innocen-
tissimo Socrate, cujus animum triginta Tyranni circumstantes
infringere non potuerunt. Quemadmodum enim nihil incom-
modi adfert nimbus in mare decedens, utque grando illisa te-
ctis magno quidem fragore, verùm nullà novâ defultat, sic ina-
nis ille terror mortis nihil in Sapientem potest. Ad omnem in-
cursum invictus & interritus est, non si paupertas, non si luctus,
ignominia aut dolor impetus faciant, pedem referet, securus
contra illa ibit, plenus gaudio domestico. Verè Boëtius. Lib. I.
Metro. IV.

*Quisquis composito serenus ævo
Fatum sub pedibus dedit superbum
Fortunamque tuens utramque rectus
Invictum potuit tenere vultum,
Non illum rabies, minare ponti
Versum funditus excitantis astum,
Nec ruptis quoties vagus caminis
Torquet fumifcos Vesuvus ignes,
Aut celsas soliti ferire turres
Ardentis via fulminis movebit.
Quid tantum miseri seros Tyrannos
Mirantur sine viribus furentes?
Nec speres aliquid, nec extimescas;
Exarmaveris impotentis iram.*

Seneca E-
pist. 59.

En tibi duo rivuli exturbidissimo Affectuum fonte deducti; nimi-
rum spes & timor, qui etiam in Sapientis animum non influunt,
utpote in quo nil nisi tranquillitas, non secus ac status mundi
super Lunam.

Perpe-

Perpetuum nullâ temeratum nube serenum.

Nam illa mundi pars superior & ordinatior, nec in nubem cogitur, nec in tempestatem impellitur. Eodem modo sublimis ille animus, quietus semper & in statione tranquillâ collocatus, modestus, venerabilis & compositus est. Venio ad Honores, quos quàm facile sit Sapienti contemnere testatus est Diogenes, qui maluit in dolio suo voluari quàm Alexander esse: Scivit scilicet;

Honores
contemnens.

Regnum & Diadema tutum

solam deferre virtutem;

Quum tamen invitam blandè vestigat, & ultrò

Claud.

Ambit honos, docuit toties à rure profectus

Licetor, & in mediis Consul quasitus aratris.

Denique (quod fons est Emblematis) Sapientem esse totum ex se pendens. se aptum, ex se pendentem, & supra Fortunam; paucis pro me docebit Epictetus: Sicut Jupiter secum est atque agit, & in se acquiescit, fruiturque cogitationibus se dignis: Sic & Sapiens sibi ipse sufficit & secum esse potest, fruiturque puriore illâ & sublimiore meditatione; quâ felicitate (secundum Senecam) nulla Deo est propior. Porro cum vera magnanimitas atque libertas duabus potissimum rebus constet; in contemnendis cum prosperis tum adversis; quis hoc melius potest quàm Sapiens? qui totum Fortunæ regnum despicit, & animosè cum Horatio exclamat; Fortunam

Laudo manentem, si celeres quatit

Pennas, resigno quæ dedit, & meâ

Virtute me involvo. probamque

Pauperiem sine dote quero.

Habeamus aquam & polentam, & Jovi ipsi de felicitate moveamus controversiam. Age nunc

Seriat, atque novos moveat Fortuna tumultus,

Quantum hinc imminuet?

O muros quos construendos in animi nostri sensibus monebat Antisthenes nullâ vi expugnabiles. Quàm alta hîc (sine quâ nihil dulce) securitas: Quamvis hîc tollendus risus, quantâ voluptate implendus animus ex hâc sublimi, & tutâ arce contemplantium aliorum errores, suam autem quietem.

Non quia vexari quenkum est jucunda voluptas

Lucret.

Sed

Sed quibus ipse malis careas quia cernere suave est,
 Hi planè juxta Græcorum proverbium

Ὅτι πύγῃ κερύσσει ἀρχαίς.

Seneca. Ipsi stantes in littore navigantis artem & discrimen spectant otiosi. Exurgamus, exurgamus & nos aliquando ex hâc fæce, ut evadamus in illud sublime & excelsum, ubi tranquillitas nos manet, & expulsis terroribus vera Libertas. Certe

Lucrer.
 lib. 1.

*Nil dulcius, benè quàm munita tenere
 Edita doctrinâ Sapientum templa serena,
 Despicere unde queas alios, passimque videre
 Certare ingenio, contendere Nobilitate,
 Noctes atque dies miti præstante labore
 Ad summâs emergere opes, rerumque potèiri.*

Altum

Altum sapere periculosum.

EMBLEMA III.



*Icarus & Phaëton nimium dum magna capeffunt
Occidit hic flammis , ille peremptus aquis :
Mens infirma hominum cœli perrumpere claustra
Cum ftudet ; in tenebras præcipitata ruit.*

COMMENTARIUS.

NOta est omnibus Phaëtonis & Icaris fabula , quæ in eos
potiffimum à Poëtis prudentum primis excogitata
est ; qui infanientis sapientiæ confultî *θεορραδίζοντες ζη-
τούντες τὰ τε ὑπὸ γῆνι καὶ τὰ ἐπὶ οὐρανῷ* ; Satagunt inquirentes
& quæ terram infra, & quæ Cœlum supra ſunt. Res certè quam nec
B
ſcire

scire datum, nec scitari permissum, nec scrutari religiosum. Cum enim Deus regnum suum, seque sine arbitris regat; sanctius & reverentius est de eo credere, quàm scire; mirari, quàm rimari. Plura de hoc

Scire nefas homini.

Tangere vis cœlestes illos ignes? cum Icaro liquefces. Scandere in Providentiæ arcem? cum Phaëtone temerario cades. Una & quidem maximè laudabilis audacia hæc, nihil audere; unum acumen, nihil cernere; una scientia, nihil scire. Quia

Horat.

Prudens futuri temporis exitum,

Caliginosâ nocte premit Deus,

Ridetque si mortalis ultra

Fastrepidet.

Quid itaque animum æternis consiliis minorem fatigamus? Quid nos homulli, nostra terra, pulvis, somnium. immò somnij fugacis umbra: angusto sinu illum claudere volumus, quem nec cœlum ipsum? quid cœlestia ejus decreta capere, quos nunquam cœpit cœlestis Curia? Tamen

———— *Nos pravum & debile vulgus*

Scrutamur penitus Superos. hinc pallor, & ira.

Hinc scelus, insidiaque, & nulla modestia voti.

Nos ij sumus qui secreta Cœli inquirere sudamus, qui curiosâ mente mentis æternæ recessus tentamus, & in ipsa ipsius Decreta irrumpimus. Nos de divinâ Prædestinatione, de Libero Arbitrio, de Lapso primorum parentum, aliisque, quæ otiosæ mentes semper quærunt, & nunquam inveniunt, disputare audemus, simplicemque Scripturam quæstionum ambagibus implicamus; cum tamen Veritas hæreat sub ictu, immò amittatur nimium altercando.

Prudentius.

Idcirco mundi stulta delegit Deus,

Vt concidant Sophistica.

In his si quis seorsim à sensu nostro senserit; in cum statim arietamus, crimenque ducitur lustralibus febris expiandum. Pro his,

Lucan.

Bella geri placeat nullos habitura triumphos.

Pestis certè & hujus, & jam olim plurium Rempublicarum, nec facile excutienda si aut ipsa potens, aut obsedit potentes. Nonne hodie hanc ob causam, provinciam provinciæ, civem civi infestum videmus? nonne hoc

*Procurit enses,**Et socias inimicat urbes?*

Horat.

Accedunt concionales turbæ, quæ undique gladiatorio animo classicum canunt, quæque pax deberent esse mundo, fax sunt, & πῦρ ἢ καὶ πῦρ addunt, quum tamen omnis modestia atque moderatio eas deceat; quam sinon habeant, fumerent saltem sibi hoc tempore mutuam.

Sed frustra est hæc quærela; quisque regnum sibi vi, atque factionibus munit; hinc castra ex unâ parte contraria, & parentum liberorumque sacramenta diversa:

Didit incertum studia in contraria vulgus

Verè incertum; quia, non aliter quàm pecorum ritu, sequitur antecedentium gregem, pergens non quâ eundum, sed quâ itur; nec ad rationem, sed ad similitudinem componitur. Libertas quidem, & speciosa nomina prætexuntur; sed ut imperium evertant, libertatem præferunt; si everterint, ipsam aggrediuntur. Sub hoc mantili & everriculo multarum fraudum, fervida ingenia violentiam naturæ, & profundam ambitionem velare student. Relligio passim in ore, improbitas in corde, cui nisi frena maturè injiciantur, & veteres artes, per quas Batavum nomen, & illius credere vires, revocentur; ita in nervum erumpet, ut non nisi Vi Majore ejus motus componendi sint. Quod si fit, conclamatum est, & exequias Belgicæ quibus commodum est ite. Non desunt nobis exempla istarum quas patimur cladium, sed ipsi nobis. Nonne Græcia, & quod recentius, Flandria, hæc immodicâ libertate & licentiâ concionum perii? Nonne speciosi hi religionis prætextus,

*Aliis urbibus ultima**Stetere causa cur perirent**Funditus. imprimeretque muris**Hostile aratrum exercitus insolens?*

Certè nimis quàm verum. Sed quid? Ita se res habet ut plerumque qui fortunam mutaturus est Deus, consilia corrumpat. Iam rebus omnibus florentissimi, Regibus, Principibus, Rebus publicis suspiciendi, immò (dicere hoc liceat) adorandi; nosmet ipsos perdere, & in nostra viscera victricem dextram convertere studemus: palàm alioqui beati, nisi unum hoc desit, animus qui modestè istæ ferat, At vix est ut queamus; opes enim,

Vell. Patere. lib. 3.

divitiæ, nimiaque fœlicitas affixère seculi nostri mores: hinc illæ lachrymæ, hæc una fundi nostri calamitas. Philosophus quidam interrogatus, quidnam esset, Fortuna? respondit; Malus medicus; plerosque enim quos curat, cœcos facit. In nobis id verum, quibus hostis in latere, & tantum non ad portas Hannibal, & tamen dulci Fortuna ebrii litigamus; Syracusæ nostræ capiuntur, & nos in pulvere pingimus, sperantes amoto metu & intereâ oscitantes opprimendi. At quantò satius erat, id operam dare, ut sapientiam cum modo habentes, Consilia quibus impares sumus fato permitamus, & pestilente hâc fruge in herba oppressa, tutam rebus adstruamus securitatem. Animos commune periculum jungat, si multas post sit: Ne tum denique nostra intelligamus bona, cum quæ in potestate habuimus ea amiserimus, Serum est mortua re verba facere; Optimum autem aliena insania frui.

At vos;

*Sed calidus sanguis, seu rerum inscitia vexat
Indomita cervice feros, ubicunque locorum
Vivitis, indigni fraternum rumpere fœdus.*

Nos qui nihil præter vota in commune conferre possumus, Deum intimè precamur, ut pura simplexque Religio in patria nostra restauretur; ut nova commenta, & cœtera ludificandis animis per otium callidè excogitata, aboleantur; tandemque, sublata scissura, pax in domo ejus, in Conscientiis quies, securitas in Republica constitutatur.

In

In publico malo foelices.

EMBLEMA.



*In sua victrici dum sævit viscera ferro
 Patria, & innocuo terra cruore rubet ;
 Vultur adest subito, defuncta cadavera pascens ,
 Quodque aliis damno est , hinc sibi lucra petit :
 Grassari quò tuta queat ad munia opesque
 Civica deposcit praelia seditio.*

COMMENTARIUS.

A

Ristophanes in Equitibus ait.

Fecisti ut is qui captat anguillas facit.

Quieta quum sunt stagna venatur nihil ,

B 3

Sed

*Sed cœnum ubi omne illac & hac subverterit,
Captura magna est; Tu quoque ubi perturbaveris
Hinc civitatem & inde; plurimum capis.*

Cic. 2. in
Cat.

Similitudo mehercules optimè quadrans in seditiosos, qui honores quos quietâ republicâ desperant, perturbatâ se consequi posse arbitrantur. Itaque miscent omnia sursum & deorsum, certis suis conatibus oportunissimos esse illos transitus rerum. His ducibus comites sese adjungunt ij qui ex conscientia scelerum nihil spei sibi reliquum fecerunt, nisi in summa rerum omnium desperatione: hi privata vulnera Reipublicæ malis operire statuunt. Præterea obârati, quibus afflicta fides in pace, qui rebus turbatis alacres, & per incerta tutissimi sunt. Hinc apud Suetonium Iulius Cæsar inquit; ijs quos gravior criminum, inopiæ, luxuriæ vis urgeret; bello civili opus esse. Quemadmodum enim pulegi-um ipso brumæ tempore floret, quum marcent omnia: ita mali, quorum in pace nullus est respectus, rebus pessimè vexatis regnum tenent. Sed id pro tempore saltem; parum enim diuturna est felicitas quæ his fundamentis innititur. Et rarò magna illa Reipublicæ moles convelli sine exitio convellentium potest. Qui igne immisso sylvam incenderit, non potest eventum reliquum arbitrio suo moderari, sed ignis quocunque impetus fert, pabulum quærit, & in ipsum incendii auctorem sæpe ruit: haud aliter qui malo consilio patriam intestinis bellis incendit, cum illâ confligente conflagrat, pereunte perit, & æquales cum victis victoris condiciones accepit.

Ni-

Nihil ignavis votis.

EMBLEMA.



Rebus in humanis nostrum solamen opemque

Nil juvat ignavâ sollicitare prece :

Audentes Fortuna juvo : conamina vestra

Iungite , & hoc nostrum præsto erit auxilium.

COMMENTARIUS.

Proverbio celebratum est apud Lacedæmonios: Admotâ manu Fortunam esse invocandam: Quo significabant sic esse invocandos Deos ut simul & manuum apponamus, & nostram addamus operam, alioqui frustrâ invocari. Non enim votis neque supplicationibus muliebribus auxilia Deorum parantur; sed vigilando, agendo, bene consulendo omnia ^{solust.} pro-

prosperè cedunt. Vbi socordiæ atque ignaviæ te traddideris ne-
 quicquam Deos imploras, irati infestique sunt. Gubernator vi-
 dens insurgere tempestatem Deorum auxilium petit; nihilo seg-
 nius interim clavum moderans & antennam detrahens. Miles,
 invocata ope Divinâ, armatur. Arator ab Hesiodo jubetur Diis
 Max. Tyrius. sacrificare, deinde aggredi. Nec Ægyptius Colonus solo Nili fre-
 tas flumine semen suum spargit, nisi prius aratro bovem junxerit,
 sulcum duxerit, multum laborarit. Tum deinum flumen vocat,
 opus suum illi commendat: Ita fluvius miscetur cum labore a-
 Cicero in gricolæ, cum labore spes, cum molestia fructus. Quod si autem
 Offic. omnia nobis quæ ad victum cultumque pertinent, quasi virgula
 Divina (ut ajunt) suppeditarentur, tam optimo quisque jure se
 negotiis omnibus omillis otio daret. Sed

Horat.

— Nil sine magno
 Vita labore dedit mortalibus.
 Et

Ovid. in
Metam.

— Ignavis precibus fortuna repugnat.

Manil. Astr.
Lib. 4.

Pro pretio labor est, nec sunt immunita tanta,
 At nisi persofsis fugiet te montibus aurum.
 Impendendus homo est, Deus esse ut possit in ipso.

Xenophon.

Quæcunque bona sunt ac præclara, eorum nihil sine labore ac stu-
 dio Dii hominibus largiti sunt. Si qua fœlicitas inter eos est, non
 sine iis existet, sed eam ad exitum perducet aut hodie, aut postea
 Deus. Ait alicubi Hesiodus:

Pindar.
Pyth. Ode 12

Agrine cum multo facilis se ignavia cuivis
 Offert, plana via est aditus levis ejus ad ades:
 Ac virtutis iter sudore Dii obvallarunt,
 Longa quidem pariter, viaque ardua ducit ad ipsum,
 Asperitate graves aditus quæ fronte recludit
 Prima sed levis est superato vertice tandem.

Si itaque delectant præmia quæ promittuntur, ne deterreant cer-
 tamina quæ jubentur. Nam (ut Plautus inquit)

Qui è nuce nucleum vult, frangat nucem.

Claud. in Epithal. Honorii.

Non quisquam fruitur Veris odoribus,
 Hyblais latebris nec spoliat favos,
 Si fronti caveat, si timeat rubos:

Armat spina rosas, mellâ tegunt apes.

Si Doctrinam amas, dormienti tibi eam Dii non faciunt, non enim lata (ut ait Propertius) via ad eam currere datur. Nec frustra Mulas antiqui in arduo atque edito monte habitare dixerunt; Laborem enim, sudorem, & vigilas in earum atrio excubare voluit Deus; hæ earum matres sunt, negligentia autem iis nocere est. Si mercuriales artes, hoc est mercaturam, exercere tibi animus est; nequicquam tibi ignavo faculam lucrificam allucebit Fortuna.

Plaut. in
Persa.

Nimis homo nihil est, qui piger est,

Vigilare decet hominem qui vult sua temporis conficere officia.

Idem in Ru-
dente.

Denique si bello inclarescere studes, quernamque coronam mereri; non ex plano & facili hæc gloria petitur, nec seignibus animis sibi que indormientibus ad eam aspiratur:

Non stantibus austris,

Claud. de
4 Hon. Conf.

Nen pluviis cedes.

Inventis utere cibis, solabere partes

Æquali sudore tuas. Si collis iniquus;

Primus ini, sylvam si cadere provocat usus;

Ne pudeat sumpta quercum stravisse bipenni.

Calcatur si pigra palus, tuus ante profundum

Prætenet sonipes, fluxivos tu protere curru

Hærentes glacie, liquidos tu scinde natatu.

Nunc eques in medias equitum te consere turmas,

Nunc pedes assistas pediti, tum promptius ibunt

Te socio: tum conspicius gratiusque geretur

Sub te teste labor.

Cogit (scilicet) tantos tolerare labores

Summa ducis virtus, qui nudâ fusus arenâ

Excubat, atque omni Fortunam provocat horâ.

Lucan. lib. 9.
bel. Civ.

Sunt tamen quidam hoc astro, ut iis ad amplitudinem & gloriam, Cicero. & ad res magnas bene gerendas divinitus adjuncta Fortuna videatur, quibus venti, tempestatesque obsecundant: homines scilicet majore Fortunâ quàm Sapientiâ; quæ quia deest, ad temeritatem sæpius invitantur, cum pravo consilio illa propitia ardet, quæ ita prodesse nonnunquam vult, ut vehementius noceat. Itaque Cæsareum illud probemus; Virtute duce, comite Fortunâ.

In Ambitiosos,

EMBLEMA VI.



*Ecce viatores aduerso, Sole nitente ;
 Tranite qui peragrant perficiuntque vias,
 Hic sequitur, fugit ille suam quam sedulus ambram,
 Qui sequitur, fugit hunc, qui fugit, hunc sequitur.
 Gloria sic humiles amplectitur, at sibi quisquis
 Hanc nimiam poscit ambitione fugit.*

COMMENTARIVS.

Non abs re quidam Ixionis fabulam aduersus inanis
 gloriae sectatores excogitam esse existimant : nam ut
 ille, pro Junone, cum nebecula concubuisse, atque ita
 Cen-

Centauros aliaque monstra procreasse fertur, sibi gloriam, veluti quandam Virtutis umbram, amplexi, nihil sincerum aut laude constanti dignum, sed adulterina pleraque edunt, homines scilicet ineptissimi, quorum ambitio

— *Vestibulis, foribusque potentum*

Excubat, & pretiis commercia poscit honorum,

Quorum vota per fas nefasque ad falces & secures quàm improbi-
bissimè festinant, quæ quidem, jam adeptæ, gratæ non sunt, si aliquid majus restet, ultra quod se avara cupiditas porrigat, quæ non quos vincat, sed à quibus vincatur aspicit, cuique non tam jucundum est multos videre post se, quàm grave aliquem ante se. Unde usu venit, ut illos vera constansque gloria, tanquam turpissimos sui lenones deserat, aut immoderatus ardor pectus dejectat, majores aliqui futuros, si minores esse voluissent. Testes mearum sententiarum ambo Gracchi, infelix par fratrum, qui si civilem dignitatis concupissent modum, quicquid per tumultum, ac seditionem, adipisci conabantur, quicquid respublica obtulisset. Etenim ambitiosis hisce ingeniis, aliqui ad imperia gerenda non ineptis, quoddam æqualibus gloriæ causa inviderent, eosque de statu suo dimovere conarentur, id non exiguo in rebus præclare gerendis impedimento fuit, eos enim virtutis suæ adversarios reddiderunt quibus adjutoribus uti potuissent. Præterea id hominibus ingenium est, ut qui improbe eniti, & ad honores grassari conantur, eos deprimant, contra, qui nihil sibi vindicant, & infra aliorum æstimationes sese metiuntur, omnia adsequantur. Atque hæc de aperta ambitione: restat ut dicamus de tacita, quæ ideo periculosior, quia occultius, & per majores cuniculos fallit. Hæc est, quæ, quemadmodum remiges, puppim inuentes, proram tamē ulterius promovent & impellunt; sic fugere videtur, quod persequitur, vituperare, quod quam maximè laudat: non secus ac Philoxenus nasi mucum in catinum emungere solitus fuit, quo, reliquis convivis deterritis, ipse solus cibis apposis frueretur. Interea autem hæc intimè apud sese precatur,

— *Pulchra Laverna*

Horat.

Da mihi fallere, da justum, sanctumque videri,

Noctem peccatis, & fraudibus obijce nubem.

Cæterum gloria ne ab iis quidem, qui contemptum ejus intro-
ducere

Val. Max.
mus.

ducere conantur, negligitur; quoniam quidem ipsis voluminibus nomina sua diligenter adjiciunt, ut quod professione elewant, usurpatione memoriæ consequantur. Quam vanitatem omnium Philosophorum divinissimus Socrates quam optime derisit: Cum enim Antisthenes Cynicus pallium haberet pertusum, idque obvertens fissuram omnibus daret inspiciendam; Per fissuram, inquit pallii tui video tuam inanitatem. Ad eò nihil simulatio proficit, paucis imponit leviter extrinsecus inducta facies, veritas in omnem partem sui semper eadem est. Tenuè est mendacium, perlucet si diligenter inspexeris. Porro nulli non Virtus & vivo & mortuo retulit gratiam, si modo illam bona fide secutus est, si se non exornavit & pinxit, sed idem fuit sive ex denunciato videbatur, sive imparatus ac subito. Exemplum dabit M. Cato homo virtuti simillimus, & per omnia ingenio Diis quam hominibus propior; qui nunquam rectè fecit ut facere videretur, sed quia aliter facere non poterat; qui omnibus humanis vitiis immunis semper Fortunam in sua potestate habuit, quæ ipsum in Prætura postponens Strumæ Vatinio, optime ab ipso derisa est; non enim Cato repulsam tulit, sed ipsa dignitas eam passa est; Non secus ac Anaxagoras ab Atheniensibus exilio multatus, non privabatur Athenis, sed illæ illo. Roma Vejis erat qua tempestate maximus illæ patriæ liberator Camillus exulabat pulsus ab ingrata urbe. Quicumque Rempub. salvam voluit sunt cives Romani.

Seneca.

Vell. Pater.

Ennius.

*Qui rectè consulat, consul suat.**Hostem qui feriet mihi erit Carthaginienfis.*

Morat.

Virtus repulsa nescia sordida, in-
*contaminatis fulget honoribus,**Nec sumit aut ponit secures**Arbitrio popularis aura.*

Enimvero non purpura aut aureis virgis, sed utilitate publica adductus, Cato Præturam petiit, ut amicis propinquisque, & omnibus civibus, omnibus deinde mortalibus paratior utiliorque esset propius positus: Idque laudabili morum suorum fiducia, quæ quia in animis bonorum de affectu simplici surgit, genus est virtutis. Nec certe caruit heroicus ille conatus, vel, laude vel præmio, etiamsi ei non responderit eventus. Rectè enim
facto-

factorum verus fructus est fecisse, nec ullum virtutum pretium dignum illis, extra ipsas est. Quod probè callebat idem Cato, cordate affirmans, se malle ut homines querantur cur ipsi non esset posita statua, quam statuta esset quærant. Arcus enim & statuas, aras etiam templaque demolitur ætas, obscurat oblivio, Pl. in Pa-
neg. negligit carpitque posteritas; contra contemptor ambitionis & infinitæ potestatis domitor ac frænator animus, ipsa vetustate florescit, nec ab ullis magis laudatur quam quibus minimè necesse est. Magnum est non expetere quod mereris, immo majus quàm mereri. Pædaretus Lacon cum in numerum trecentorum non esset allectus, vultu hilari surgens è Senatu discessit, hoc dicto; Gratiis vobisago Dii immortales, quod urbi huic tam multos dederitis me meliores. Nimirum vir hic, meritum suorum securus interpret, patriæ suæ, vel se è Senatu excluso, bene esse gaudebat, nec ob id virtus ei demptâ gloriâ amara fuit, quæ sequi debet non appeti, nec, si casu aliquo non sequatur; idcirco quod gloriâ meruit minus pulchrum est. Socratis gemmâ hæc consigno, qui dicebat expedita & compendiaria via eos ad gloriâ pervenire, qui id agerent, ut quales videri vellent, tales etiam essent: quâ quidem prædicatione apertè monebat, ut homines ipsam potius virtutem, quàm ipsius umbram consecrarentur.

Sat citò, si fat benè.

E M B L E M A VII.



*Vt orbium diversus in contraria
 Nisus coërcet fervidum motum rotæ,
 Sic & senectæ providens cunctatio
 Calidos juventæ frenat ausus, & regit.
 Idcirco Princeps eligat sibi senes
 Ad consulendum; Iuniores comparet
 Ad exequendum jussa Prudentum senum.*

C O M M E N T A R I V S.

HÆc duo boni Status fulcra sunt; Consilium & Vis; Sed conjuncta, quia (ut testatur Cicero) nihil vis valet foris; nisi con-

consilium sit domi; nihil consilium domi, nisi vis sit foris. Consilium, secundum omnes Politicos, à senibus, (quos quia capite sunt candido, sapere oportet) petendum est; vis autem à juvenibus, Plaut. in Mostell.

Quis integer avi

Sanguis adest, solidaque suo stant robore vires.

Virgil.

Fecerunt id Romani; qui semper Senes, quibus corpus annis infirmum, ingenium verò Sapientiâ validum erat; Reipublicæ clavo admovebant, eosque, à curâ, Patres dicebant. Afferit Val. Maximus: Validior ætas imperium Romanum rexit, & duplicavit; senectus, excellentissimis ornamentis decorata, in altissimo majestatis fastigio fulsit. Et Ovidius in fastis:

Magna fuit quondam capitis reverentia cani,

Liv. 5.

Inque suo pretio ruga senilis erat.

Martis opus juvenes, animosque bella gerebant,

Et pro Diis aderant in statione suis.

Viribus illa minor, nec habendis utilis armis:

Consilio Patria sæpe ferebat opem.

Nec nisi post annos patuit tunc Curia seros,

Nomen & atatis mite Senatus habet.

Sciebant autem viri prudentissimi; Adolescentum animos plerumque parum providos, eosque molles, & ætate fluxos, quique haud difficulter dolis capiantur:

Juvenilis ardor impetu primo furit:

Seneca in Octavia.

Languescit idem subito nec durat diu.

Tacitus.

Contrà Senes cunctatores natura sunt, quibus cauta consilia, cum ratione magis, quàm fœlicia ex casu placeant. His (quod olim apertissimè de se Mithridates profitebatur) Fortuna, multis rebus ereptis, usum dedit benè suadendi. Horum senectus (ut Philo apud Comicum loquitur) Historiam veterem atque antiquam sustinet. Juvenes fidunt Fortunæ, tanquam cum eâ fidem stare oporteat, Livius lib. 35. eorum calida sunt consilia, quæ quidem specie læta, sed tractatu dura, eventu aspera sunt. Prudenter Plutarchus,

ὁ γὰρ ἐστὶ βέλῃς τὸν τὸ καὶ δρόμῳ τέλει.

Cursus haud est finis idem & consilii,

Quia nihil magni discriminis consiliis tam inimicum, quàm præcipitantia. Callidi itaque, non calidi in consilium adhibendi sunt, qui,

Quicquid

*Quicquid est incoctum, non promunt,
Bone coctum duunt;*

Plaut. in
Mil. Ger.

Qui quum cogitarint facere audent, & prius cogitare, quàm facere consueverunt. Legimus ducem illum Græciæ Agamemnonem unum Hestorem decem Ajaci similibus prætulisse: Et quidem jure; quia unius viri Sapientis consilio fruuntur omnes, fortitudine autem viri fortis pauci. Et apud Homerum Nestor in consiliis præcipuus, bello utilis. Darius etiam tot Zopyros sibi exoptat, quot grana insunt Punico malo. Hi autem fuerunt senes, qui non viribus, aut celeritate corporum res magnas gessere, sed consilio, autoritate, & Sapientiâ, quibus non modo non orbari, sed augeri etiam senectus solet.

Virgil.

*Nec tarda senectus
Debilitat vires animi, mutatque vigorem.*

Et Ovid. in Metamorph.

*Non omnia grandior ætas
Quæ fugiamus habet, seris venit usus ab annis.*

Hinc ea verba Agamemnonis ad Nestorem Iliad. δ. O senex utinam ut animus in pectoribus amicis, sic tibi genua responderent, visque tibi firma esset. Porro quanquam Sapiencia canis non sit æstimanda; & plurimi in vestimento hoc Comici meritò proferre possint;

*Spektare noli simne juvenis qui loquor,
Viri sed utrum verba prudentis loquor;*

Tamen;

Terent.

*Nunquam ita quisquam bene subducta ratione ad vitam fuit;
Quin res, ætas, usus, semper aliquid adportet novi,
Aliquid moneat, ut illa quæ te scire credas, nescias,
Et quæ tibi putaris prima, in experiundo repudies.*

Quia ut alius Comicus inquit;

*Sapientie ætas condimentum est, sapiens ætati cibus.
Et; Multa est operæ opus fictura qui se fictorem probum
Vita esse agenda expetit.*

Itaque Plutarchi sententiâ hæc finio: Maxime servatur Civitas, ubi consilia senum, & juvenum virorum præcellunt lancix.

Miser-

Miserrima servitus, servire voluptati.

E M B L E M A V I I I.



*Imbelli digito dum carpis fila, columque,
 Fœmineos inter Sardanapale greges;
 Servus es infamis. Quid enim servilius illo,
 Quem premit imperiûs fœda libido suis?*

C O M M E N T A R I U S.

Hic error hominum animos invasit, ut illos in purpurâ
 & Diademate fulgentes; quibus undique licet popu-
 lum circumfusum arcet, quos supra capita hominum,
 supraque turbam delicatos Lectica suspendit; magnos
 fœlicesque existimet; quorum tamen superficiariam fœlicita-
 tem si diligentius introspeciamus; non reges, liberos, aut fœli-
 ces;

Boët. lib. 4. ces, sed miserrimos servos esse comperiemus:
Met. 2.

*Quos vides sedere celsò
Solii culmine Reges
Purpura claros nitente
Septostrophibus armis:
Detrahat si quis superbis
Vani tegmine cultus
Iam videbit intus aristas
Dominos ferre catenas.*

Seneca.

Nemo quidem illis venientibus resistit; sed nec ipsi ambitioni crudelitatiq; resistent. Tunc quum agere visi sunt, aguntur. Quis Tarquinium vitiis affectibusque servientem Regem dicat? An Sardanapalus mihi rex erit, cui muliercula imperat? cui leges imponit, præscribit, jubet, vetat quod videtur? qui nihil imperanti reculari potest, nihil negare audet? Si poscit, dandum est; si vocat, veniendum; si ejicit abeundum; si minatur, extimiscendum est. Ego vero istum non servum, sed nequissimum servum existimo. Quomodo, aut cui tandem hic libero imperabit, qui non potest cupiditatibus suis imperare? Refrenet prius libidines, spernat voluptates, iracundiam teneat, coërceat avaritiam, cæterasque animi labes. Tunc incipiat aliis imperare, cum ipse improbissimus Dominus dedecori ac turpidini parère desierit. Talem Regem tibi Tragicus depingit.

In Thyest.

*Rex est qui posuit metus,
Et divi mala pectoris,
Qui tuto postus loco
Infrà se videt omnia.
Occurritque suo libens
Fato, nec queritur mori;
Mens regnum bona possidet,
Rex est, qui metuit nihil.
Hoc regnum sibi quisque dat.*

En tibi Regem, non vitiis, non casibus, non morti ipsi subjectum, omne denique gaudium ex Bona sua mente promentem. Et an non pulchrius ampliusque hoc regnum;

*Quàm si Lybiam remotis
Gadibus jungas; & uterque Pænus
Serviat uni.*

Mihi certe cum Claudiano videtur, dum inquit,
*Tu licet extremos latè dominere per Indos,
 Te Medus, te mollis Arabs, te Seres adorent;
 Si metuis, si prava cupis, si duceris irâ;
 Servitii patiere jugum, tolerabis iniquas
 Interius leges tunc omnia jura tenebris,
 Cum poteris rex esse tui. Proclivior usus
 In pejora datur, suadetque licentia luxum,
 Illecebrisque effrena favet, tunc vivere castè
 Asperius, cum prompta Venus; tunc durius ira
 Consultur, cum pœna patet. Sed comprime motus,
 Nec tibi quid liceat, sed quid fecisse decebit
 Occurrat,*

Non abludit ab hoc illud Senecæ; Si vis exercere tibi utile, nulli
 autem grave imperium, submove vitia. Favet etiam Boëtius;

*Qui se volet esse potentem,
 Animos domet ille feroces
 Nec victa libidine colla
 Fœdis submitrat habenis;
 Etenim licet Indica tellus
 Longe tua jura tremiscat,
 Et serviat ultima Thule;
 Tamen atras pellere curas,
 Miseraque fugare querelas.
 Non posse; potentia non est.*

Lib. 3. Met. 5.

Futura latent.

EMBLEMA IX.



*Dum gravis apricis in collibus Æschylus errat,
 Concipens cedro carmina digna lini;
 Decidit ex Aquilæ rostris Testudo; sacrumque,
 Heu, miseri Vatis contudit illa caput:
 Nescia mens hominum Fati, dum plurima fingit
 Sæcula, mors ipsas sæpe stat ante fores.*

COMMENTARIUS.

Narrant ij, qui Historiam Naturalem conscripserunt,
 Aquilæ tantum esse ingenii, ut Testitudinem raptam, ex
 alto aptum speculata locum, in saxum aliquod demittat,
 ut

ut ad eum modum ruptâ testâ carnibus vesci possit, Verum in Æschylo parum aquilinis oculis fuit, quum in hujus albicantem calvariem, saxum esse rata, dimissâ Testitudine miserum occiderit, ut vel ob hanc unam causam optimo jure Poëtis omnibus conveniat esse invisam. Hujus autem Æschyli improvisus casus admonet nos fragilitatis vitæ humanæ, nostrasque conceptiones inanes esse, utpote quæ pusillo temporis spatio sæpe franguntur & corruunt, & in ipso cursu ante obruuntur, quàm portum conspicerent valeant: ita ut verissime cecinerit Tragicus.

*Gens hominum fertur rapidis obvia satis
Incerta sui, stygiaeque ultro querimus umbras.*

In Herc. fu-
rent.
Seneca ad
Lucil.

Omnis dies, omnis hora vitam nostram carpit, omne denique momentum quàm nihil sumus ostendit, & aliquo argumento recentia admonet nos fragilitatis nostræ oblitos, & æterna cogitantes, respicere cogit ad mortem. Quod animadvertens Aristoteles, vere nos imbecillitatis exemplum, temporis spoliū, Fortunæ lusus, & calamitatis trutinam appellavit. Et ille dixit: Hominem esse lutum scitè mixtum, vitam, hæminam unam sanguinis, quam quilibet levis casus rumpit, quælibet febricula corrumpit. Quid Lucianos in Charonte? vitas hominum bullis hujusmodi similes facit, quarum aliæ simul ac natæ sunt protinus evanescunt, aliæ paulo diutius durant, omnes brevissimis quibusdam intervallis aliæ succedunt aliis. Plautus in Pseudolo.

*Quasi herba solstitialis paulisper fui:
Repente exortus sum, repentinò occidi.*

Huc etiam respexit Pindarus, cum dixit, *τί δὲ τίς, τί δὲ τίς οὐκ ὄντων ἀνθρώπων.* i. Quid est aliquis? quid est nullus? umbræ somnium homo. Et verè; punctum enim est quod vivimus, & adhuc puncto minus, sed hoc minimum specie quadam longioris spatii natura derisit. Aliud ex hoc infantia terit, aliud pueritia, aliud adolescentia, aliud inclinatio ad senectutem, aliud ipsa senectus. Et sic

Seneca.

*Festinat decurrere velox
Flosculus angusta, miseraque brevissima vita
Portio, dum bibimus, dum sarta, unguenta, puellas
Poscimus, obrepat non intellecta senectus.*

Juvenal.

Immo & mors: Sed in hoc errore versamur omnes, ut non putemus nisi senes inclinatosque ad eam vergere, quum illò infan-

Seneca in
Consul.

fantia statim, & juvenia, omnisque ætas ferat. Agunt opus suum fata, nobis sensum nostræ necis auferunt, quoque facilius obrepit mors, sub ipso vitæ nomine latet.

Nascentes morimur, finisque ab origine pendet.

Tragicus.

Et prima quæ vitam dedit hora carpsit. Hæc quum ita sese habeant quum tantulum sit quod vivimus, quantis tamen illud circumscriptum est angustiis? Sexcenta morborum genera quotidie infestant, nec pauciores imperunt casus, & ruinæ, venena, naufragium, lapsus, fulmen, & quid non? Ait non falsus Vates,

Stat

*Quid crastina volverit atas
Scire nefas homini.*

Et Lyricorum Princeps,

*Quid sit futurum nunquam homini satis
Cantum est in horas, navita Bosphorum*

*Pænus perhorrescit, neque ultrâ
Cæca timet aliunde fata:*

*Miles sagittas, & celerem fugam
Parthi, sagittas Parthus & Italiam.*

Robur, sed improvisa lethi

Vis rapuit rapietque gentes.

Petron.

Alium acini granum glutientem, suffocatum accipimus; Alium porus cum lacte pilus strangulavit. Illum Bellanem arma decipiunt. Illum Diis vota reddentem Penatum suorum ruina sepelivit. Ille vehiculo lapsus properantem spiritum excussit. Si bene calculum ponas; ubique mors præsto est. Et tamen nos hoc animal sumus, quod tantos molitur tumultus, cujusque cupiditatibus hic orbis angustus. Cujus rei clarissimum specimen præbuit Alexander, qui Philosopho quodam de pluribus mundis differente plorasse dicitur, quod unum tantum subegisset, eoque infantiæ tandem devenit, ut Deus appellari voluerit. Oturgidum putrentis vermis votum! nesciebat scilicet se sperma fœtidum, saccum stercoreum, animal denique esse *ἡμετέριον*, cui vitæ mensura dies. Sed quid hoc in Alexandro Monarcha totius universi miramur? Cum inter tot Fortunæ obsequia parum sobria sit mortalitas? In nos descendamus, idem & nobis obijci posse comperiemus. Quanto studio, quantaque contentione miselli homunciones honori & ambitioni velificamur? quàm solliciti

in

in titulum sepulchri laboramus? quum tamen omnia mortalium studia mortalitate damnata sint. In quam longinquum cogitationes nostras ordinamus? ignari nullam fidem vitæ esse, maximam mori. Providus certè, & in posterum prospiciens mihi sit; qui collectis sarcinis suis, & ex hac vitâ tanquam hospitio, migrare paratus; crastinum securus expectet, quem si Deus concedat, in lucrum suum deputet.

Despe-

Desperatio audaces reddit.

E M B L E M A T A X.



*Actum est, interii, nisi Desperatio præceps,
Per medias cæcam concitet ire fudes.*

C O M M E N T A R I U S.

Pessimè meâ sententiâ Imperatores ducesque ij agunt, qui
hostes suos ad extremos usque fines persequuntur; Nam
quemadmodum felis undique cinctâ fustibus
Fortis virtute coactâ

Lucan.

Per eos ruit, & sæpissimè evadit: sic hostibus locorum angu-
stij, & armatorum multitudine circumventis, ex desperatio-
ne crescit audacia, & quum spei nihil est, sumit arma formido.
Quod probè intelligens Scipio; dicebat hostibus viam, quâ
fu-

fugiant, aperiendam esse. Sæpè enim qui mortem evadere non potest, ultro pericula sequitur. Eique (ut Statius asserit)

Vires fiducia lethi

Suggest.

Ita ut illud Virgillii audiatur ;

Moriatur, & in media arma ruamus;

Vna salus victis nullam sperare salutem.

Et, ut Seneca in Medea inquit ;

Qui nil potest potest sperare, desperet nihil.

Valerius Maximus ait; Humanæ imbecillitatis fortissimum du- Lib. 2.
ramentum esse necessitatem. De hoc si antea dubitabatur, nostris temporibus ingenti documento, adversus Hispanos, compertum est; nulli scilicet populo, ad decus ac libertatem nato, tam degenerem animum esse, ut velit, tam afflictas vires ut cogatur permanere in eâ vivendi conditione, cujus eum pœniteat. Hinc enim dolor, & indignatio, eruptura tandem in nervos, ubi graviora sunt quæ patiuntur homines, quàm quæ ultra formidare queant. Damindas, quum Philippus irrupisset in Peloponesum, & quidam ita loqueretur; Periculum est ne acerba patiantur Lacedæmonii, nisi Philippo reconcilientur; O semiviri inquit, quid nobis poterit acerbi accidere, qui mortem contemnimus? Crotoniensium (ut ait Justinus) centum & viginti millia armatorum erant, quum Locrenses paucitatem suam conspicientes (nam sola quindecim millia militum habebant) omisâ spe victoriæ in destinatam mortem conspirant, tantusque ardor ex desperatione singulos cœpit, ut victores sese putarent, si non inulti morerentur. Hi quum mori honestè quærent, victores exstiterunt. Tantum scilicet effecit mistus timori pudor, spesque desperatione quæsitæ. Proinde altè sedeat Imperatorum animis, quod Pyrrhus, inter cætera militaria præcepta, memoriæ prodidit: Non esse pertinaciter instandum hosti fugienti. Sed secundum Guicciardinum, *All' inimico quando voleva andersene, non si doveva chiudere la strada, ma più presto, secondo il vulgato proverbio, fabricarli il ponte d'argento.*

Quia fortior ultima virtus.

Et acerbissimi sunt morsus morientium ferarum.

Lib. 7. The-
baid.

Lucanus.

In statuam Bacchi.

E M B L E M A XI.



*Cur ferulam Bacchus manibus gerit atque papaver ?
 Dic mihi cur veteres hæc voluere Patres ?
 Scilicet ut vino plenus, det corpora somno,
 Postridie pœnas se mernisse sciat.*

C O M M E N T A R I U S.

Veteres illi quorum auctoritas & Sapientia adhæc usque tempora provec̃ta est; Bacchi statuam ita depingebant, ut ferulam dextrâ, papaver verò sinistrâ gestaret; innuentes per ferulam, ebriosum pœnâ dignum, per papaver, nihil ei esse utilius somno. Egregium certè commentum : Nam quum

Modie

*Hodie est magnum hoc virium in vino, ut
Pedes capiet & linguam luctator dolosus:*

cumque ebrius, ignoratione sui, dubia, & parum explanata verba proferat, & vertigine capitis laboranti, tota domus, velut aliquo turbine, circumagi videatur, quid illi consultius quam crapulam illam, stomachi tormentum, quum effervescit merum, & viscera distendit, edormire? Postero autem die, quum sibi reditus intelligit omnia vitia sua detecta, pœnitentiam agit. Etenim quemadmodum musto dolia ipsa rumpuntur, & omne quod in imo jacet, in summam partem, vi caloris ejicitur: sic vino exastuante, quicquid in imo est abditum, effertur. Tunc injusta produnt certamina, & nullis existentibus causis, aspera rixa excitatur, quia ebrius, interponendo verba sua vana, aliorum sana dicta non audit, sed in contumeliam erigitur, in convivarum & proximorum crimina, & cœdes. Ne longè exempla petamus, offert se nobis Alexander, qui Clitum, charissimum sibi ac fidelissimum, inter pocula transdidit, & intellecto facinore mori voluit. Denique

*Ne quis modici transiliat munera Liberi
Centaurea monet cum Lapis his rixa super mero
Debellata, monet Sithonis non levis Evius,
Cum fas atque nefas exiguo sine libidinum
Discernunt avidi.*

Horat.

Certè

*Nox, & amor, vinumque nihil moderabile suadent,
Illa pudore vacat, Liber Amorque metu.*

Hinc Hegio, apud Terentium in Adelphis, docens Sostæ filiam inique ab Æschyno tractatam, ac tandem vitiatam esse, sic ait;

Persuasit nox, amor, vinum, adolescentia.

Et Plautus in Bacchidib.

Istoc illecebrosum

Fieri nihil potest, nox, mulier, vinum, homini adolescentulo.

Hoc intelligens Pittacus Mitylenæus, legem tulit, ut, qui per temulentiam sceleris quid commisisset, duplo plecteretur. Solent enim vulgus hominum, ebrietatis obtentu crimen extenuare, & omnem offensam in vinum conjicere. Hoc videre est in Dinarcho adolescente apud Plantum, dum inquit;

*Per tua obsecro genua, ut tu istuc insipienter factum sapienter seras,
Mihique ignoscas, quod animi impos, vini vitio fecerim :*

Cui Callicles senex;

*Non places, in mutum culpam confers, quod nequit loqui,
Nam vinum si fabulari posset, se defenderet.*

*Non vinum hominibus moderari, sed vino homines solent,
Qui quidem probi sunt, verum qui improbus est, aquam si bibit,
Sive adeo caret temeto; tamen ab ingenio est improbus.*

Certe vinum si effundendum est, aliter effundi potest quam per corpus humanum, in quo consilia impedit, & vigilantiam aufert. Leotychidas quodam rogante quam ob causam parum biberent Spartiatæ; Respondit; ne pro nobis alii consultant, sed nos pro aliis. Nam, ut Menander inquit, multum meri nefaria cogit sapere. Vini usum præscribet tibi Anacharsis, qui dicebat vitem ferre tres botros, primum voluptatis, alterum ebrietatis, tertium molestiæ: Sentiens parcum vini usum esse jucundum, quia sedat sitim, largiorem gignere temulentiam, largissimum parere rixas, cœdes, & morbos.

Medio

Medio tutissimus ibis.

EMBLEMA XII.



*In medio fueram tutus; dum prendere summæ
Nitor, in adversum culmine dejicior.*

COMMENTARIUS.

Docet hoc Emblemata; Fortunam reverenter, & cum modo esse habendam, ne dum ad culmen pervenire contendimus, unâ cum ipsis ramis, quos comprehendimus, decidamus. Testudo ubi collecta in suum tegmen est, tuta stat ad omnes istus; ubi exierit partes aliqua; quodcunque nudavit; obnoxium atque infirmum habet: sic nos, apud nos tuti sumus. Cum autem Cæsareum illud, *Plus ultra*; cogitantes, Fortunæ nos exponimus; ex alto in imum sæpe præcipitmur.

Quoniam ad ultimum exire, nisi lenta *felicitas* non solet. Appetitum autem, dum longius evagantur, & tanquam exulantes cupiendo atque appetendo, non satis à Ratione cohibentur; finem & modum transeunt; quem ubi semel reliquerunt; actum est:

Quisquis (enim) medium defugit iter;

Seneca.

Stabili nunquam tramite currit.

Et secundum Aristotelem; quantò magis aliquid accedit ad medium, tantò melius; quantò magis distat à medio, tanto pejus est.

Hoc unum itaque cum Plauto cogitemus;

In Præfatio.

Modum omnibus rebus optimum esse habitum,

Nimiaeque omnia, nimium exhibere negotium hominibus ex se.

Prudenter Tragicus;

In Oedipo.

Fata si liceat mihi

Fingere arbitrio meo;

Temperem Zephyro levi

Vela; ne presse gravi

Streptu antennæ tremant.

Tuta me mediæ vebat

Via decurrens via.

Quicquid excessit modum

Pendet instabili loco.

Probavit hoc insolens ille puer, patriæ cautionis immemor, qui

Gnosum Regem timens,

Alta dum demens petit,

Artibus fidens novis,

Certat & auras leves

Vincere, & falsis nimis

Imperat pennis Puer;

Nomen eripuit freto.

Callidus medium senex

Dædalus librans iter:

Nube sub mediâ stetit

Alitem spectans suum.

Hinc ita Horatius ad Licinium,

Ode. 10.
lib. 2.

Rectius vives Licini, neque altum

Semper urgendo, neque dum procellas

Cautus horrescis nimirum premendo

Littus iniquum.

Auream quisquis mediocritatem

Diligit, tutus caret obsoleti

Sordibus tecti, caret invidendâ

Sobrius aulâ.

Vivitur parvo benè, cui paternum

Splendet in mensa tenui salinum,

Nec leves sumnos timor, aut cupido

Sordidus aufert.

Munera ista quæ fallax Rhamnusia dat insidiæ sunt, & quod Demosthenes de donis hostium dicebat; *δωρεῶν ἀδωρεῶν.*

Quicquid in altum Fortuna tulit, ruitura levat.

Licet enim pullis suis aspirare aliquando videatur, tamen ad ultimum temeritati non sufficit, quosque diu persecuta est, repente velut fatigata destituit. Destituit? immò abjicit. Soletque, quos plurimis beneficiis ornavit, ad durissimos casus reservare.

Tragicus.

Vell. Patet. lib. 2.

Et longi pœnas Fortuna favoris

Exigit à miseris.

Lucanus.

Itaque adversus hujus fallacias, hoc scuto & scito, cum Senecâ temunio & moneo; Ut scilicet ad parva te redigas, ex quibus cadere non possis; & Fortunam, ut tunicam, magis concinnam quàm longam probes.

Epist. 20.

In Deo lætandum.

EMBLEMA XIII.



*Cynthius igniferâ contingit lampade terram.
 Et tamen æthereo servat in axe locum:
 Sic Animus, quanquam sit nostri corporis hospes,
 Assiduò auctori debet adesse Deo.*

COMMENTARIUS.

Seneca lo-
 cus.

QUamquam sumus inclusi his corporis compagibus, ubi munere quodam necessitatis, & gravi opere perfungimur; Animus tamen, illa Divina particula auræ, altius surgere debet; Nulli enim ei positi sunt termini nisi communes propemodum cum Deo. Ad quem à corporis sui habitu vocatur, qui in Cælum erigitur, quò ipsum initia sua

sua, & origo trahunt. Maximum autem argumentum est divinitatis; si hæc, in quibus versatur, humilia iudicet & angusta, si exire non metuat, unde venit. Erit autem illuc, etiam antequam hæc custodiâ exolvatur, si vitia, ad quæ, à carnali corpore, malo suo hospitio, impellitur, deferat; purusque ac levis in cogitationes divinas emicet. Quorum ducem sibi habebit cælestem illam Philosophiam, quum secutus; oculis suis per cæli plagas, & assiduo lucentes globos peregrinabitur, iis itineribus, quæ exploratione acuminis sui, pervia sunt solis meditatiōibus. Audi Vatem;

*Mente Deos adiit, & quæ Natura negavit
Visibus humanis; oculis ea pectoris hausit.*

Ovid.

In hac sublimitate collocato, nihil videbitur magnum in rebus humanis, utpote cui æternitas omnis totiusque mundi nota erit magnitudo. Aurum argentumque, in quibus jacuere tenebris, dignissima non hoc æstimabit splendore, quo imperitorum verberant oculos, sed irretortis luminibus præteribit, & tamen Orientem, Occidentemque plagam suam faciet. Cum verò veniet dies ille decretorius, qui mixtum hoc divini humanique secerinat; non illum tanquam extremum reformidabit, sed tanquam æterni natalem, lætus aspiciet. Corpus hoc ubi invenerat relinquet, nec quis deinde reliquus ejus futurus sit exitus quæret. Et cum cordatissimo illo Sene hilaris exclamabit; Non me pœnitet vixisse, quoniam ita vixi, ut frustra me natum non existimem; discedo autem ex hac vitâ, tanquam ex hospitio.

F

In-

Ingratis servire nefas.

EMBLEMA XIV.



*Serpentes hederæ nequeunt consistere per se,
Sed duce Populeo stemmate summa petunt.
Et tamen hoc vitâ tandem complexibus orbant,
Obsequiis vinci mens malè grata nequit.*

COMMENTARIUS.

Hederæ herba est perpetuò virens; quæ quum per se stare non possit a boribus & muris adhæret. Hinc abhærendo eam dictam putant. Sed verisimilius ejus nominis originem ab Edo deducemus. quod arbores, atque parietes edat, & consumat. Adstipulatur Festus: Hederæ dicta,

dicta, quod hæreat, vel quod edita petat, vel quia, id cui adhæ-
serit, edat. Et vetus Poëta Laberius ;

Vt hædera serpens vires aboreas necat ;

Ita me vetustas amplexu annorum enecat ;

Sepulchris similis, nil nisi nomen retineo.

Hujus herbe exemplo, quidam primam & facillimam ad glori- Plutare.
am viam ineunt, per notitiam clarorum, & illustrium virorum, Polit.
deq; Republicâ benè merentium, ut non aliter quàm hædera, va-
lidam amplexu arborem, unâ cum eâ se erigit atque attollit; sic
illorum hominum consortio innotescant. Tamen quemadmo-
dum hædera, vires, & vitalem illum arboris succum ac spiritum
artis suis amplexibus impedit, atq; enecat: sic sæpissime vide-
mus illos qui cum talibus simul & surgunt & crescunt; eò tandem
insolentiæ devenire, ut per quos profecerunt, & quibus omnia
incrementa sua, vitam denique ipsam debent; eos de statu deji-
ciant. Ut alia omittam; insigne maximæ ingratiitudinis exem-
plum præbuit impius ille Sextilius, qui L. Cæsarem; à quo tum Val. Max.
studiose, tum etiam sceleriter, gravissimi criminis reus fuerat de-
fensus; Cinnamæ protectionis tempore profugum, à sacris per-
fidæ mensæ & altaribus nefandorum penatum avulsam, trucu-
lento victori tradere jugulandum non exhorruit. Themistocles
olim se platanis similem haberi conquestus est; sub quarum ra-
mos, ubi tempestas & pluviam ingruunt, confugitur; ubi verò se-
renitas oboritur, rami earum amputantur, & conteruntur pedi-
bus: Idem de illo actum, cum enim patriam incolumem, claram,
opulentam, principem denique Græciæ reddidisset, eousque il-
lam inimicam sensit, ut ad Xerxis, quem paulo ante destruxerat,
misericordiam perfugere necesse habuerit. Egregiam cerè in-
gratiitudinem! quid aliud hoc, quam cum ariete iniquam nu-
tricationis mercedem persolvere? Anaxogoras Philosophus,
quam à Pericle, curis publicis occupato, jam senex negligeretur,
capite obvoluto, vitam inediâ finire decrevit; Periclem itaque
casu adventantem, & serio, sed fero lamentantem, quod ta-
lem in Republicâ gerendâ consiliarium amitteret, hâc voce allo-
cutus est; Quibus lumine opus est, hi oleum lucernæ affundant.
Verum hercle effatum, & optime quadrans in ingratos, quos
diversis locis ita perstringit Comicus,

*Nihil amas, cum ingratum amas, neque stipula levius pondus,
quam fides ejus;*

Si quid benefacias, levior pluma est gratia.

Si quid peccatum est, plumbeas iras gerit.

Ad Demon. Isocrates eos canibus alienis comparat, quibus licet benefiat, tamen in posterum admordent, & allatrant. Quarè ironicè Theocritus inquit;

In Hodzpor.

Pasce canes, qui te lanient, catulosque luporum.

sentiens scilicet minimè eos esse favendos, ne miseri Actæones à privatis discerpamur canibus, quoniam, ut testatur Mimus;

Malevolus semper suâ naturâ vescitur.

Æschylus;

Catulum Leonis alere in orbe non juvat,

Magis cavendum ne Leones nutrias,

Quos qui educavit; ejus & mores ferat.

A mi-

A minimis quoque sibi timendum.

EMBLEMA XV.



*En ego qui terror cunctis incedo per orbem ;
Soliis culicis spicula dira tremo :
Ne nervis confide tuis ; Nam parvula quæque ,
Dum minimè credis, quo perimamur habent.*

COMMENTARIUS.

MOnemur hoc Emblemate; nihil tam firmum esse, cui periculum non sit ab invalido. Sic Leo aliquando minimarum avium pabulam fit, & ferrum rubigo consumit. Arborès magnæ diu crescunt; momento extirpantur. Sylva multarum ætatum unâ horâ fit cinis. Xiphus piscis, Latinis Gladius, ipsi Balænis (teste Eliano & Plinio) formidabi-

dabilis; Oestro, siue Asylo, insecto vix aranci magnitudinis, percitus in furorem adigitur; ita ut sæpè in terram, vel naves exsiliat, donec tandem immentos cruciatus cum morte commutet. Quod animadvertentes, nimiam nostri fiduciam paululum ponamus, & cogitemus, eum qui jam in rerum est cumulo, cras posse esse in tumulto:

Seneca.

*Vos quibus Rector maris atque terra
Ius dedit magnum necis, atque vita,
Ponite inflatos tumidosque vultus,
Quicquid à vobis minor extimescit;
Major hoc vobis Dominus minatur:
Omne sub regno graviore regnum est.*

Horatius,

*Regum timendorum in proprios greges,
Reges in ipsos imperium est Iovis.*

Olim hi versus contra Imperatoris Maximini senioris crudelitatem prolati sunt:

*Qui ab uno non potest occidi, à multis occiditur,
Elephas quidem grandis est, & occiditur,
Leo fortis est, & tamen occiditur:
Tigris acerrimus est, & occiditur:
Cave multos, si singulos non times.*

Una enim cervix Regis est, ac plurimæ sunt subditorum manus; & qui suam negligit, in cuiuslibet vitam jus habet. Hæc exempla Principes moneant, ut humanitatis gloriam accupentur, amentque cum nomine Maximi; jungere etiam nomen Optimi, certi certissimum esse munimentum, munimento non egere, sed solo subditorum amore stipari. Quia,

Claud.

*Non sic excubia, nec circumstantia tela;
Quam tutatur amor.*

Fortitudine jungendus astus.

E M B L E M A XVI.



*Quid sibi vult rabido Vulpes conjuncta Leoni?
Scilicet ut Vires adjuvet usque Dolus.*

C O M M E N T A R I U S.

DIcebat olim Lysander; si Leonis exuvium non sufficit; adde vulpinum: Innuere volens; quum res viribus obtineri non possit, adhibendum esse Dolum; Et quum Paucius. contendere nequitum est; clari tendendum esse plagam. Hic Lysander quemadmodum in ejus vita memorat Plutarchus irridere solitus est eos. qui veluti ab Hercule prognati, bella apertis viribus. citraque dolum, perenda esse censerent. Simile huic Lysandri, Maro etiam approbare videtur, cum inquit;

Mu-

Lib. 2. Æ-
neid.

Plutarch, in
Vit. Syll,

*Mutemus clypeos, Danaumque insignia nobis
Aptemus; dolus an virtus quis in hoste requirat.*

Carbo olim Syllæ dixisse memoratur, se bellum gerere cum Vulpe & Leone; quorum uterque habitabat in animo Syllæ, sed magis se à Vulpe timere sibi quàm à Leone. Et hodie videmus, magis astutiam in bello, quàm vires exerceri, cum ingentibus illis & execrandis machinis bellicis atque bombardis, fortissimi quique, & Homeri verbo, θυμολέοντες ab imbellissimo timidissimoque homuncione sæpe tollantur.

Ab

Ab imbellibus nulla victoria.

EMBLEMA XVII.



*Iacentem Leporem Canis laceffet
 Rarò; sternere posse cursitantem
 Gaudet: Sic generosus ardor ille
 Heroùm, modò strenuos fatigat;
 Vires pectoris incitat fovetque
 Emulatio; quòque perstat hostis
 Magis; hoc magis incitatur ardor.*

COMMENTARIUS.

DOccur hoc Emblemate
Parcere subiectis, & debellare superbos:

G

Virg. Æ.
 Exem- uid. 6.

Exemplo Canis, qui (ut Pierius in Hieroglyphicis suis de Cane ait, prostratum Leporem rarissimè laceffit, sed fugientem ex naturali illa ἀντιπαθείᾳ quam ocissimè insequitur. Leones prostratis parcant, & in viros potius quàm fœminas sæviunt, non perimunt infantes, nisi magnâ fame coacti. De his sic Ovidius;

Lib. 3. Trist.
Eleg. 4.

*Corpora magnanimo satis est prostrasse Leonii,
Pugna suum finem, quum jacet hostis, habet;
At lupus, & tristes instant morientibus ursæ;
Et quacunque minor nobilitate fera est.*

Et à Lucano dicitur

Nobilis ira Leonum.

Quibus ferarum exemplis monemur, in eâ victoriâ, quæ de vilibus reportatur hostibus, nullam inesse dignitatem, verùm cum præstantibus susceptam contentionem esse in utramque partem tutam. Nam ejus victoria insignem habet gloriam, & si quid secus acciderit, præsto est consolatio. Præterea monemur alieno sanguini tanquam nostro parcendum, & homine non esse prodige abutendum, sed potius clementiam exercendam; quâ virtute nihil magno & præclaro viro dignius, nihil laudabilius,

Glaud.

— Nam quum vincamur ab omni

Munere, sola Deos aequat clementia nobis.

Terentius in Adelphis :

Reipsa repperi

Facilitate nihil esse homini melius neque clementiâ.

Nullum ornamentum Principis fastigio dignius, quàm illa Corona, quæ datur *Ob Cives servatos.*

Seneca in
Media.

Hoc Reges habent

Magnificum, & ingens, nulla quod rapiat dies;

Prodesse miseris, supplices fido lare

Protegere.

Seneca de
Clement.

Hæc autem gloria servandi, nemini competit, nisi majori. Legimus apud Regem non aculeo, sed ipsa majestate armari. Voluit scilicet illum, Naturæ opifex Deus, nec sævum esse, nec ulationem magno constitutam petere; telumque detraxit, & iram ejus inermem reliquit. Exemplar hoc magnis regibus ingens, quos non laurus, nec duces catenati, non bracteatus licitor, non fremor Quiritum, aut arma perduellibus crepta, spoliave, quæis

Feretrium

Feretrium Jovem mactare solet, æque clarant, quàm hæc clementiæ laus. Ut itaque animose debent tanto munere Deorum, dandi auferendique vitam potentes: in his præsertim, quos sciunt aliquid quando suo fastigio obstitisse, hoc arbitrium adepti, ultionem impleverunt, perfeceruntque, quantum veræ pœnæ satisfacerat. Perdedit enim vitam qui debet: & quisquis ex alto ad inimici pedes abjectus, alienam de capite suo sententiam expectavit, in servatoris sui gloriam vivet, plusque nomini ejus conferet incolumis, quam si ex oculis ejus ablatus esset. Novit hoc probè Antigonus, qui hostibus victis omnem libertatem concessit, & Philippus, qui Athenienses sine pretio dimisit incolumes. Cæsar etiam laudatus olim fuit, quod bellum aliorum pace mollius gessisset. Magni scilicet animi est injurias in summa potentia pati, nec quicquam gloriosius Principe impune læso. Illud non venit in dubium, quin se exemerit turbæ, & altius steterit, quisquis despexit laceffentes. Sic irritus ingenti scopulo fluctus assultat. Sic immanis fera latratu canum minimorum lenta respicit, nec unquam fando auditum, aut lectum est bubones cecidisse Pœanis arcu. Timidi & imbelles Damæ non possunt mereri iram nobiliorum ferarum, & Aëtes & Ἰμπεύς τις μῦθος, id est, aquila non captat muscas: quod si autem à Cornice provocetur, negligit illam, sciens sibi ab illa noceri non posse.

Seneca eodem.

Idem.

Adag.

Noctua Minervæ sacra.

EMBLEMA XVIII.



*Nocte vigent sensus; hinc est sacrata Minervæ
Noctua, quæ triplici lumine nocte videt.*

COMMENTARIUS.

Ovid. 2. Me-
tamorp.

DUabus de causis Noctua Minervæ sacra est; tum quia pau-
ciloqua (quæ causa fuit cur in Cornicis locum succede-
ret) tum quia nocte acutissimè videt. Minerva autem
Dea sapientiæ, sapientes sibi quærit consiliarios. Nullum
vero sapientius consilium quàm nocturnum, quale semper est
Noctuæ. Plutarchus in Symposiacis, decade septima, problema-
te nono, citat Platonem, qui scripserit, apud Lacedæmonios
fuisse νυκτερινὸν σύλλογον, id est nocturnum conventum gravissimor-
um virorum; ad quem gravissimæ causæ rejiciebantur. Addit
apud.

apud Veteres noctem ἐν φροντῇ fuisse vocatam, καὶ τὸ εἶναι φροντῆς, id est, à bene sapiendo. Enimverò propter solitudinem, altumque illud silentium, vel maxime ad considerandum & consultandum de rebus gravibus nox est idonea. Nulla enim acrior, nulla altior cogitatio, quàm nocturna: quia illa mentis vis vehementior est, quum per oculorum meatus non exspirat. Scopelianus Sophista, quoniam somni parcissimus erat, noctem existimabat studiis & exercitationi mentis, accommodam. Hinc subinde exclamabat: O nox, tu sanè maximà ex parte confors es sapientiæ Deorum! Habet enim homines mens, in alto illo silentio, corporis sensibus jam feriat, aliquid divinitatis, si sese intenderit ad rerum sublimium speculationem. Plautus in Epidico:

De die sapè stultividi sumus, contra noctu

Licet senatum in corde convocare consiliarium.

Audi Plinium Epist. Lib. ix. Mire silentio & tenebris animus alitur, ab iis quæ avocant abductus, & liber, & mihi relictus. Non oculos animo, sed animum oculis sequor, qui eadem, quæ mens, vident; quoties non vident alia. Cur Philosophum illum oculos sibi erui curasse putabimus, nisi quia aut melius philosopharetur, aut ut vitis viam, quæ per oculos est, eriperet? Ut enim ad Lucernæ flammam, pyralles, culicies, & id genus alia insecta convolant; sic ad oculos alati isti cupidines vitiorum. Homerus utroque quidem oculo captus fuit, at mentis oculis ita usus est, ut non modò Poëtis & pictoribus, sed omnibus omninò doctis faciem & lucernam accenderit.

Vinum acuit ingenium.

E M B L E M A XIX.



*Pegasus, & Bacchus tabulâ junguntur in unâ;
 Huic latus, huic sacrum circuit ala caput:
 Mens humana calens modico perfusa Lyæo
 Surgit, & ignavam deserit ales humum.*

C O M M E N T A R I V S.

Nemo ita perfunctoriè in Poëtis versatus est, ut ignoret Pegasus Equum esse alatum, è Medusæ sanguine procreatum, & ita dictum *ὄρος τῆς πηγῆς*, id est, à fonte. Cum enim in Heliconâ evolasset, saxum unguâ feriens, aperuit. Qui ex eo *Hippocrene*, id est, fons equinus appellatus est. Huic Pegaso, sicuti & Baccho, ideo alas tribuit vetustas, quod scilicet

ſcilicet Vinum modicè ſumptum ingenium reddit agile & alacre,
&, quemadmodum verſus ille apud Athenæum innuit,

Ὅνως ἡ χαρὲν πλεῖς μέγας ἵππος αἰδῶ

Plutarchus auctor doctiſſimus, inventionem & ſacundiam Vino tribuit; dum ſic in Sympoſiacis loquitur: Quidam inter bibendum inventionis acrimoniâ & linguæ ſacundiâ, quæ in ſobriis je-
juna & contracta erat, ſeipſos ſuperant, iique vini fervore, ceu odore quodam thureo ſuffiri, atque expleri ſe ſentiunt, metu, qui ſpiritus generoſos cohibebat, exploſo. Quamobrem Homerus ſuos Heroas, ipſumque Ulyſſem de rebus graviffimis & quam maxime ſeriis inter pocula facit diferentes, non illa quidem (ut veriſimile eſt) pleno auro ſpumantia, quibus ſapientia obumbratur; ſed parva & rorantia, quæ quum in Venas animumque manare & illabi cæperunt, mandragoræ adinſtar curas omnes ſopiant & componunt, & non obnoxie, ac proinde vere loquendi facultatem, ſine quâ nullus ingenii aut induſtriæ uſus eſt, adſerunt. Hæc ſunt

Quæ lene tormentum ingenio admovent

Plerumque duro,

Quæ nos hilari ludibundaque mente ad feſtivitatis portum perducunt, quæque ex ſententia Platonis ingenii fomites, virtutumque incitamenta ſunt. Videmus quod plantis, idem etiam evenire nobis. illæ enim ſi paulatim, quantumque ſatis eſt bibant, ſeſe erigunt, & tepentis halitus favonii admittunt: Nos, ſi modice flore illo Liberi Patris adſpergamur, animo adſurgentes, magnum quippiam & ſupra reliquorum mediocritatem meditamur. Hoc ſi alibi, in Poëtis certe dilucide videre eſt, hominibus integritatæ, ſcelerisque puris, quorum animæ cum verum illum & non fictum Pegæſi liquorem largiuſcule admiferint. ab omni verborum (ut ita dicam) vilitate effugiunt, & ſumunt voces à plebe ſummo-
tas. Itaque Horatius, cum iis qui Gratiis ſacrificant, tres tantum cyathos haurire permittat; Muſarum ſacris operatos novenum debere numerum ſupplere edicit.

Qui Muſas amat impares,

Ternos ter cyathos atronitus petat

Vates: tres prohibet ſuprà

Rixarum metuens tangere Gratiæ.

Quantò

Apulejus
lib. 4. Flor.

Perron Ar-
lit.

Quanto enim Musarum cratera crebrior, quantoque meracior, tanto propior ad animi sanitatem est. Tunc per exuberans sententiarum tormentum præcipitatur liber spiritus, ut Poëtarum scripta, potius furentis animi vaticinatio appareant, quam religiosæ orationis sub testibus fides. Narrant Ennium bella, Æschylum tragœdias, non nisi inter calices scripsisse: quos partus concipere, & ita omnibus numeris absolutos cedere non potuissent, si potius Nymphis, quam Baccho se devo vislent:

Τῶς ἰδὲ πίνων χερσὶν ἔδεν ἄν τέλης :

Et ut Flaccus inquit,

Nulla placere diu, nec vivere carmina possunt

Quæ scribuntur aqua potioribus.

Hoc de sese Martialis profitetur,

Possum nil ego sobrius, bibenti

Occurrunt mihi quindecim Poëta.

Seneca de
Tranquil.
Anim.

Nam si ve Græco Vati credimus; aliquando & insanire jactandum est: si ve Platoni; frustra Poëticas fores compos sui pepulit: si ve Aristoteli; nullum magnum ingenium sine mixturâ dementiæ fuit. Non potest grande aliquid, nec supra ceteros loqui, nisi mota mens. Cum vulgaria & solita contempsit, instinctuque sacro surrexit excelsior, tunc demum aliquid cecinit grandius ore mortali. Non potest sublime quicquam & in arduo positum contingere, quamdiu apud se est. Desciscat oportet à solito & efferatur, & mordeat frenos, & rectorem rapiat suum, eoque ferat, quod per se timuisset ascendere. Quod non aliter, quam modici vini beneficio fiet. Ita ut valde mihi Dirceus ille Cygnus, quamvis multa aura illum levet, errasse videatur; dum cantus suos sic auspicatur; *Αἰσεν μὲν ὕδαρ*: Nisi forte Ismenus patriæ suæ Fluvius, non aquâ, sed vino decurre- rit. Aliter certe ille vatium pater Homerus sensit, qui nimium decantandis vini laudibus à plerisque *vinosus* arguitur. Et quidem si verum excutiamus, re ipsâ hoc comprobavit: Ita enim vitam suam, in morem Cicadæ, instituit, ita obiit, ut nec Codicillos, nec Legatum facere necesse habuerit, sed sibi ipse hæres extiterit. Et cum septem urbes de Natalibus ejus certarunt, vix duo mendicij propter baculum, & peram digladiati sunt. A Poëtis ad gravissimos illos Romuli nepotes transeo, qui, ut est ingenium humanitatis, etiam plusculum innoxie hilaritati indulgere non dubi-
tarunt

tarunt. Scimus prisca illam intonsi Catonis virtutem sæpè mero caluisse, & virum illum durissimum, coram quo Romam pec- care puduit, frontem severam & rugas inter amicos quibus sese dabat explicuisse. Probè enim callebat cordatus vir, hominem publicis negotiis occupatissimum, remissum quidem aliquando animum posse habere, nunquam solum,

Horat.

Siccis omnia nam dura Deus proposuit, neque

Mordaces aliter diffugiunt sollicitudines.

Zeno interrogatus cur quum esset severus, tamen in convivio hilaresceret, lepide respondit: Et lupinum quum sit sua naturâ amarum, tamen aquâ maceratum dulcescere. Hinc ille omnium leporum & facetiarum pater Anacreon inquit:

Πίωμεν ἐν τ' οἶνον

Τὸν τῷ καλῷ Λυαίῳ

Σὺν τοῖς δὲ πίνον ἡμεῖς

Εὖθυσιν αἱ μέεμνα.

Ergo merum bibamus,

Pulchrum merum Lyai;

Bibendo namque vinum

Ærumna dormit omnis.

H

In

Indegeneres magnorum patrum filios.

E M B L E M A T A X X.



*Aspice latrinas, nitido quas lumine Titan
 Lustrat, & in tenebris non latuisse finit:
 Talis is est; quisquis, nullâ laudabilis arte,
 Patriciâ cautum nobilitate tumet.*

C O M M E N T A R I U S.

VErissimè Marius apud Salustium inquit; Quanto vita
 majorum præclarior, tantò posterorum socordia flagi-
 tiosior est. Ut enim, turpitude objectu lucis insignior,
 atque conspectior fit; sic illa Parentum merita, & splen-
 dor, degenerantium filiorum notas detegunt. Patet hoc in
 Scipionis Africani, Quinti Fabii Maximi Allobrogici, & Marci
 Tul-

Tullii Ciceronis; non Filiis sed teterimis portentis, & (ut ille dicebat) benè natis afinis, quos heroum illorum Parentum facta, non illustrarunt; sed prodiderunt, & ridendos toti orbi propinarunt: ita ut satius fuisset illos latuisse; quàm in tam clarâ luce à parentibus suis collocatos esse. Quia (ut Iuvenalis inquit)

Omne animi vitium tantò conspectius in se

Crimen habet, quantò major qui peccat habetur.

Cicero in Officiis; Si quis ab ineunte ætate habet causam celebritatis, & nominis, aut à patre acceptam, aut aliquo casu à Fortuna, in hunc oculi omnium conjiciuntur, atque in eum, quid agat, quomodò vivat, inquiritur, & tanquam in clarissima luce versetur; ita nullum potest esse illius obscurum dictum, aut factum. Et sic in maximâ Fortunâ minimum licentiæ est. Scivit hoc Pindarus quum aurea hæc dicta, ad Hieronem Siciliae Regem proferret;

Attamen (melior enim miseratione invidia)

Ne omitte honesta; gubernata

Iusto clavo populum,

Veracemque ad incudem

Fabrica linguam,

Si enim vel leve eruperis;

Magnum feretur

Abste; multorum dispensator

Es: multi testes utriusque fidi.

Claudianus ad Honorium;

Hoc te præterea crebro sermone monebo

Vt te totius medio telluris in orbe.

Vivere cognoscas; cunctis tua gentibus esse

Facta palam, nec posse dari regalibus unquam

Secretum vitiis; nam lux altissima Fati

Occultum nihil esse finit, latebrasque per omnes

Intrat, & abstrusus explorat Fama recessus.

Videant nunc Heroum Filii, in excelso ætatem agentes, quam honorifica necessitas illis incumbat, insistendi vestigiis majorum benè præcedentium. Videant quod oculis immo potius quàm toti mundo satisfaciendum sit; procul dubio quod vis animi non daret, conferet vis pudoris, & ad ignaviam profligandam, quod propria virtus non valeret, valebit spectator. Apud Plautum ille sic ait; quamvis alio sensu; H 2 Eo

*Eo sum genere natus, magna me facinora decet efficere,
Quæ post mihi clara, & diu clueant.*

Ita statuamus; incitamenta nobis esse debere, faces, & gesta nostrorum parentum; non desidia tibicines, & (ut ille dicebat) velamenta nequitiae. Ne sancti eorum manes, nostro vitio, probrosum illud dictum audire cogantur;

Fuere quondam strenui Mulesij.

Bene monet Lysiteles apud Comicum:

In Trinum-
mo.

*Itane tandem Majores famam tibi tradiderunt tui,
Ut, virtute eorum anteparta, per flagitium perderes?
Atque honori posterorum tuorum ut vindex fieres?
Tibi Paterque Avusque facilem fecit, & planam viam
Ad quærendum honorem, tu fecisti ut difficilis foret,
Culpâ maximè & desidia, tuisque stultis moribus,
Praepostis avisti amorem tuum ut virtuti preponeres,
Nunc te hoc pacto credis posse obtegere errata:
Cape sis Virtutem animo, & corde expelle desidiam,
In foro operam amicis da, haud in lecto amica, ut solitus es;
Si istuc ut conare, facis indicium, tuum incendes genus,
Tum igitur tibi a que erit Cupido, genus qui restinguas tuum,
Ne scintillam quidem relinques, genus qui congliscat tuum,
Is est honos homini pudico; meminisse officium suum.*

Reperatum urbi praefectum; Rex Athalaricus, quondam ita hortatus fuit; Redde laudes posteris tuis, quas tu à majoribus accepisti. At, proh inversi morcs, quotus quisque est, qui id cogit? Partæ quisque gloriae potius securè indormit, quam de amplificandâ laboret. Hinc Nobiles multos videmus, & paucos, multi cinguli jus habent; pauci meritum. Satis beatos, satis illustres sese existimant, virtute patrum, non secus ac si fama eorum legari possent, & non quæri debeat. Hi sunt qui alios, omnia incrementa sua sibi debentes, præ se contemnunt: quos appositè hoc heroico dicto percutimus: Meum genus à me incipit, tuum in te desinit. Olim Anacharsis, exprobandi sibi Attico cuidam, quod Schyta esset; respondit Mihi quidem probro est patria mea, sed tu patriæ tuæ. Bradeæ etiam, jactanti apud populum nobilitatem suam, in calceis eam tantum habere fuit exprobratum. Antigonus; quum quidam fortissimi patris ignavissimus filius, stipendia patris rogaret, Ego, inquit, adolefcens

pro-

propter cuiusque fortitudinem, non propter paternam, stipendia numero Et certe quum in omni laude, vel existimatione, illa propriè excutienda sint, quæ cuiusque sunt; & quum magnos homines non Fortunâ, sed virtute metiri debeamus; quis tam perversi animi ut Catonem Vatinio præferre dubitet? Quis fortem illum Iphicratem, & magnum bellatorem, cui nobiles non erunt avi, nec fulgidum titulis genus, sed clara virtus; Harmodio non præferat? Iuvenalis ita sensit;

*Malo pater tibi sit Therſites, dummodo tu ſis
Æacida ſimilis, Vulcanique arma capeſſas;
Quam te Therſita, ſimilem producat Achilles.*

Stat. s.

Idem in eadem Satyrâ;

*Hæc ſatis ad Iuvenem, quem nobis fama ſuperbum
Tradit, & elatum, plenumque Nerone propinquo:
—— Sed te cenſeri laude tuorum
Pontice noluerim; ſic ut nihil ipſe futura
Laudis agas; Miſerum eſt alienæ incumbere Fama.*

Plutarchus; Τὸς πᾶσι τοῖς ἀνθρώποις; εἰ μὴ ἐνδοξοῦσθαι τοῖς? quis patrem laudabit, niſi infælices filii: Ut itaque ſiniam, & ad alia me conferam; hoc à Vellejo Paterculo, tanquam ex Apollinis tripode accipe; Optimus quiſque nobiliſſimus, & in cuiuscuſque animo virtus eſt, ei plurimum eſt tribuendum;

Virtute decet, non ſanguine niti,

Claud.

Et non ſi magnus eris, bonus eris; ſed magnus, ſi bonus. Nemo igitur deſperet; Bona enim mens omnibus patet, omnes hæc ſumus nobiles, &

*Nullus degener exſtat,
Nè vitius peior a fovens,
Proprium deſerat ortum.*

Zeno.

Quia autem Saluſtii Marium, in principio huius commentarii citare cœpi, non potui non totam ejus orationem, in quâ vera Nobilitatis origo deducitur, hæc addere. Tu Lector lege, & intellige.

Scio, ego, Quirites, pleroſque non iſdem artibus imperium à vobis petere, & poſtquam adepti ſunt, gerere: primò induſtrios, ſupplices, modicos eſſe, dein per ignaviam & ſuperbiam atatem agere, ſed mihi contrà videtur: nam, quo pluris eſt Reſp. quàm conſulatus, aut prætura, eò majore curâ ad-

ministrari, quam hac peti debere. neque me fallit, quantum cum maximo beneficio vestro negotii sustineam. bellum parare, simul & arario parcere, cogere ad militiam eos, quos nolis offendere, domi forisque omnia curare, & ea agere inter invidos, occurrentes, factiosos, opinione, Quirites asperius est. Ad hoc, alii si deliquere, vetus nobilitas, majorum facta fortia, cognatorum & affinium opes, clientela multa, omnia hac praesidio adsunt, mihi spes omnes in memet sitae: quas necesse est, & innocentia, & virtute tutari: nam alia infirma sunt. Et illud intellego, Quirites, omnium ora in me conversa esse; & quos bonosque favere: quippe benefacta mea Reip. procedunt: nobilitatem locum invadendi querere, quod mihi acrius adnitendum est, uti neque vos capiimini, & illi frustra sint. ita ad hoc etatis à pueritia sui, ut omnes labores, pericula consuetudine habeam, qua ante vestra beneficia gratuito faciebam, ea uti, accepta mercede, deserviam, non est consilium, Quirites. Illis difficile est in potestatibus temperare, qui per ambitionem sese probos simulavere: mihi, qui omnem etatem in optimis artibus egi, bene facere jam ex consuetudine in naturam vertit. Bellum me gerere cum lugurtha iussisti: quarem nobilitas egerrime tulit, quaso, reputate cum animis vestris, nunc id mutari melius sit si quem ex illo globo nobilitatis ad hoc aut aliud tale munus mittatis hominem veteris prosapia, ac multarum imaginum, & nullius stipendii: scilicet uti tantum in re ignarus omnium trepidet, festinet, sumat aliquem ex populo monitorem officii sui, ita plerumque evenit, uti quem vos imperare iussisti, is sibi imperatorem alium querat. At ego scio, Quirites, qui postquam consules facti sunt, acta majorum, & Gracorum militaria precepta legere ceperint, homines praeposterii. nam gerere quam fieri, tempore posterius, re atque usu prius est. Comparetate nunc, Quirites, cum illorum superbia me hominem novum. Quae illi audire & legere solent, eorum partem vidi, alia egomet gessi, quae illi literis, ea ego militando didici. nunc vox existimate, dicta aut facta plaris sint. Contemnunt novitatem meam, ego illorum ignaviam, mihi fortuna, illis probra obiectantur. quanquam ego naturam unam, & communem omnibus existumo, sed fortissimum quemque generosissimum esse. ac si jam ex patribus Albini, ac Vestii queri posset, mense, an illos ex se gigni maluerint: quid responsuros crediditis, nisi, sese liberos quam optimos voluisse? Quod si jure despiciunt me: faciāt idem maioribus suis: quibus, uti mihi, ex virtute nobilitas caput, invident honori meo: ergo invideant labori, innocentia, periculis etiam meis, quoniam per hac illum cepi. verum homines corrupti superbia, ita et aatem agunt, quasi honores vestros contemnant: ita hos petunt, quasi honeste vixerint. ne illi falsi sunt, qui diversissimas res pariter expectant, ignavia voluptatem, & premia virtutis. Atque etiam, cum

cum apud vos, aut in Senatu verba faciunt, majores suos extollunt eorum fortia facta memorando clariores sese putant: quod contra est. nam, quando vita illorum praclarior, tanto horum socordia flagitiosior. & profecto ita se res habet. Majorum gloria posteris lumen est, neque bona eorum neque mala in occulto patitur. Hujusce rei ego inopiam patior, *Quirites*, verum, id quod multo praclarius est, meamet facta mihi dicere licet. nunc videte quam iniqui sint. quod ex aliena virtute sibi arrogant, id mihi ex mea non concedunt. scilicet quia imagines non habeo, & quia mihi nova nobilitas est. Quam certe peperisse melius est, quam acceptam corrupisse. E quidem ego non ignoro, si jam mihi respondere velint abunde illis sacunda, & compositam orationem fore. sed in muxumo vestro beneficio cum omnibus locis me, vosque maledictis lacerent, non placuit reticere: ne quis modestiam in conscientiam duceret. nam me quidem, ex animi sententia, nulla oratio ledere potest. quippe vera, necesse est bene pradicet: falsam vita, moresque mei superant. sed quoniam vestra consilia accusantur, qui mihi summum honorem, & maximum negotium imposuistis: etiam atque etiam reputate, num id poenitendum sit. Non possum, fidei causa imagines, neque triumphos, aut consulatus majorum meorum ostentare: at, si res posset, hastas, vexillum, phaleras, alia dona militaria, praeterea cicatrices adverso corpore. haec sunt mea imagines, haec nobilitas, non hereditate relicta, ut illa illis, sed quae ego plurimis meis laboribus & periculis quaesivi. Non sunt composita verba mea: parum id facio. ipsa se virtus satis ostendit: illis artificio opus est, ut turpia facta oratione tegant. neque litteras Gracas didici. parum placebat eas discere, quippe quae ad virtutem doctoribus nihil profuerunt. at illa multo optima reip. doctus sum hostes ferire, praesidia agitare, nihil metuere, nisi turpem famam; Hiemem & astatem juxta pati, humi requiescere, eodem tempore inopiam & laborem tolerare. his ego praeceptis milites hortabor: neque illos arte colam, me opulenter, neque gloriam meum laborem illorum faciam, hoc est utile, hoc civile imperium. namque, cum tute per molliem agas, exercitum supplicio cogere, hoc est, dominum non imperatorem esse. hac, atque talia majores vestri faciundo, seque remque publicam celebrare. quis nobilitas freta, ipsa dissimilis moribus, nos illorum annulos contemnit, & omnes honores non ex merito. sed quasi debitos a vobis repetit. caeterum homines superbissimi procul errant. Majores eorum omnia, quae licebat, reliquere, divitias, imagines, memoriam sui praclaram: virtutem non reliquere, neque poterant: ea sola neque datur dono, neque accipitur. Sordidum me, & incultis moribus ajunt, quia parum scite convivium. exorno, neque histrionem ullum, neque plures

pre-

pretii cocum, quàm villicum habeo, qua mihi lubet confiteri, Quirites. nam & ex parente meo, & ex alijs sanctis viris ita accepi, munditias mulieribus, viris laborem convenire omnibusque bonis oportere plus gloria. quàm divitiarum esse. Quin ergo, quod juvat, quod carum aestimant, id semper faciant: ament, potent: ubi adolescentiam habuere, ibi senectutem agant, inconviviũ, dediti ventri, & turpissima parti corporis: sudorem, pulverem, & alia talia relinquunt nobis, quibus ea epulis jucundiora sunt.

Quod

Quod citò fit, citò perit.

E M B L E M A XXI.



*Quo flamma fumo clarius sese exerit;
 Hoc est minus vivacior;
 Namque imminentis finis, est maturitas
 Præcurfor, atque nuncius:
 Rarò perennat ingenû præcox vigor,
 Puerque qui spirat virum.*

C O M M E N T A R I V S.

Quintilianus inquit; præcox illud ingeniorum genus rarissimè pervenire ad frugem: & vulgò asserunt; qui pueri adhuc, & usque à cunabulis sapiunt, scientiasque
 I
 ad suo-

ad suorum mensium calculos numerant; eos vel citò occidere, vel in illam stultitiam, quam infantes declinarunt; senes incurrere. Quod Actius approbare videtur, qui apud Aulum Gellium ait; sibi in juvenilibus ingeniis, itidem ut in fœmis immaturis, placere acerbitem; nam hæc demum maturescunt. Porro maturitas tempestivam adfert suavitatem, reliqua antè tempus putrescunt. Fœminæ quæ maturius pariunt, citius senescunt: Velut in Caliginis, Indiæ gente, quinquennes pariunt, & octavum annum non excedunt. Floret prima Amygdalus, postrema parit. Salix cito semen profert, & perdit. Itidem nimis præcocia illa ingenia, quæ animalibus istis, quæ *ἡμερόβια* vocamus, penè sunt similia; tam properè occidunt, quàm nascuntur. Leonis catuli informes nascuntur, vix egrediuntur semestres, non moventur, nisi bimestres; ita etiam, quæ egregia futura sunt, serò proveniunt, & lentis auctibus absolvuntur. Scivit hoc Apulejus, quum diceret; odi puerulum præcoci sapientiâ, quem cum Sophocle *ἀνδροπαιδα* vocare possumus. Cur autem præcocia illa ingenia raro diuturna sint; hæc, (ni fallor) causa est; quia, quicquid ad summum pervenit, tendit ad exitum. Nec ultimum tempus expectant, quæ primo Vere maturuerunt; In rerum natura celer, nimisque præcox cucurbita se in altum cacumen brevi admodum temporis spatio effert, & quum de se quid magni promittere videtur, deficit. Sic ingenia quo illustriora sunt, eò breviora; Nam ubi incremento locus non est, vicinus adest occasus. Difficilis in perfecto mora est, naturaliterque, quod procedere non potest, recidit.

In Apol. 2.

Typus

Typus Regis.

EMBLEMA XXII.



Ex cubias grus sola gerit, pars cætera dormit

Tuta, nec infidos sperat ab hoste dolos :

Grus notat hæc Regem vigilantem pro grege, qui si
Dormiat; incautum vastet ovile lupus.

COMMENTARIUS.

Plinius Naturalis Historiæ Lib.x. Cap.xxiii. hæc sequentia de Gruibus commemorat : Inducias habet gens Pygmea, abscessu Gruum cum iis dimicantium. Immensus est tractus quò veniunt, si quis reputer, à mari Eoo. Quando proficiscantur consentiunt ; volant ad prospiciendum altè ; Duces, quem sequantur, eligunt; in extremo agmine, per vices qui

exclament dispositos habent, ut gregem voce contineant. Excubias habent nocturnis temporibus. Excubitor lapillum pede sustinet, qui laxatus somno, & decidens, indigentiam coarguat. Cæteræ dormiunt capite infra alam condito, alternis pedibus insistentes. Dux erecto providet collo & prædicit. Hæc ille: Quibus typum nobis, & subditorum, & veri Regis, proponit. Ut enim Dux ille Gruum, aliis dormientibus, erecto collo providet: sic verum Regem, pro subditis vigilantem, & oculatum *παρασσω*, & *ὀπίσσω*, id est, à fronte, & à tergo (secundum Homerum) esse oportet: & (ut Plautus in Aululariâ inquit) in occipitio quoque habere oculos debet. Plutarchus in Commentario de Iside & Osiride refert; in Hieroglyphicis Ægyptiorum picturis, Regis simulachrum fuisse Oculum: quo scilicet vigilantia, cum rectâ, justique rerum administratione, significabatur. Hinc Græci *ἀνάρχας* reges dixerunt, ut Plutarchus interpretatur, *ἀντὶ τῶ ἀναρχῆς ἐχθρῶν*, quod est curam gerere: Imperator Justinianus memor fuit; dum ait se noctes ducere insomnes, ut quietem posteris præparet. Et Silius Italicus inquit;

In præfat.
Novell. 8.
in princ.

Lib. 3.

Turpe duci totam somno traducere noctem,

O Rector Lybia vigili stant bella magistro.

Est enim Rex, quemadmodum Plato in Politicis asserit' *ὡς θεὸς ἐξ ἀνθρώπων*, id est, Deus quispiam humanus, qui eligitur, non ut se molliter curet, sed ut per ipsum, ii qui elegerunt, benè beatèque agant. Malè ille se gerit, qui ex magnâ Fortunâ licentiam tantum usurpat; qui non curis intentus, sed stupris, & adulteriis principem agit, at verus bonusque, sciat, maximo imperio maximam curam inesse. Cumque sit *πομπὴ δαῶν*, scire debet; civium non servitutem sibi traditam, sed tutelam, nec Rempublicam suam esse, sed se Reipublicæ. Manet hoc Poëta:

Homerus,

Lucanus
lib. 9.

Tu civem, Patremque geras, tu consule cunctis,

Non tibi; nec tua te moveant, sed publica damna.

Cland.

Ille vitâ suâ & moribus aliis præeat; quia

Non sic inflectere sensus

Humanos Edicta valent, quàm vita regentis.

Exemplo Catonis, qui

Ipse manu sua pila gerens, præcedit anhelè

Militis ora pedes, monstrat tolerare labores;

Non jubet, & nullâ rehitur cervicè supinus,

Carpent-

*Carpentoque sedens, somni parcissimus ipse est,
 Vltimus haustor aquæ, quum tandem fonte reperto,
 Indiga cogatur latices potare iuventus,
 Stat dum lixa bibat :*

Benè me hercules : Facta enim Regum, & principum, jussa sunt : Quintilia-
 nus Decl. 4.
 Tacita hæc lex est, hæc conditio Principum , ut quicquid faciant,
 præcipere videantur, & recte facere cives suos, faciendo doceant.
 Sit itaque continuis laboribus intentus; Nocte omnes, diesque
 perpeti sollicitudine pro salute omnium cogitet, quod breviter
 illius munus est, & in fine finis.

Sapiens, quò fœlicior; cò modestior.

EMBLEMA XXIII.



Quò se quadrigis altius tollit suis,
 Diale lumen Cynthii;
 Hoc & vagantum de suis rotis jacet
 Umbras minores corporum.
 Benè præparatum pectus, & prudentiæ
 Succis recoctum; quò magis
 Fortuna vultu lubrico favet, catè
 Hoc se gerit submissius.

COM-

C O M M E N T A R I U S .

HOc Emblemate proponitur veri Sapientis animus; qui, quemadmodum Sol, dum in meditullio cæli consistit, exiguas jact tenebras, ita etiam, quo altius eum Fortuna evehit, hoc magis se reprimat, sciens omnium extrinsecus advenientium bonorum lubricam, & incertam esse possessionem, sæpeque Dominum suum mutantem. Cautus gubernator in tranquillitate tempestatem, in tempestate tranquillitatem expectat; hunc etiam imitatur Sapiens, qui

Rebus angustus animosus, atque

Fortis apparet; sapienter idem

Contrahit vento nimium secundo

Turgida vela.

Contrâ insolentes illi, & , dulci Fortunâ ebrii, cum Pindarico Olymp. ode 1. illo Tantalò μέγαν ὄλβον καταπέψαι δ' ὀύνανται, id est, magnam felicitàtem concoquere non possunt. Et ut quisvis non facile multum vini fert; sic hi non abundantem Fortunam. Quicquid leve est in animo; secundâ se aurâ sustollit. Statuunt cum Plautino illo

Secundas Fortunas decere superbias.

In Sticho.

Talem animum sic perstrinxit Archidamus Agesilai filius, qui cum post conflictum apud Cheronzæ habitum litteras à Philippo Macedonum Rege acerbius scriptas accepisset Respondit; Si metieris umbram tuam, haudquaquam reperies illam factam majorem, quàm erat ante victoriam. Sapiens longe aliter, qui in hac rerum affluentia modesto, composito, & bene ordinato est animo, alitè sibi hoc Terentii impræcans,

Ah Demea, hoc tu facito, ut tecum animo cogites;

Quam vos facillimè agitis, quum estis maximè

Potentes, dites, fortunati, nobiles,

Tum maximè vos equo animo aqua noscere

Oporteret, si vos vultis perhiberi probos.

In Adelpi.

Etenim habet has vices conditio mortalium, ut adversa ex secundis, secunda ex adversis nascantur: Si quis lætiori Fortunæ radius effulget, ecce minantis & novercantis simul umbra adest, & vestigia premit, aut excipit,

Ita tuis placitum, voluptati ut Meror comes consequatur,

Quin in commodi plus, malique illud adsit, boni si quid obtigit.

Quid

noctius lib.
2. Prof. 2.

Quid Tragœdiarum clamor aliud deflet, nisi indiscreto ictu Fortunam felicia regna evertentem? Hinc plerosque veterum Sapientum, memoriæ proditum est exoptasse, ut inter secundos prosperosque successus, non nihil adversi sibi eveniret. Quod nequam ratione caruit: tum ne elato nimis animo pellacissimi monstri Fortunæ mole corruerent; tum quod ita judicarent ejus vitæ, cujus tractus nullam habuisset offensionem, miserimum exitum aliquando esse reservatum. Cujus rei Homerum quoque testem habemus, qui eo in cœli limine, unde animas nostras ad decurrendum ætatis hujus spatium dimitti putavit, duas constituit urnas: alteram bonis omnibus refertam, alteram malis: Quæ pro beneplacito mixta, Jupiter distribuit, cuicunque Bonoque Maloque. Et Chilon dicere solebat, Deum, τὰ μὲν ὑψηλὰ ἄπινυν, τὰ δὲ ἄπινυν ὑψηλόν, id est, erecta deicere, dejecta erigere. Hodie magnus es, cras alius, aut nullus. Jugurtham in carcere, Persecum in custodia obiisse scimus. Quæ denique potentia est, cui non parata sit ruina, proculcatio, dominus, & carnifex? Nec magnis ista intervallis divisa, horæ momentum interest, inter solum & aliena genua. Locuples es? nunquid ditior Pompejo? cui cum Cajus vetus cognatus, novus hospes, aperuisset Cæsaris domum, ut suam clauderet, defuit panis & aqua, quum tot flumina possideret in suo orientia, in suo cadentia, mendicavit stillicidia; fame ac siti periit in palatio cognati, dum illi hæres publicum funus esurienti locat. Honoribus summis functus es? nunquid aut tam magnis aut tam insperatis quam Sejanus? Quo die illum Senatus deduxerat, populus in frustra divisit: in quem quicquid congeri poterat Diî hominesque contulerant, ex eo nihil superfuit, quod Carnifex traheret. Rex es? non ad Cræsum te mitram, qui rogam suum & accendi & extingui vidit; factus non regno tantum, sed etiam morti suæ superstes Ptolomæum Africæ regem, Armeniæ Mithridatem, inter Caianas custodias vidimus, alter in exilium missus est, alter ut meliori fide mitteretur optabat. In tantâ rerum sursum ac deorsum euntium versatione, si non quicquid fieri potest, pro futuro habes; das in te vires rebus adversis, quas infregit quisquis prior vidit. Idcirco

Claud. lib. 2.
in Rub.

*Desinat elatus quisquam confidere rebus,
Instabilesque Deos ac lubrica Numina discat.*

Ille

Ille manus, quâ sceptrâ sibi gestanda parabat,
 Cujus se toties submitit ad oscula supplex
 Nobilitas, inhumata diu miseroque revulsa
 Corpore, feralem quæstum post fata poposcit.
 Afficiat, ne quis nimium sublata secundis
 Colla gerat, triviis calcandus spargitur ecce,
 Qui sibi Pyramidas, qui non cedentia templis
 Ornatura suos extruxit culmina manes,
 Et qui Sydonio velari credidit ostro.
 Nudas pascit aves: jacet en, qui possidit orbem,
 Exigua telluris inops, & pulvere raro
 Per partes tegitur, nusquam, totiesque sepultus.

K

Ars

Ars Naturam juvat.

EMBLEMA XXIV.



*Sponte sua unigenum fert tantum Arbuscula fructum ;
 Ast eadem varios in sitione parit :
 Naturam quicumque rudem non excolit, ille
 Semper idem est, cultu sit sibi dissimilis.*

COMMENTARIUS.

CUm tota ratio felicitatis humanæ, his tribus potissimum rebus constet; Naturâ Ratione, & Exercitatione: & Natura sit docilitas ac propensio nobis insita, ad res honestas; Ratio, doctrina quæ monitis constat, & præceptis; Exercitatio, usus ejus habitus, quem Natura sive Deus nobis in sevit; vehementer medius fidius mihi errare videntur; qui

qui satis esse putant nasci, cœcamque naturam in tenebris suis marcere, & torpere sinunt. Ut enim fructus aut unius tantum generis, ut aut plurimum insipidos gignit arbor, citra curam institutionis; ut agri non solum nullas fruges, sed tribulos, carduos & lolium producant, si non excolantur, exculti verò innumera & varii generis frumenta pariunt; sic homo, nisi Naturam, nobile illud Dei depositum, doctrinâ excolat, tanquam rudis massa, & cui nulla forma est induta, in hoc mundi theatro versatur: secus in se uno omnia habet, nullaque est disciplina quam non apprehendat, si præceptionibus & exercitatione institerit. Omnibus enim Deus (ut Seneca inquit) fundamenta dedit, semenque virtutum, quod doctrinâ suscitatur, non secus ac scintilla, levi flatu adjuta, ignem suum explicat. Testatur id Boëtius,

Intus est hominum vigor

Arce conditus abditâ.

Et alio loco idem,

Hæret profectò semen introrsum Veri

Quod excitatur ventilante doctrinâ,

Nam cur rogati sponte recta censeas

Ni mersus alto viveret fomes corde?

Et si Platonis Musa personat verum,

Quod quisque discit, immemor recordatur.

Libet hîc addere elegantissimos magni illius Scaligeri versus:

Istos animi igniculos, seminaria ista,

Queis sevit agros ingeni, beata rerum

Natura parens, studiis augescere par est,

Aut splendor abit perditus arugine tetrâ.

Indigni certè tantis Dei muneribus qui hæc negligunt & putrescere sinunt, quum alioqui, si bonus cultor ea exceperet, similia origini suæ divinæ prodissent, & paria his, ex quibus orta sunt, excrevissent: nunc, quia colonum negligentem sortita sunt, necantur, & purgamenta pro frugibus pariunt. Apulejus asserit hominem nec perfectè bonum, nec malum nasci, sed utriusque semina eiâ naturâ indita, quæ institutione in hanc, vel illam partem emicant. Vide quantum valeat ille cultus, cui (quod Demosthenes de Pronuntiatione dicebat) prima, secunda, & tertia debentur. Quamvis autem Natura quosdam à se

impetus fumat; excolendo tamen perficienda est. Dicit hoc Romanæ fidicen Lyra;

Doctrina sed vim promouet instam,

Restique cultus pectora roborant.

Animadvertit & hoc Vegetius in militari suâ doctrinâ, dum ait; Paucos viros fortes natura procreat, bona institutione plures reddet industria. Hæc est, quæ Elephantem faciat funambulæ, morionem Asinum. Et ad quid non fingat hominem, animal omnis Disciplinæ capax? vincamus itaque, aut saltem adjuvemus Naturam diligentiam, excludamus torporis somnium.

Rationis cum Affectibus bellum.

E M B L E M A X X V .



*Vt dira Serpens semper in solo repens,
Ciconiæ perenne concitat bellum;
Sic vilis illa turba Mentis, Affectus,
Rationis altæ regium impetunt callem.*

C O M M E N T A R I U S .

EX hieroglyphicis sculpturis petitum Emblemata. Ægyptii enim, quum internum illud affectuum cum ratione bellum designarent; Serpentem cum Ciconia belligerantem depingebant. Scribit autem Plinius Naturalis Historiæ Lib. X. Cap. XXIII. Ciconias esse Serpentum exitium, eâque de causâ tantum eis honoris haberi solitum, ut in Thessaliâ capitale

tale fuerit occidisse Ciconiam. Notamus verò & nos, cum Ægyptiis, per hoc Emblemata, affectuum cum Ratione prælium; quo nec periculosius aliud, quia occultum & domesticum; nec lævius, quia cum plus quàm Cadmeis hostibus; nec unde major gloria, quia nobiscum est. Etenim voluptatem vicisse, voluptas maxima est, nec ulla major est victoria, quàm ea, quæ de cupiditatibus nostris refertur. Qui hostem vicerit, illo fortior fuit; qui libidinem repressit, se ipso fortior fuit. Porro nemini ignotum est, Hominem esse prodigiosum quoddam animal, constans duabus partibus, Animâ scilicet, & corpore, illâ velut numine quodam, hoc tanquam vili pecude. Siquidem corpore usque aded reliquo brutorum generi non præstamus ut omnibus dotibus non inveniamur inferiores; Animâ verò, adeo divinitatis sumus capaces, ut ipsas etiam Anglicas mentes liceat prætervolare. Iunctæ hæc inter se sunt partes, sed concordia quâdam discordi nec facile inter eas convenit, utique de imperio agitur, aut servitute; regere enim utraque vult, & magis illa, quæ non debet. Terra attollere se supra ignem suum conatur, & cœnum hoc, supra cœlum, Anima generis ætherei memor, contra stat, *Et secretam gemit in aurem.* Hinc perplexa inter se tumultuantium seditio. Neque verò hanc discordiam, fabulosus ille Poetarum Prometheus, nobis inseruit, adjunctâ menti nostræ, de quoque aivante particulâ; ut sensit Horatius quum inquit,

Fertur Prometheus addere principi

Limo coactus particulam undique

Dissectam & insani Leonis

Vim stomacho apposuisse nostro;

Neque primitiva conditio hæc indidit; sed peccatum, quod benè conditum erat, malè depravavit. Antea Mens corpori sine negotio imperabat, illud verò promptissimè parebat; nunc inverso ordine, quod parere debet, regere instituit, mirasque tragædias ac pugnas ciet. Quarum domitorem summus ille Imperator, dedit Rationem cui origo à Cælo est; ut meritò ita magnificè eam Seneca celebrarit; Partem in homine divini spiritus mensam: Et Augustinus; Aspectum mentis, qui bonum, malumq; discernit, virtutes eligit, Deum diligit. Hæc tanquam Regina supremam capitis arcem tenet, nihil sordidum, nihil humile volvens;

Hanc

Eras. in
Milit. Christ.

Lipf. in Const.

Perfius Satyr.
5.

Lib. de Spirit.
& Anim.

Hanc summâ capitis fundavit in arce

Mandatricem operum, prospectricemque laborum.

Claud.

Habetque, ita constitutus ille Dictator, sub se Rempublicam, constantem ex varijs subditorum generibus. Quos Affectus licebit intelligas. Hi sunt Irascentia, quam procul à Ratione, ad domicilium cordis deduxerunt Filii Deorum, obsequique eam, & respondere in loco sapientiæ jusserunt; præterea Cupido, atque Appetitus, quos infernas abdominis sedes tenere, ut popinas quasdam, & latrinarum latebras diversoria nequitiae atque luxuriae, præceperunt; ideoque longius hos à sapientiâ relegatos voluerunt, ne importuna vicinitas Rationem constitutam cunctorum saluti; in ipsâ cogitationum utilitate turbaret. Quod si fiat (ut sæpissime per cuniculos tentant) illicet actum est, perimus. Quicumque enim rationem abjecerit, & hæc præsentia secutus, in humum se ipse prostraverit, ut desertor Domini, Imperatoris, & Patris sui punitur. Resistamus itaque huic hosti Ratione, quæ nos inseparabilis comes ad Deum sola perducet; &

Lætant.

Dum spiritus hos reget artus

Virgil.

infatigabili militiâ Deo militemus, stationes vigiliasque celebremus. Congrediamur cum hoste quem novimus fortiter ut victores, ac devicto adversario triumphantes, præmium Virtutis, quod ipse promissit, à Deo consequamur.

In miserrimam Tyrannorum vitam.

EMBLEMA XXVI.



*Miser Tyrannus, cujus ensis imminet
 Dependulus cervicibus;
 Mediis in undis aret & plumæ leves
 Non elaborant somnulum.
 Mentis tumultus submovere turbidos,
 Non gazæ, nec lictor valet.*

COMMENTARIUS.

Tul. Tul.
 cul. lib. 5.

Dionyſius Tyrannus, olim aliquo admirante felicitatem
 regiam, & copias, opes, majestatem illius dominatus
 prædicante: aureum lectum sterni curavit, & in co-
 ho-

hominem poni; abacosque complures ornavit argento, auroque cœlato, tum ad mensam eximiam formam pueros delectos iussit consistere, aderant unguenta, coronæ, incendebantur odores, mensæ conquiritissimis epulis instruebantur: Fortunatus sibi Damocles videbatur. In hoc medio apparatu fulgentem gladium è lacunari, setâ equinâ appensum, dimitti iussit, ut impenderet illius beati cervicibus. Ille nec pulchros illos administratores adspiciebat, nec plenum artis argentum, nec manum porrigebat in mensam: jam ipsæ defluebant coronæ, denique exoravit Tyrannum, ut abire liceret, quod jam beatus noller esse. De quo sic Persius,

*Et magis auratis pendens laquearibus ensis
Purpureas subter cervices terruit:*

Satyr.

Et Horat.

*Distictus ensis cui super impiâ
Cervice pendet, non Sicula dapes
Dulcem elaborabunt soporem,
Non avium citharæque cantus
Somnum reducent, somnus agrestium
Lenis virorum.*

Hoc pacto docuit Tyrannus quam misera, quamque omnibus periculis exposita sit Tyrannorum vita; quorum si mentes (ut Tacitus inquit) recludantur, possent aspici laniatus & ictus; si quidem ad omnes suspensiones pavidi sunt, ut qui

6. Annal.

Muniti gladiis vivunt septique venenis.

Claud.

Hanc ob rem suis similes esse Tyrannos Ælianus scribit, quas si quis tetigerit, protinus clamare incipiunt, mortem scilicet somniantes, cum nec vellera habeant, nec lac, nec aliud quicquam præter carnes: Sic Tyranni omnia metuunt, scientes, quod sicuti sues, ita & ipsi omnibus vitam debeant. Dicebat ille, neminem tantæ futurum dementiæ, qui diadema humi projectum tolleret, si sciret quantum curarum agmen secum traheret. Afferit hoc

In Hist.
Animæ.

Seneca Trag.

*O Regnorum magnis fallax
Fortuna bonis, in præcipiti
Dubioque nimis excelsa loco,
Nunquam placidam Sceptra quietem
Certumve sus tenuere diem,*

L

Alia

*Alia ex aliis cura fatigat,
Vexatque animos nova tempestas,
Non sic Lybicus Syrtibus aquor
Fuerit æternos volvere fluctus;
Vt precipites Regum casus
Fortuna rotat. Metui cupiunt
Metuique timent. Non nox illis
Alma recessus præbet tutos,
Non curarum somnus domitor
Pectora solvit.*

Et idem in Oedipo,

*Quisquamne regno gaudet? O fallax bonum,
Quantum malorum fronte quam blandâ tegis?
Vt alta ventos semper excipiunt iuga:
Imperia sic excelsa Fortuna subjacent.*

Perf.

Ad dicat aliquis; Pulchrum est monstrari, & dicier *Hic est*, stipari servis, vehi aureâ lecticâ, gentibus denique omnibus Fortunam dare: O miser, nescis quantum illa bona, per omnes terras fulgentia, sudoris habenti exprimant, quantum occultarum sollicitudinum tegant. Bonus Rex (ut dicebat ille) servus publicus est. Cumque omnium occupatio sit misera, Regum tamen est miserrima, utpote qui non modò suis occupationibus laborant, sed ad alienam quoque servitutem excubant. Stipantur à servis, hominibus ut plurimum infidis, qui, quia eos timent, etiam oderunt:

Seneca.

*Tu quicumque es qui sceptrâ tenes,
Licet omne tuâ vulgus in aulâ
Centum pariter limina pulset,
Cum tot populis stipatus eas,
In tot populis vix una fides.*

In Trinummo.

Meritoria salutatio eis adfertur à clientibus, purpuræ cultoribus, muscis unctum comitantibus, siccum Regem destituentibus. Accedunt eos fallaces parasiti, qui (ut Plautus ait) illos intra dentes conclusos gerunt. Timentur à subditis, sed hos interea etiam timent. Ita enim natura constituit; ut quicquid alieno metu magnum est, à suo non vacet. Quæ autem est hæc potestas, quæ sollicitudinum morsus, formidinumque aculeos vitare nequit? Vellet Rex securus vivere, sed nequit. An verò potentem censens,

Boët. lib. 2.
de Cons. Ph.

centes, quem vides velle, quod non potest efficere? qui satellite
latus cingit? qui, quos terret, plus ipse temet? qui ut potens esse
videatur, in servientium manu situs est? Hæc Regnantium pluri-
mi adverterunt, inter quos Alexander, qui eximius Monarcha
ad Diogenem, doliarem vitam agentem, ita dixisse fertur: Nisi
Alexander essem, Diogenes esse vellem:

Juvenalis
Satyr. 14.

Sensit Alexander restâ cum vidit in illa

Magnum habitatorem, quando felicior hic qui

Nil cuperet, quam qui totum sibi posceret orbem.

Vidit & hoc Tiberius, cum diceret, experiendo se didicisse, quàm
arduum, quamque Fortunæ subiectum esset regendi onus. Di-
rus Augustus, cui Dii plura quàm ulli præstiterunt, non desit
quietem sibi precari, vacationem à Repub. petere. Omnis ejus
sermo ad hoc semper revolutus est, ut sibi speraret otium. Quod
illi, tam eximia res, visum fuit, ut, quia usu non poterat, cogitatio-
ne præsumeret.

Seneca de
brevit. vit.
cap. 5.

O vita tuta facultas

*Pauperis, angustique laris! O munera nondum
Intellecta Deum.*

Lucan. lib. 5.

Semper pueri.

EMBLEMA XXVII.



*Rixantur pueri, si quis lapidesve nucesve
 Auferat, & semper vilia quæque stupent;
 Nos etiam pueri, qui, donec vita superstes,
 Propter opes luteas digladiamur humi.*

COMMENTARIUS.

V Erisimè Seneca inquit, Non bis pueri sumus, ut vulgò dicitur, sed semper, verùm hoc interest quod majora nos ludimus. Majora? immò minus ferenda. Quis enim post juventam, gravesque annos, tantam animi cæcitatem, & dementiam, quantam circumferimus, in nobis toleret? Quis non naturæ monstra, pueros cum rugis & canis, nos appellet?
 Pueris

Pueris crepundiorum, talorum, nucum, & aris minuti avarita est, pro his levibus inter sese quàm gravissimas iras gerunt. Quapropter? quia enim qui eos gubernat animus infirmum gerunt: Idem nos pro auro argentoque maximum sæpe bellum suscipimus. Hæc vires nostras atque opes vocamus, hæc sunt quæ nos senescere cogunt, opinione nostrâ cara, pretio suo vilia. Subito enim, si bene expendimus, effluunt, repenti dilabuntur, nullo in loco, nullâ in personâ stabilibus nixa radicibus consistunt. Hæc sunt quæ in aliena littora impingunt, quæ nos mittunt ad longinqua loca, & errantia, cum possimus fœlicitatem domi promere. Ergo par pueris, longiusque progressis, sed in aliis, majoribusque error est. Sic rerum versa conditio est, ut nos divinum, merito Rationis, animal, non aliter nobis splendere, nisi inanimatæ suppellectilis possessione videamur. Aurum argentumque, & propter ista nunquam pacem agens ferrum, quæ naturæ conditor Deus, tanquam malè nobis committeret, abscondidit, nos in lucem proferimus, certissima auctoramentastrarum servitutum, nec erubescimus summa apud nos habere, quæ ima terrarum fuerant. Ah quàm non intelligimus quantam Conditori nostro faciamus injuriam? Ille genus humanum terrenis omnibus præstare voluit, nos dignitatem nostram infra quæque infima detrudimus. Quique cæli amorem professi sumus, tanto tamque peregrino fœce gravamur, ut dum in altum niti volumus, incurvemur, & pro cælo terra nobis sit. Inunc, & præclaram opum mortaliū beatitudinem dicas, quam cum adeptus fueris; immortalium fœlicitatem amittis. Quin potius intende oculos mentis, ut appareat quæ bona, quæ mala sint. Sepone reginam mundi stultitiam, cui familiare est, ut quarum rerum minor est fructus, earum & cupiditas, & delectatio sit major. Ut verè dixerit Socrates; Ridere semper Deos, cum vana hæc cupiditatum inspicunt.

Boëtius.

Seneca.

Boëtius.

Mora nocet.

EMBLEMA XXVIII.



*Natura Echinitalis est, ut indies
 Differre tentet horridum partus diem,
 Tandemque spinis prolis excrescentibus
 Magno gravique cum dolore parturit :
 Ignava mens mortalium & cœli sui
 Oblita; differt indies vitam suam,
 Sibi que semper blandiens, malis mala
 Coacervat, & sic pressa diffidit sibi,
 Aut cum labore maximo sese explicat.*

COMMENTARIUS.

A Junt Echinum terrestrem simulatâ alvo remorari par-
tum, deinde jam asperiore ac duriore facto fœtu morâ<sup>Andor Sui-
das.</sup> temporis, majora cum cruciatu parere. Huic animali non
absimilis est humani ingenii perversitas, & voluntarius
furor, qui quamvis sit brevis vitæ, & ipsa brevis semper incerta,
indies tamen pœnitentiam (quam divus Augustinus definit, quan-
dam dolentis vindictam, punientem in se quod dolet commisisse)
differt, semperque peccata peccatis accumulat, adjungens etiam
iis, quod plus quam conclamata nequitia est, patrocinia defensio-
nis. Interea autem fit, ut hominem in iis senescentem, quando
jam peccare amplius non potest, peccata ipsum dimittant, non ipse
ipsa, & sic mors imparatum opprimat, aut in numero malorum nu-
mero gravatus, desperet, aut ægerrimè cum Echino sese exoneret
& explicet.

*Facilis (enim) descensus Averni,
Sed revocare gradum, superasque evadere ad auras
Hoc opus, hic labor est.*

Virgil.

Benè Augustinus infert, Ex voluntate perversâ est libido, & dum
servimus libidini, fit consuetudo, consuetudo autem cui non resi-
stitur fit necessitas, quibus quasi, anfulis sibi met connexis instar
catenæ, tenet nos dura servitus. Quam tamen, ut idem monet,
excutere debemus. Quia pejus est nunquam, quam ad vesperam
expergisci. & quicquid male differtur, pejus omittitur. Ultimum
autem malorum omnium est desperatio, ad quam nemo nisi ante
tempus accessit. Nullum est tam magnum peccatum, quin major
sit misericordia Dei:

Seneca, *Quem pœnitet peccasse, pœnè est innocens,
Nam sera numquam est ad bonos mores via.*

Ovid. *Numen confesius aliquod pater.*
Principiis autem obstare Sapientis est.

Lib.to. Me-
tamorph.


Ovid. *Vtile propositum est, se vas extinguere flammis,
Nec servum vitiiis pectus habere suum:
Principiis obsta, sero medicina paratur,
Cum mala per longas invaluere moras.
Sed propera, nec te venturas differ in horas,
Qui non est hodie, cras minus aptus erit.*

De Rem.
Am.

Potest

Alio tortum
Emblema.

Potest & hoc Emblema ad omnes humanas actiones torqueri, in quibus, præterquam in ira (secundum Senecam) nimia mora dam-
nosa est, contra maturitas utilissima Alexander interrogatus, quo pacto tam brevi spatio orbem subegisset, rectè respondit

ὅνδ' ἐν ἀναβάλλομαι , id est,

Plutarch. in
Cæs.

Nihil cunctando, aut differendo. Audendo, atque agendo Ro-
mani res suas auxerunt. Cæsarem disjunctissimas terras citius vi-
ctoriis suis illustrasse legimus, quàm cujusquam passibus peragrarì
potuissent. Unde illud de se summo jure proficitur; Veni. vidi,
vici. Hic, cum Pompejus instructam aciem apud Pharsaliam inibi
consistere, & hostem operiri jussisset; dixit, illum errasse, qui vim,
impetum, ac divinum afflatum animorum, ad incurfionem para-
torum, morà relaxasset. Scivit scilicet illud Lucani,

Tolle moras, nocuit semper differre paratis :

Lib. 4.
Altron.

Et Manilii,


Mora sæpè malorum

Dat causas.

Et capitur Saguntus dum Romanus sedendo tempus terit.

Vivitur ingenio.

EMBLEMA XXIX



Regna cadunt, urbes pereunt, nec quæ fuit olim
 Roma manet, præter nomen inane, nihil.
 Sola tamen rerum, doctis quæsitæ libellis,
 Effugiunt structos Fama decusque rogos.

COMMENTARIUS.

O

Vidius quodam loco inquit,

Tabida consumit ferrum lapidesque Vetustas,
 Nullaque res majus tempore robur habet,
 Scripta ferunt annos, scriptis Agamenomna nostri,
 Et quisquis contra vel simul arma tulit.

M

Fit

Fit vivax scriptis virtus experisque sepulchri

Notitiam sera posteritatis habet.

Seæca.

Lips. in
Const.

Horat.

Quibus versibus indicatur, cum omnium humanorum operum confectrix sit Vetustas, cum Oppida, Respublicas, Regna evertat; ferrum denique, lapides, atque aded ipsum adamanta, quem durissimum perhibent, & in quo Fatalia Parcarum decreta, propter summum rigorem ejus, incisa esse perhibent Poëtæ, consumat; solam tamen Eruditionem, omnium annorum ac Libitinæ Domitricem, esse immortalem. Quod quàm verum sit, re auctore patebit. Nonne septem illa Miracula, & si qua his mirabiliora sequentium annorum extrusit ambitio, sola æquata sunt? nonne tam mortalia fuerunt, quàm ii qui ea fecerunt? Negari certè non potest; quin etiam memoria eorum penitus ex animis deleta fuisset, si per scripta, humanarum actionum, & omnium sæculorum conservatrice, licuisset. Illa ipsa Terrarum Dea, gentiumque Roma, & falsò Eterna Urbs, ubi est? obruta, diruta, incensa; & ambitiosè hodie quæritur nec invenitur in suo solo, solum autem nomen & majestatem suam in solis scriptis tuetur. His veteris Ægypti Thebas, his centum Cretæ urbes cognoscimus. Quis, ut Theocritus inquit, unquam optimates Lyciorum, quis Priami filios, aut Cycnum novisset, nisi superiora bella cecinissent Poëtæ. Neque verò Ulysses post errores decem annorum, per omnium ferè hominum urbes vagatus, etiam ad inferos profectus vivus, tot denique periculis perfunctus, atque ex antro Cyclopi salvus reversus, diurnam laudem consecutus esset: Tum subulcus Eumæus silentio præteritus.

Paulum (enim) sepulta distat inertia

Celata virtus.

Litteræ Themistoclem, qui de Brevitate vitæ conquerebatur, litteræ Alexandrum immortalitate donarunt, aliquando alioqui perituros, nisi istæ famæ & æternitatis artes obstitissent. Nam ut Pindarus inquit, sermo factis diutius vivit, quem cum Gratiis volentibus lingua extulerit profundâ mente. Quamobrem Eudamidas rogatus à quodam, quam ob causam Lacedæmonii, priusquam irent in prælium, Musis immolarent, cum Musis nihil videretur cum Marte esse commercii; ut rebus, inquit, fortiter gestis contingat hæc æta commemoratio.

Enim-

Enimverò, *Non incisa notis marmora publicis
 Per qua spiritus & vita redit bonis
 Post mortem Ducibus : non celeres fuga
 Rejēctaque retrorsum Hannibalis mina
 Non incendia Carthaginiſ impie,
 Ejus qui domita nomen ab Africā
 Lucratus redit, clarius indicant
 Laudes, quam Calabra Pierides; neque
 Si chartæ ſicant, quod bene feceris
 Mercedem tuleris. Quid foret Ilia
 Mavortisque Puer, ſi taciturnitas
 Obſtaret meritis invida Romuli.
 Ereptum ſtygiis fluctibus Æacum
 Virtus, & favor, & lingua potentium
 Vatum divitibus conſecrat inſulis.
 Dignum laude virum Muſa vetat mori,
 Cælo Muſa beat.*

Quod & Pindarus egregiè, Nem. Carm. ſeptimo, innuit, hoc modo; Magnæ corporis vires, magnæque animi virtutes, ab hymnis & laudationibus dereliētæ, denſis tenebris circumfunduntur. Unicum eſt autem rerum fortiter geſtarum ſpeculum, quo videlicet illæ poſteritati prodantur, atque immortalitati commendentur & conſecrentur, carmen à docto aliquo Poëta conſcriptum, quod illarum rerum laudes, tanquam laborum præmia, completatur. Idcirco elate & magnificè, ſed tamen verè, hic idem Poëta, Statuarium ſe eſſe negat, qui mutas tantum ſtatuas edolet, unā defixas in baſi, ſed quos ipſe cantibus ſuis celebret, eorum famam terrâ marique ſpargi, ac diſſeminari.

*Quem referent Muſe, vivet, dum robora tellus,
 Dum calum ſtellas, dum vehet amnis aquas.*

Tibull.

Videat Leſtor etiam ſe merito jactitantem Ovidium in ſine Metamorphoſeos, & Horatium in Odis,

*Exegi monumentum ære perennius
 Regalique ſitu Pyramidum altius
 Quod non imber edax, aut Aquilo impotens
 Poſſit diruere, aut innumerabilis
 Annorum ſeries, & fuga temporum.
 Non omnis moriar, multaque pars mei*

Vitabit Libitinam. usque ego posterâ
Crescam laude recens dum Capitolium
Scandet cum tacitâ Virgine Pontifex.
Dicar quod violens obstrepit Ausidus,
Et quâ pauper aquæ Daunus agrestium
Regnator populorum, ex humili potens
Princeps Æolium carmen ad Italos
Deduxisse modos, sume superbiam
Quæsitam meritis, & mihi Delphicâ
Lauro cinge volens Melpomene comam.

Iac̃tura utilis.

E M B L E M A X X X .



*Cum Tigrium catulos Venator repperit, unum
 Projicit, ut matrem detinuisse queat;
 Dum rapit hunc mater, nidumque revisit anhelat,
 Interea pedibus consultat ille sibi:
 Damna hominem quandoque juvant, dum copia rerum
 Causa est latroni cur struat insidias.*

C O M M E N T A R I U S .

Plinius Naturalis Historiæ Lib. VIII. Cap. XVIII. refert,
 eos qui Tigrium catulos venantur, totum fœtum, qui sem-
 per numerosus est, rapere, deinde maximè perniciosum
 abire.

abire. At ubi vacuum cubile repperit foeta (maribus enim cura sobolis non est) fertur præceps, odore vestigans. Raptor appropinquante fremitu abjicit unum è catulis. Tollit illa mortu, & turbine ocyoracta, remeat, iterumque insequitur, tandem ubi nulla spes recuperandæ prolis affulget, irrita feritate sævit in littore. Et sic raptor, qui alioqui cum omnibus catulis periiisset, unico objecto, salvus evadit. Quo facto monemur, urgente necessitate, non magni esse ducendum nummorum jacturam, dummodo vitæ hoc pacto consuli possit. Quia pecuniam in loco negligere, maximum interdum est lucrum. Fecit hoc Aristippus, qui quum in eadem navi, sese cum pyratibus versari, cognovisset, omnes suos nummos in mare projecit. præviderat enim propter ipsos se à pyratibus in mare projiciendum. Idem legimus apud Iuvenalem fecisse Catullum quendam, qui ingruente tempestate, omnium ferè bonorum faciebat jacturam. Versus sic sonant,

Satyra 12.

*Accidit & nostro similis Fortuna Catullo,
Cum plenus fluctu medius foret alveus, & jam
Arboris incerta nullam prudentia cani
Reكتور conferret opem, decidere jactu
Cæpit cum ventis; imitatus Castor qui se
Eunuchum ipse facit cupiens evadere damno
Testiculorum, aded medicatum intelligit inguen.*

Labor

Labor Amoris domitor.

EMBLEMA XXXI.



*Omnia parve Puer, Veneris justissima proles,
Telorum duro cum premis imperio,
Sola Diana tamen vestri vim despicit arcus,
Dum sequitur fortes fortior illa feras:
Otia si tollas, periit vesana Libido,
Quam labor assiduus, duraque vita domat.*

COMMENTARIUS.

A Poëtis memoriae proditum est, Cupidinem, quum omnes Deos Deasque sub jugum suum mittat, & blandissimam illam vim, quæ nobis paulatim per pectora concu-

concuritur, sentire faciat, in solam tamen Dianam assidius venationibus intentam, nihil posse: Quo figmento homines acutissimi nihil aliud indicare voluerunt quàm perpetuis laboribus, vitæque asperitate, amorem & libidinem domari; otio autem, molliæ atque luxu eas animi passionem nutriri. Quare poëta Lucretius Lib. 1. inquit,

Variam dant otia mentem.

Exemplum querendi Sardanapalus Rex, quàm maximum dabit, qui dum sese otio devovit, usque adeò à blandà illâ pellice, Libidine victus est, ut inter imbellissimas fœminas necet. Et,

Queritur Agisthus quare sit factus adulter

In promptu causa est, desidiosus erat.

*Otium (denique) Reges prius, & beatas
Perdidit urbes.*

Ovid.

Catull.

Hoc animadvertens Lycurgus, leges tulit, quibus juventutem ab otio ad labores, ad venandum, currendum, natandum, esuriendum, sitiendum, ægendum, & æstuandum instigaret; Quia

Cum semel hac animum cepit mulcere voluptas,

Debilibus pennis irritus exit amor,

Vel tu venandi studium pete, sepe recessit

Turpiter à Phœbi victa Sorore Venus.

Seneca in Octavia;

Vis magnâ mentis blandus atque animi calor

Amor est, juvenâ gignitur, luxu, otio

Nutritur, inter læta Fortuna bona,

Quem si fovere, atque alere desistas, cadit,

Brevique vires perdit extinctus suas.

Florus.

Post victoriam Cannensem si Hannibal rectâ petiisset Romam, poterat in Capitolio prandere, sed frui, quàm uti victoriâ maluit, Campaniam ac Tarentum pergarans, ubi mox & ipse, & exercitus ardor adeò elanguit, ut verissimè dictum sit, Capuam Hannibali fuisse Cannas. Siquidem invictum Alpibus, indomitum armis virum, Campania sole, & Bææ fontibus calidis tepentes subegerunt. Appium Claudium etiam sæpe solitum dicere accepimus, negotium populo Romano melius, quàm otium committi, non quod ignoraret quam jucundus tranquillitatis status esset, sed quod animadverteret, præpotentia imperia, agita-

ratione rerum, ad virtutem capeſſendam excitati, nimia quiete in deſidiam reſolvi. Et ſanè negotium nomine horridum, imperii illius mores in ſuo ſtatu continuit, blandæ appellatiſſimæ quies plurimis vitiis reſperſit. Quid furores ſæpius intra mœnia, provincias, & regna peperit, quàm nimia ſclicitas, nimisquæ diuturnum otium? Aſſerit hoc Romanis ſuis Romanus ſcriptor; Syria prima nos victa corrumpit, mox Aſiatica Pergameni Regis hæreditas. Illæ opes atque divitiæ afflittere ſeculi noſtri mores, merſamque vitis ſuis, quali ſentinâ, Rempublicam peſſundede-
re. Naſica, quibuſdam dicentibus, res Romanas in tuto eſſe, extinctis Carthagenſibus, & Græcis in ſervitutem redactis, immo, inquit, nunc demum in ſummo periculo ſumus, poſtquam nulli ſuperſunt vel quos timeamus, vel vereamur: Sentiens inimicos per occaſionem nobis utiles eſſe, per quos non licet impunè ſecurè eſſe negligentibus.

*Quisquis ſecundis rebus exultat nimis,
Fluitque luxu, ſemper inſolita appetens,
Hunc illa magna dira fortuna comes
Sequitur Libido, non placent ſueta dapes,
Non teſta ſani moris, aut vilis cibus.
Cur in penates tenues rarius ſubit
Hæc delicatas eligens peſtis domos?
Cur ſancta parvis habitat in teſtis Venus
Mediumque ſanos vulgus affectus tenet?*

Ideo ſcilicet, quia improbum iſtum amorem, & libidinem, per improbum laborem excludit,

πῶν & δ' ἀγερῶ μέγ' ἐφέλκῃ, id eſt,

Phocylides.

Labor virtutem valdè juvat. Cæterum talem laborem non requiram, qualem deſcribit Horatius in Lib. Epod.

*Nullum à labore me reclinat otium,
Urget diem nox, & dies noctem, neque eſt
Levare tenta ſpiritus præcordia:*

Scimus illud Ovidii veriſſimum eſſe;

*Cernis ut in duris (& quid bove firmitus?) arvis
Fortia taurorum corpora frangat opus,
Quæ nunquam vacuo ſolita eſt ceſſare norali,
Fructibus aſiduis laſſa ſeneſcit humus,*

Lib. r. De
Ponto.

N

Occidet,

Occidet, ad Circi si quis certamina semper
 Non intermisit cursibus ibit equus,
 Firma sit illa licet, solvetur in aqore navis,
 Qua nunquam liquidis sicca carebit aquis.
 Me quoque debilitat series immensa laborum,
 Ante meum tempus cogor & esse senex.
 Ocia corpus alunt, animus quoque pasitur istis,
 Immodicus contra carpit utrumque labor.

Seneca lo-
 cus de Tran-
 quil. Anim.

Atque hæc de moderato otio dicta sint, quo usi sunt etiam viri il-
 li præstantissimi Scipio, & Lælius, qui rerum publicarum curâ
 defessi, conchas & umbelicos, ad Cajetam & Lucrinum legere, &
 ad omnem animi remissionem, ludumque descendere consueve-
 runt. Idque benè: Non enim in eadem intentione æqualiter re-
 tinenda mens est, sed ad jocos revocanda. Cum pueris Socrates
 ludere non erubescerebat: & Cato vino laxabat animum, curis pu-
 blicis fatigatum. Ut fertilibus agris non est imperandum; cito en-
 nim exhauriet illos nunquam intermissa fecunditas: ita animo-
 rum impetus, assiduus labor franget: vires recipient paulum re-
 soluti & remissi. Nascitur ex assiduitate laborum, animorum he-
 betatio quædam, & languor. Legum conditores festos institue-
 runt dies, ut ad hilaritatem homines publicè cogerentur, tan-
 quam necessarium laboribus interponentes temperamentum. Ly-
 curgus, quanquam alioqui severis rationibus institueret cives suos,
 tamen liberales lusus, & jocos, non solum illis permisit, sed etiam
 præcepit. Instituit enim exercitamenti genus, quod *λέγας* appel-
 labat, ad quod conveniebant seniores, jam à publicis functioni-
 bus emeriti, lepidis dictis, liberalibusque jocis tempus transmit-
 tentes, sed quæ vel ad honesti laudem, vel ad vitiorum vituperationem
 conducere. Quin & signum collocavit *ζέλωπ* Deo, id
 est Risui: Quod utilissimum judicaret modestis facietis animo-
 rum vigorem recreari, & ad honestos labores alacres reddi; quan-
 doquidem in rebus humanis

Quod caret alternâ requie durabile non est.

Verè ille olim dixit: Vegetæ & strenuæ mentes, quo plus re-
 cessus sumunt, hoc vehementiores impetus edunt. Quamobrem
 Pythagoras animum citharâ excitare solebat, ubi evigilasset; quò
 scilicet esset ad functiones obeundas, ac diurna munia expedi-
 tior; & quum somnum peteret, rursus testudine mentem leniebat,
 quò

quò affectus redderet sedatiores. Dicebat Socrates, otium possessionum omnium optimum esse; otium autem sensit, non ignaviam, sed à tumultuosis negotiis, & cupiditatibus, animi tranquillitatem vitiantibus remissionem. Scipio etiam dicere solebat, se nunquam minus otiosum, quàm quum esset otiosus, nunquam minus solum, quàm quem esset solus: Innuens se cum animo semper plurima loqui solitum. Hoc est aptè otio & solitudine uti, hoc est otio multorum vincere negotia. Contra (ut prudenter Ennius inquit)

Otio qui nescit uti, plus negotii habet,

Quàm quum est negotium in negotio :

Nam cui quid agat institutum, nullo negotio

Id agit, studet ibi, mentemque animumque delectat suum

Otioso initio animus nescit quid velit,

Hoc idem est, neque domi nos, neque militia sumus,

Imus huc, hinc illuc : cum illuc ventum est, ire illuc libet,

Incertè errat animus præter propter vitam vivitur.

Impotens malitia.

EMBLEMA XXXII.



*Tempore brumali si calcibus urseris anguem,
Non nocet, at mens est prona nocere tamen :
Si multos videas homines tali indole, qui non
Sunt animo, sed vi deficiente, boni.*

COMMENTARIUS.

Serpentes hyberno tempore velut mortui sunt; ita ut, si premantur, immoti jaceant. Non autem defunt illis venena, sed torpent. Narrant Porphyrium Serpentem, venenum quidem habere, sed quoniam edentulus est, sibi tantum habere: Ita quidem homines mala quidem meditantur, & animo volunt, sed quia defunt facultates, non nocent, eas autem

autem adepti, omne virus suum evomunt. In hanc sententiam sic Epiſt. 42.
Seneca : Multorum quia imbecilli sunt, latent vitia, non minus ausura quum illis vires suæ placuerint, quàm illa, quæ jam felicità aperuit. Et paulò post : Multorum crudelitas, ambitio, & luxuria, ne paria pessimis audeat, Fortunæ favore destituitur : Eadem velle eos cognosces, da posse quantum volunt. Sapienter itaque unusquisque sibi ab illis cavebit, ut eorum insidias evitando, gaudendi materiam eis eripiat. Hoc pacto fiet, ut ipsa malitia maximam partem veneni sui absorptura, & ut basiliscus vitrum specularatus, virus suum in se retortura sit.

Gloria

Gloria post obitum major.

E M B L E M A XXXIII.



*Sapè comes radios per Solis euntibus umbra est,
 Hæc etiam nostræ dux aliquando viæ:
 Gloria viventes etiam sectatur, at illa
 Major ab exequiis semper in ora venit.*

C O M M E N T A R I U S.

S Eneca Philosophus in Epistolis suis inquit; Gloria umbra virtutis est, etiam invitos comitabitur: Sed quemadmodum aliquando umbra antecedit, aliquando sequitur; ita Gloria aliquando ante nos est, visendamque se præbet, aliquando in adverso est, majorque quò serior, ubi invidia cessit.

cessit. Quamdiu videbatur furere Domocritus? Vix recepit Socratem fama. Quamdiu Catonem civitas ignoravit, respuit, nec intellexit nisi cum perdidit. Enimvero sic sunt homines, præsentia invidiâ, præterita veneratione prosequuntur. Quod & Lyricus asserit,

*Virtutem incolumem odimus,
Sublatam ex oculis querimus invidi.*

Vivos interdum Fortuna, sæpè invidia fati fatigat, ubi anima natura cessit, demptis obrectationibus, ipsa se virtus magis magisque extollit.

Cicero.

— *Diram qui contudit Hydram
Notaque fatali portenta labore subegit,
Comperit invidiam supremo sine domari;*

dum scilicet igni Græcanico cælum assequeretur. Ita certè est, Lippus Livor longinqua non aspicit, præsentia obliquè intuetur;

— *Nos nostraque lividus odit,
— Et nisi qui terris summotus, suisque
Temporibus defuncta videt, fastidit & odit :*

eique tantum homines magni sunt (ut Poëta loquitur) propter mille annos. Attamen viros illos illustres, & in exemplum natos, ab heroico suo proposito movere non debet, sed potius ἐλπίσιν, id est toto pede, adversus illum standum est; ne tanquam Scarabæi umbra (ut est in Adagio) nos terreat parum attentos. Sciat quilibet, nullum rectè factum in hac vitâ præmio carere, cuius (sapientibus placet) vel uberrimus fructus est, fecisse, & in silentio meminisse; Quia

— *Virtus pretium sibi, solaque latè
Fortuna secuta nitet, nec fascibus ullis
Erigitur, plausuque petit clarescere vulgi,
Nil opis externæ cupiens, nil indiga laudis,
Divitiis animosa suis, immotaque cunctis
Cæcis, ex altâ mortalia despicit arce.*

Claud.

Mima illa apud Horatium, contempto multitudinis contemptu, satis habebat equitem sibi plaudere. Et alte ac genere ille exclamat: Satis mihi pauci lectores, satis est unus, satis nullus. Volebat hic cordatissimus vir, gloriam sequi, non appeti; nec, si casu aliquo non sequeretur, idcirco quod gloriam meruerat, minus

Seneca.

minus pulchrum ducebat, suo scilicet sibi placens theatro. Omnibus nimirum ad multa annorum millia respiciendum est, etiam si cunctis tecum viventibus silentium livor indixerit, venient tamen, qui sine offensâ, sine gratiâ judicent.

In

In malos Causidicos.

E M B L E M A XXXIV.



*Forenses Rabulas vocavit ille
Togatos benè Vultures ; sed illud
Inter hos tamem interest, & illos,
Quòd cadavera Vultures morentur,
Hi vivis quoque detrahunt cruorem.*

C O M M E N T A R I U S .

Vulturum, ut Plinius testatur, ea est Natura, ut triduo ante aut biduo, eò advolent, ubi cadavera futura sunt. Natural. Hist. Lib. 10 Cap. 6.
Hinc Dinarchus Adolescens apud Plautum,

Vide ut jam quasi Vulturii triduo

O

*In Truculent.
Prius*

*Prius prædivinant, quo die esuri fient,
Illum inbiant omnes.*

His avibus similes dicit esse Apulejus perfidos caustidicos, quos appellat vultures togatos; homines illos; non modò infuslos & à Minervâ alienos, verum vel maximè lingulaces, & à rabie non malè dictos rabulas. Eo autem pacto vulturibus sæviores sunt, quod hi cadavera expectent, illi vivos homines excoriant. Unde eorum studium Columella caninum appellat; & haud temere quispiam confessum latrocinium dixit. Si naribus eorum afflaverit aura marsupii cuiusdam, confestim illos videbis perjurja Laomedontis; Ulysses argutias, Simonis fallacias, & pietatem Pygmalionis adhibere, cumque non adest medulla sensuum, audies illos abundare spumâ verborum. Intantum denique apud illos fames habendi incanduit, ut dialecticæ mutua sit subtilitas, Rethoricæ lanqueat civilitas ubi nummorum perorat pluritas. Hæc movere Columellam, ut diceret, sine caustidicis satis fœlices fuisse, & futuras urbes: idque verè, Legibus enim fundatas civitates legibus evertunt. Conqueritur hoc etiam Plautus,

Lib. 1.

In Trinummo

*Mores leges perduxerunt jam in potestatem suam,
Magis quæis sunt obnoxiosi, quam parentes liberis,
Eæ misera etiam ad parietem sunt fixæ clavis ferreis
Vbi malos mores affligi nimio fuerat æquius.*

Atque hæc de rabulis, in fas nefasque iras suas, ac verbalocantibus: Veri autem Patroni & Caustidici reverendi, atque suspicendi sunt: Testatur hoc gravissimus Philosophus, π βουλευέσθ, τῶν πρὸ τῶν ἀνθρώπων θρόνον ἐστὶ, id est consiliare, eorum quæ inter homines sunt, divinißimum est. Et Plato, ἱερὸν ἀληθὺς ἐστὶν ἡ συμβουλίαι, id est, quiddam sacrum profecto est consultatio. Hi quoque urbibus maximè necessarii, periclitantem enim innocentiam præsidio suo sublevant, & ambigua causarum fata dirimunt, nec minus provident humano generi, quàm si manu militari patriam defenderent. Hi suo jure dicere possunt, quod apud Ennium inquit ille Pythius Apollo;

Anist. Rhet.
ad Alex.

*Se esse eos unde sibi non populi & Reges, at omnes sui
Cives consilium expectant,
Suarum rerum incerti, quos ego meâ ope ex*

In-

Incertis, certos, compotesque consilii

Dimitto, ut ne res temere tractant turbidas

Est enim sine dubio domus Iureconsulti, totius oraculum civi-
tatis. Quare Salustius ad Cæsarem inquit; Ego ita comperi,
omnia regna, civitates, nationes, usque eò prosperum imperium
habuisse, dum apud eos vera valuerunt consilia.

O 2

Lubri-

Lubricum Iuventutis

EMBLEMA XXXV.



Dum tener, & nondum fundarat in orbe columnas,
 Monstraque delebat Amphytrioniades,
 Apparent illi virtus hinc, inde Voluptas,
 Et studet in partes flectere quæquæ suas.
 Blanda voluptatis, Virtutis dura videtur
 Semita, dum primo limine quamque notat,
 Hanc tamen invictæ subiens certamine mentis
 Ad Superos tandem vi sibi stravit iter:

Alcidæ

*Alcidae similes homines sunt, dum levis ætas ,
Et peragit cursus cæca iuventa suos;
Felix qui rectum potuit servare tenorem
Integer, & nullo crimine tactus obit.*

C O M M E N T A R I U S .

HAc Herculis Fabulâ, quam eleganter Libro decimoquin-
to descripsit Silius Italicus, & Xenophon sub nomine
Prodicî Philosophi, Libro secundo Memorabilium So-
cratis, nihil aliud innuitur, quàm Iuvenes in trivio &
flexu vitæ positos, de eâ instituenda laborare, magnoque esse in
periculo, ne à voluptatum blanditiis decepti, & à recto itinere
abducti, in vada & scopulos deferantur, in quos cum impege-
rint, non sit receptui locus. Etenim qui ætate illâ in omnia præ-
cipiti non labitur, spes est illum, inoffenso deinde cursu, per-
tingere posse ad Candidam metam. Hujus rei utile exemplar,
Sapientiæ ille adumbrator Ulysses, nobis proposuit,

*Qui domitor Troja multorum providus urbes
Et mores hominum inspexit, latumque per æquor,
Dum sibi cum sociis reditum parat, aspera multa
Pertulit, adversis rerum immerfabilis undis.
Sirenium voces, & Circes pocula nosti.*

*Quæ si cum sociis stultus cupidusque bibisset,
Sub domina meretrice fuisset turpis & excors,
Vixisset canis immundus, vel amica luto sus.*

Quapropter parentibus nihil prius, aut antiquius esse debet,
quàm ut religiosè caveant, ne quod deliquium morum pueri-
lium integritas patiatur: Incuntis enim ætatis inscitia, senum
constituenda & regenda prudentiâ est; qui tanquam alter Or-
pheus, vocem illam, quæ rupese mora que traxit, explicant, hoc
est, salutaria præcepta cercis illorum mentibus præponant, quæ
illi sequentes, per labores innumeros, aureum illud vellus, id est,
virtutem cum immortalis gloriâ consequantur. Fœlices ter &
amplius si audiant, si viriorum omnium inimici exactum vitæ iter
inspiciant, & tanquam Alphæus mare Siculum subterlabi dicitur,

sine mixtione undarum, ad suam Arethusam; sic per mundanas hasce vanitates, ad eas virtutes tendant, quibus omnem vitam tueri possint. Rarum hoc certè, sed magnum exemplum continentia, quæ etiam in Liberi Patris sacris (ut Aristippus, in purpurâ saltare coactus, referente Laërtio, dixisse fertur) non corrumpitur;

Cui mens circumflua Luxu

Noverat intactum vitio servare vigorem.

At quàm multi interea, aut suo, aliorum vitio, ad pejora inclinant: Suo scilicet, dum vitæ habere modum ignari, se totos orio & voluptatibus devovent, quæ ubi animos illorum, ad magna alioqui surgentes, velut pestilenti quodam sidere afflarunt, capti sunt, periëre; Iam inter meretrices, illecebras (ut Comicus ait) argentarias, sepulchrum suum habent, totamque meliorem ætatem comburunt. Itaque re cum pulvisculo perditâ, nihil aliud illis restat, nisi ut fiant miseri; non secus ac ille conclamata vitæ adolescens Lesbonicus apud Plautum, qui cum amicè ab imico in hunc modum admoneretur,

Nisi me ascultas, atque hoc, ut dico, facis,

Tute ponè te latebis, facilè ne inveniat te Honor,

In occulto jacebis, cum te maximè clarum voles:

Ita respondit,

Sciebam ut esse me deceret, facere non quibam miser:

Ita vi Veneris vincetus, otio captus in fraudem incidi.

Juvenalis.

Sic, dum juvenilis ætas adest, absque labore nitidi vitæitant, cum labore squallidi senectam ætatem transigunt; anteaكتورum eos pudet, agendorum onus haud sustinent; jucundis in juventute cursu quasi peragratis, in senectutem molesta refervant. Accedunt ad hoc parasiti, communis pernicies adolescentum, qui ita se comparant, ut omnia assententur, qui exulceratas istas mentes, si sua sponte non satis insaniant, improba arte, quâ illas tractant, magis magisque instigant, ita ut ipsa si cupiat Salus servare prorsus non possit. Venio ad parentes, qui sæpè etiam suo exemplo peccant, librosque malè agendo malè agere docent,

Xenophon.

Si (Enim) damnoſa ſenem juvat alca, ludit & hæres

Bullatus, patrioque eadem movet arma fritillo.

Aut vehementes in utrumque partem sunt, largitate nimia, aut parsi-

parfimoniâ, & sic in eandem fraudem ex hâc re atque illâ incidunt. Si enim nimis contentè liberos habeant, nec ea que fert adolescentia iis indulgeant, ut est ingenium humanum, semper nitentur in vetitum, omnesque artes advocabunt ut id consequantur. Si nimis laxè & lautè, idem erit. Nam qui adolescenti nimium indulget, sive pecuniæ, aut alterius rei, is febricitanti ministrat vinum, bilioso mel, cœliacis obsonia. Hinc Megarides senex apud Plautum,

Dedistne hoc pacto ei gladium qui se occideret?

Quid secus est, aut quid interest dare te in manus

Argentum amanti homini adolescenti, animi impoti

Qui exedificaret suam inchoatam ignaviam?

Itaque præceptum hoc Philosophorum hic valeat, *μὴ δὲν ἄγαν* id est, ne quid nimis, & modus teneatur, quî est sal & anima virtutum.

Sapientiã deceptrix Avaritia.

EMBLEMA XXXVI.



*Cautalicet sis Diva , tamen te cautior , arctos
In casses Ratio timula sepe trahit.*

COMMENTARIUS.

PAusanias Corinthiacus memoriae prodidit: Acrisium consulto de liberis masculis , si quos filia sua pareret oraculo , responsum tulisse , se ab eo , qui è filia sua nasceretur , interfectum iri. Hoc igitur metuens , extracto sub terrâ aëreo thalamo , Danaen acerrimâ custodia septam tenuit. Verumtamen Iuppiter in aurum conversus , per inpluvium in sinum Danaes influxisse , atque ita cum eâ rem habuisse fertur. De quo Horatius Lib. tertii Ode XVI. & Ovid. Lib. 1. Amor. Eleg. 7.

Iup-

*Iupiter admonitus nihil esse potentius auro,
Corrupta pretium virginis ipse fuit.
Dum merces aberat, durus Pater, ipsa severa.
Ærati postes, ferrea turris erat.
Sed postquam sapiens in munere venit adulter,
Præbuit ipsa sinus, & dare iussa dedit.*

Quo figmento adumbratur, Nihil esse tam sanctum, quod non Cicero.
violari; nihil tam munitum, quod non expugnari; nihil tam provi-
dum, quod non decipi à pecuniâ possit. Si dubitas quotidianam
experientiam, ipsasque Historias tibi auctores dabo. Hæ Philip-
pum oraculo fidentem, non ferreis, sed argentatis hastis Græciam
subegisse testabuntur, bellumque (ut Ennius loquitur) caupona-
tum fuisse; iis scilicet corrupendis, locupletandis, atque ornan-
dis, qui in singulis urbibus, summæ rei præerant. Quid Lacedæ- Demesth.
monii? nonne primi omnium hosti munera dare cœperunt, bel- Pausan.
lique victoriam auro vanalem effecerunt? Idcirco M. Tullius,
Offic. secundo, scribit, Cajum Pontium Samnitum, optare soli-
tum, ut ad illa tempora se Fortuna servasset, & tunc esset natus,
quando Romani Dona accipere cœpissent, non fuisse passurum,
eos diutius imperare. Adeo scilicet humana cupiditas, ad istas u-
triusque materiæ laminas caligat, quibus tamen terra ut noxiis re-
bus, maloque gentium in medium prodituris, toto pondere in-
cubuit. Resistit quis, aut obloquitur? os illi argento verbera, ob- Seneca de
struatur, & lucripetam istum, legirupam efficies; ignarum scilicet Benef.
hoc pauxillum lucri quantum illi damni adportet.

Nec minor in campo furor est, emptique Quirites

Petron.

Ad prædæ, strepitumque lucris suffragia vertunt.

Porro cum sacra hæc auri fames ubique perniciosa sit, omnium
tamen malorum comprimis radix est, si iudicium animis inhæ-
reat. Quod tamen aliquando fit, ut ubi dos in linguâ est, ibi con-
silia corrumpantur, lucroque Sapiencia etiam irretiatur. Pro-
bos non tango, in quorum numero mihi Alcamenes ille; qui
quodam rogante, cur à Messeniis oblata munera recusasset:
Quoniam si recepissem, inquit, cum legibus pacem habere non
poteram. O mentem regno dignam! quæ magno obvioque lu-
cro, legum auctoritatem anteposuit. Quid ille egregius vir, cui
cum Cæsar ducenta donaret, id est quinque millia Philippico- Seneca.
rum,

rum, an non ridens rejecit? ingenti ore efferens; Si tentare me
constituerat, toto illi fui experiendus imperio. Quasi dicat, nec
dato quidem illo, se cessurum illis decretis, & vitâ. Et cur? Cum
omnes cinis æquet, sola autem Virtus distinguat?

Nos homunculi

Plant.

*Salillum animæ qui cum extemplo amissimus,
Æquo mendicus, atque ille opulentissimus
Censetur censu ad Acheruntem mortuus.*

Vitium

Vitium Virtutis specie citius fallit.

E M B L E M A XXXVII.



*Blandius aridet pellaci flore Cicuta,
 Et tamen interius, quo perimamur, habet.
 Cum vitium specie sese Virtutis obumbrat,
 Promptius in casses pectora nostra rapit.*

C O M M E N T A R I U S .

DUO sunt, inquit Seneca, propter quæ delinquimus; Aut Epist. 4. inest animo pravis opinionibus malitia contracta, aut etiam si non est falsis occupatus, ad falsa tamen proclivis est, & citò specie, quo non oportet trahente, corrumpitur. Sic nulla vitia velocius citiusque obrepunt animo, aut majorem

majorem afferunt perniciem, quàm quæ Virtutis. specie fucantur,

Fallit enim vitium specie Virtutis & Vmbrâ.

Horum de genere sunt Ambitio, quæ virtutem mentitur, ejusque nomen usurpans, honestâ quodammodo prætextâ ornata, oculis mortalium sese ingerit. Hinc ille Vates,

—— *Habitat sub pectore caco*

Ambitio, & morbum virtutis nomine jactat.

Superbia libertatis loco ducitur. Sitis inexplibilis habendi vocatur providentia. Livor honesti Zelo personatur. Maledicentia fucat morbum titulo libertatis. Adulatio pro humilitate sese insinuat. Et tam callidè; & blandè hæc imponunt, ut internosci nisi difficulter non queant. Porro quemadmodum venenum quò dulcius, eò periculosius est: sic hæc mala periculosissima sunt, cum delectant. Tum enim, quia amamus, defendimus, & malum excusare, quàm excutere. Tandem eò insanix devenimus, ut laudemus, & gloriemur iis, quibus erubescere oportebat. Et quod unum habebamus in malis bonum, perdimus peccandi verecundiam. Benè ille, Miserum est peccare, miserius delectari, miserrimum excusare, & tum demum consummata amentia est, quum ad studium malum, opinio quædam honestatis accesserit. Medici nullum morborum genus putant formidabilius, quàm quod ægrotis mali sensum eripit. At hujusmodi ferè sunt omnes animorum morbi. Quo quisque gravius ægrotat, hoc minus admittit opem medicantis. Nec ægrotus de suis potest judicare malis, quibus laborat, proptereà quod ægrotet ea pars, cujus erat judicare. Nunquam autem sanatur, nisi excusso hoc irrationali motu, puta Opinione, Rationem, quæ exultantes affectus temperet, & in angustiore gyrum ducat, sibi adscribat. Ut enim

Boët., lib. 1.
Met. 7.

*Nubibus atris
Conditæ nullum
Fundere possunt
Sidera lumen:
Sic quoque si vis
Lumine claro
Cernere verum,*

Hanc

Hanc Bonæ mentis peturbatricem Opinionem disjice: quia

Nubila mens est

Vinctaque frenis

Hæc ubi regnat.

Itaque ex præcepto Horatii

— te ipsum,

Concute, num qua tibi vitiorum inſeſerit olim

Natura, aut etiam conſuetudo mala; Namque

Neglectis urenda filix innasſcitur agris.

P 3

Malum

Malum consilium consultori pessimum.

E M B L E M A XXXVIII.



*Consilium auctori prævum nocet: Hoc benè quondam
Monstrasti exemplo sæve Perille tuo.*

COMMENTARIUS.

Perillus Atheniensium faber ingeniosissimus, olim Phalaridi, Agrigentinarum Tyranno, taurum ex ære fabricavit, cui januam in latere posuit, ut cum inclusus reus subiectis ignibus torqueretur, mugitum, non hominis vocem videretur emittere: quo invento, cum munus & præmium à crudelissimo Tyranno, qui novis hominum tormentis delectabatur, postularet, in eo ipso, ut eam pœnam primus experiretur, includi iussus, ac suppositis ignibus exustus est. Vide Ovid. Plin. Lib. 34.

Lib. 34. Cap. 8. Quo exemplo monemur, malum consilium consultori esse pessimum.

— Neque (enim) lex æquior ulla est

Quam necis artifices arte perire suâ.

Polypus dum Conchæ carnem caprat, ipse capitur, ac tenetur. Et Basiliscus dum speculum inspicit, suo ipsius veneno, à speculo percussus, necatur. Sic semper malitia maximam partem veneni sui bibit. Græci dicunt *iegôn h' βελή*, id est, sacra quædam res est consilium. Atque ut est libenter accipiendum, ita est religiosè citraque fraudem dandum, si quis egeat. Alioqui non defuturum est Numen aliquod, quod pœnas repetat ab eo, qui rem sacram perfidiâ violarit. Exstat in hanc sententiam Apologus Græcus non inuenustus, qui sic habet: Leonem ob senectam agrotantem, & eâ de causa in lustris se continentem, cætera quidem animantia officii causa, viscebant, exceptâ Vulpe. Proinde Lupus, nactus opportunitatem, accusavit Vulpem, apud Leonem læsæ Majestatis, ut quæ pro nihilo haberet eum, penes quem rerum erat summa; nec ob contemptum ad visendum accessisset. Interea autem intervenit in Lupi fabulâ Vulpes, & extremam sermonis partem audivit. Itaque Leo, conspectâ Vulpe, protinus adversus eam infremuit; at illa postulato ad purgandum sese spatio: Et quis, inquit, omnium qui huc convenerunt, tantum tibi profuit, quantum ego? quæ quoquo versum circumcursitavi, tibi que morbi remedium à medicis reperi. Cumque Leo protinus edixisset, ut remedium aperiret, si vivum inquit Lupum excories, & illius pellem induas, convalesces. Leo credulus, continuo Lupum invasit, & interemit. Quo extincto, risit astuta Vulpes calumniatoris malum consilium in ipsius recidisse caput, ipsumque exedisse quicquid mali intraverat.

Diffi.

Diffidendum.

EMBLEMA XXXIX.



*Aspiciens hominem lachrymas Crocodilus acerbè
 Fundit, & in casses fugiendo ducere tentat,
 Huc ubi perduxit, conantem cedere retrò
 Invadit, rostroque illum discerpit avaro:
 Nusquam tuta fides, hosti diffidito semper,
 Nam nihil utilius quàm diffidentia prudens.*

COMMENTARIUS.

Pessimus hominum nunquam terribiliores sunt, quàm dum voce,
 & gestu sese lenissimos ostendunt. Publ. Mimus
Malus ubi se bonum fingit, tunc est pessimus.
 Quod in primis de Domitiano Principe lectum est, Bassianus
 etiam

etiam imperator (ut est apud Ælium Spartianum) lacrymabatur, quoties aut mentio fieret, aut magnos videret Geræ fratres, quem occiderat. Aranea (ut ajunt) antequam feriat titillat, Auceps, & mulier quem fallere vult, delinit. Polyppus quem demergit, amplectitur. Hyena vocem humanam imitatur, & nomen alicujus ediscit, quem postea devoret. Crocodilus denique Nili animal, terrâ pariter ac flumine infestum, quem dilacerare statuit, infquentem fugit, fugientem sequitur: Sunt qui scribunt eum etiam lacrymas emittere, conspecto homine. Unde in Adagio est, *Crocodili lacrymæ*. Quibus exemplis monemur, nihil credere, atque omnia suspecta habere. Exclamat Tragicus,

vid. Plinium
Lib. 8. Cap.

O vita fallax abditos sensus geris.

In Hyppolito.

Multis simulationum involucris, & quasi velis obtenditur uniuscujusque natura. Frons, oculi, vultus persæpe mentiuntur, oratio verò sapissimè. Quod expertus est ille, cum inquit; *O amici, nemo amicus*. Itaque merito nobis occinit Epicharmus; *νᾶφε, καὶ μέμνασθ' ἀμείων, ἀφ' ὧν ὅδ' ταῦτα τῶν φρενῶν*, id est, Sobrius esto, & memor sis ne quid credas, nervi hi sunt sapientiæ. Occurrit & il-
lud Euripidis;

Cic. Ad Q.
Frat. Epist. 1.

σώφρονος δ' ἀμείας

ἃ ἐστὶν ἀλλο χρησιμώτερον βροτοῖς, id est,

Sapiente dissidentia non aliud utilius est mortalibus,

Præcipue adversus hostis insidias. Quoniam nulli citius opprimuntur, quàm qui nihil timent. Et frequentissimum initium calamitatis, est securitas. Nihil itaque in hoste contemnendum, sed cogitandum, sub omni lapide dormire Scorpionem. Frequenter jam fusa acies, dispersos, ac passim sequentes reparatis viribus interemit. Narrat Cornelius Nepos in ThraSybulo, eum, cum Phylem confugisset, quod est castellum in Attica munitissimum, non plus habuisse secum, quàm triginta de suis. Hoc initium fuisse silius Atticorum, hoc robur libertatis clarissimæ civitatis. Contemptus enim est primò à Tyrannis, atque ejus solitudo; quæ quidem res & ipsi contemnentibus pernicipiæ, & huic despecto saluti fuit. Hæc enim illos ad persequendum segnes, hos autem, tempore ad comparandum dato, robustiores fecit. Quo magis præceptum illud, omnium in animis esse debet; Nihil in bello oportere contemni; Nec sine causa dicitur, Matrem timidi flere non solere.

Vell. Paterc.
2. Hist.

Veget. lib. 3.
cap. 25.

Q

Mo-

Morosis cedendum.

E M B L E M A X L.



*Cedito morosis, nam quo magè concutis ignem,
Hoc magis attollit mota favilla jubar.*

C O M M E N T A R I U S.

IN Adagio est; Ignem gladio ne fodito. Quo monemur, potentum & ferocium iracundiam, non esse convitiis exagitantam, propterea quod flamma, quo magis commovetur, hoc magis magisque invalescat; cum contra, si quiescat, sopiatur, Plautus Amphitruone;

*Bacche bacchanti si velis adversarier,
Ex insanâ insaniorem facies, feriet sapius,
Si obsequare, unâ resolves plagâ.*

Fulminis & procellæ eadem ferè est vis; validissima quæque, ac reni-

renitentia sternunt, & evertunt. Contrâ arundinem contumacem adversus sævientium nimborum imperus, domitricemque ruentis cæli videmus; nec aliis armis, quàm patientia quadam tutam. Sic quisquis majoribus suis cedit cedendo, ut arundo, vincit. Prætercâ nihil ita confusionem parit ingerenti mala, sicut fortis tolerantia patientis, & neque verbo, neque opere reddere vindictam. Quod quid aliud, quàm illum sævientem in adiutorium tui, pudore victum convertere? Hoc certè vindictæ genus est maximum, Seneca. scilicet, non commoveri. Prudenter Philosophus; Si magnanimus fueris, nunquam judicabis tibi contumeliam fieri. De inimico dices, non nocuit mihi, sed animum nocendi habuit. Et cum illum in potestate tuâ videris, vindictam putabis, vindicare potuisse. Scito magnum & honestum vindictæ genus esse, ignoscere. Maximam autem factæ injuriæ pœnam fecisse, nec quenquam gravius affici, quam qui ad supplicium pœnitentiæ traditur. Socrates, cum in viâ quidam per lasciviam illi calcem impegisset; admirantibus aliis, quod id pateretur; Quid facerem inquit? illis hortantibus uti vocaret ipsum in jus: Ridiculum, inquit, si quis asinus me calce percussisset, decreris mihi; voca illum in jus? Nihil scilicet patientissimus vir interesse putabat, inter asinum & hominem brutum. Idem alias percussus, nihil aliud respondit, quam, miserum esse, quod homines nescirent, quando cum galeâ esset prodeundum. Quid Cato? cum illi in foro causam dicenti Lentulus attractâ pingui salivâ, in mediam frontem, quantum poterat expuisset; absterxit Cato faciem, ac dixit; Affirmabo omnibus, Lentule falli eos, qui te negant habere os. Atque hic subsistens, carmen aliquod, ex 2. Libro variorum meorum Carminum, quo aliquando Amicum ad patientiam cohortatus sum, addo, Ignosce, quisquis hæc leges:

*Ni te plus oculis meis amarem
Dilectissime - - non monerem
Te tam sollicitè, quid & nocivum,
Et quid utile sit tibi futurum,
Dum ver floridulum juvenia carpit.
Te nuper monui, monebo rursus,
Ne quod pectora concoquit bonorum)
Ut soles tremulo Patri resistas.*

Est morosior, est avariorque,
Sed hos canities, petita cunctis,
Adducit comites perenne secum.
Qualis qualis erit, tamen ferendus
Est tibi, potius modestus ipsum
Quam perversus, & obstinatus audi.
Si auro fueris molestus idem,
Nihil proficies, resuscitatur,
Sed non repprimitur premendo, serpens.
Palpanti nihil asperum ferumve est:
Vnda liberius vagans per alveum
Tranquillo pede labitur, fluitque;
Ast hac, si lapides, trabesve cursum
Rapacem impedian, sonat furitque;
Et cum murmure bulliens sonoro
Pugnantes lapides trabesque quassat.
Omnis hoc habet ira, sevensque
Indignatio, crescit in dolores
Et tormenta sui, jugumque nullum est
Quod non durius urgeat morantem,
Quam qui subsequitur ducem paratus.
Vnum est tristibus in malis levamen,
Pati leniter. Et necessitati
(Vt virum decet) obsequi libenter.

Sapiens supervacanea bona negligit.

E M B L E M A X L I.



*Diogenes quosdam cernens haurire liquorem
Manu puellum limpida,
Abjecit cyathum, palmas in pocula vertens,
Queis usus est in posterum.
Præcidit remoras Sapiens; quo promptius altam
Virtutis Ædem transeat.*

C O M M E N T A R I U S.

Nihil aliud olim Diogenes, quàm peram, pallium, & scipulum circumtulit, & *ζωὴν μίσην*, id est, doliarem vitam agere solitus fuit. Ad hunc Alexander Magnus ita aliquid

quando locutus fertur: Adsum, O Diogenes, tibi subventurus: cui Diogenes, uter nostrum pluribus eget, ego qui ultra peram, & pallium nihil desidero, an tu, qui non contentus patrio regno, tot periculis temet objicis, ut latius imperes, aded ut vix totus orbis tuæ cupiditati videatur satis futurus? Hæc ad Alexandrum: Memor scilicet illius Apulei in Apologiâ sententiæ; Pauperem me vis? prius avarum esse doceas necesse est. Quod si nihil in animo deest, de rebus extraneis quantum desit non laboro. Aliquando etiam, cum videret quosdam pueros manu suâ aquam haurientes, & bibentes, indignabundus cyatum suum, tanquam, supervacaneum, abiecit: innuere volens, superfluis istis divitiis exclusis, habituram latius nobiscum quietem, & tranquillitatem: quibus eò amplius loci erit, quod Fortunæ minus. Democritus o'ïm etiam divitias abiecit, onus illas bonæ mentis existimans. Poterat & Thales habere opes, sed multò altius putavit contemnere; doctus scilicet, habere & Virtutem suas illecebras, quas gustare & ruminare cum cœperimus, alias magnopere non requiramus. Enim verò viri illi in exemplum nati, omnia, ut saperent, contempserunt, & ad Bonam Mentem magno cursu, ac totis viribus contenderunt, præcidentes ea, quæ tenere, ac remorari possent: divitias dico, quæ multis ad Philosophandum obstitere, cum contra paupertas expedita sit, & ad Philosophiam, absque viatico, pervenire liceat. Sapiens ille Bias, cum quidam patriam cepisset hostis, cæterique ita fugerent, ut multa de suis rebus asportarent, cumque esset admonitus à quodam, ut ipse idem faceret; Ego vero, inquit, facio, nam omnia mea mecum porto. Cordatus vir hæc Fortunæ ludibria, ne sua quidem putabat, quæ nos appellamus etiam bona nostra; quæ quæsitum difficilia, custoditu anxia, & amissa nobis flebilia sunt. Illi contra quibus recta placent, securi & liberi nihil petunt, & tota Fortunæ comitia prætereunt. Dant se Philosophiæ, almæ animorum nutrici, satis habentes, si non algeant, non esuriunt; cumque Lucano si exclamant,

— O prodigia rerum

*Luxuries, nunquam parvo contenta paratu,
Et quaestorum terrâ, pelagoque ciborum
Ambitiosa famens, & laute gloria mensæ,*

Discite

Cic. in Paradoxis.

Lib. 4.

*Discite quam parvo liceat producere vitam,
 Et quantum Natura petat. Non erigit agros
 Nobilis ignoto diffusus Consule Bacchus
 Non auro Myrrhaeque bibunt, sed gurgite puro
 Vita redit: satius est populis fluviusque Ceresque.*

Et profectò

*Vt quisque minimo contentus fuit,
 Ita fortunatam vitam duxit maximè.*

Turpè.

In

In Avaros.

EMBLEMA XLII.



*Immundæ pecudes Sues, pigroque
 Semper implicitæ luto ac sepultæ,
 Non prosunt nisi carnibus peremptæ;
 Sic queis pectora fasciavit aurum
 Eternum modo grunniunt suosque
 Acervos tenues nimis queruntur,
 Donec post sua fata dignioris
 Heredis foveant, alantque luxum.*

C O M-

C O M M E N T A R I U S.

Publius Mimus ait, Avarus, nisi quum moritur, nihil rectè facit: Non secus ac Sus, immundum illud pecus, quod perpetuo suo luto immersum, inter ingentem glandium copiam, semper grunnit & queritur, nullique, nisi interemptum & maceratum, suo lardo prodest. Sic etiam turpilucricupidi (ut cum Plauto loquar) avari, magnas inter opes inopes sunt Tantalii; queruntur perpetuo, &

Patulis rimantur faucibus aurum:

Idque non solum in terrâ, ex mercibus suis ex Oriente & Occidente petitis, sed etiam sub terram, inque fodinas descendunt, quo eos uberrimus Fortunæ rivus inaret. Conquestus hoc est jam olim Pœta Ovidius,

Itum est in viscera terre,

Quasque recondiderat, Stygiisque admovent umbris,

Effodiuntur opes irritamenta malorum.

In Metana.

Hos tales olim Regina Carum Semiramis sic lussit: Monumento, quod sibi pararat, hæc inscribi iussit, Quisquis Rex pecuniâ egerit, aperto monumento, quod voluerit capiat. Darius potitus eâ civitate, titulo credens, saxum ingens, quo claudebatur monumentum, vix amolitus, nihil quidem invenit pecuniarum, sed ex altero faxillatere hoc inscriptum repperit: Non vir malus esses, & pecuniâ inexplebilis, haudquaquam mortuorum oculos moveres. Hoc pacto turpissimus avarus spe suâ cecidit, & irrisus abiit. S. Bernardus super Cant. Sermon. xxxvii. ait, currum Avaritiæ quatuor vitiorum rotis vehi, quæ sunt, Pusillanimitas, Inhumanitas, Contemptus Dei, & mortis Oblivio. Quæ verba si examinemus, verissima esse comperiemus. Primo Pusillanimitatem Avaritiæ adesse, ex eo patet, quod infra terram sese demittat, dum aurum argentumque, vilissimas terræ glebas eruit;

Hoc quicquid placet, excitatque mentes

Infimis tellus aluit cavernis.

Boëtius.

Hinc est quod Plutonem præfecerit divitiis Antiquitas; quod ex imis terræ visceribus, immo ab ipsis inferis petantur opes. Seneca de Beneficiis: video ferrum ex iisdem tenebris esse prolatum, quibus aurum & argentum, ne aut instrumentum in

R

cades

cædes mutuas deesset, aut pretium. Porro, secundum Cicero-
nem, nihil tam parvi, tamque angusti animi. quàm amare divitias.
Dicebat ille, avaros ita facultatum suarum curam gerere, quasi es-
sent propriæ, rursus ex iisdem nihil capere utilitatis, quasi essent
alienæ. Quod quid aliud, quàm pusillanimitas? Sapientius Ho-
ratius,

Mibi res, non me rebus submittere conor.

Secundò Inhumanitatem avaris inesse, testatur Seneca; In nullum
Avarus bonus est, in se pessimus. Idem etiam in Euclyone oculis
subjicit Plautus. Appositè illum hydropi comparat Horatius,
quia ut illi

Quò plus sunt pota, plus sitiuntur aqua;

Claud. Sic, *Semper inops quicunque cupit.*

Scilicet improba

Horat. *Crescunt divitiæ, tamen*

Curta nescio quid semper abest rei.

Ut Indicæ formicæ, aurum è cavernis erutum, servant tantum,
non fruuntur: ita dives avarus, non fruitur ipse suis opibus, & aliis
invidet illarum usum, multasque parasse divitias, non ei finis est
miseriarum, sed initium. Nam adhuc quærendo (qui mos est ava-
ro) cupiditas crescit, & paupertas cupiendo. Dicebat ob id Epi-
ctetus, non est quod avaris opes augeas, sed tollas cupiditatem.
Omnis enim cupido acquirendi ex opinione inopiæ venit, nec re-
fert quam magnum sit, quod tibi minimum est. Non habuit tan-
tam rem familiarem Philus quantam Lælius, nec Lælius quantam
Scipio, nec Scipio quantam Crassus dives. At enim nec Crassus
quantam volebat. Ita cum omnes superaret, à suâmet avaritia su-
peratus est; omnibusque potius dives visus est, quàm sibi. Restat
tertium vitium, Contemptus Dei. Dicit hoc tibi Juvenalis,

Falsus erit testis, vendet perjuriam summâ

Exiguâ, Cereris tangens aramque pedemque.

Et quartum, Oblivio Mortis; Quia ut nunquam moriturus,
quo minus viâ restat, eo plus viatici sibi quærit, ut Horatius
inquit;

Secunda marmora

Locat sub ipsum fumus, & sepulchri

Immemor struit domos.

His au-

His autem hominibus quid aliud impreceris, quàm quod Juvenalis Pacuvio;

*Vincat Pacuvius quaso vel Nestora totum,
Possideat quantum rapuit Nero, montibus aurum
Exaquet, nec amet quenquam, nec ametur ab ullo.*

R 2

Cæcus

Cæcus amor sui.

EMBLEMA XLIII.



*Dum sua subjectis Narcissus spectat in undis
Corpora, & in facie deperit ipse sua,
Spernitur à Nymphis, subitoque in pectore motu
Ipse sui est factus flos Hyacinthus amans :
Fabula narratur mutato nomine de te ,
Qui reliquos spernis cæcus amore tui.*

COMMENTARIUS.

Suidas inquit Nymphas à Narcisso spretas dixisse, πολλοὶ σέ τε
μισῶσιν ἂν σταυπνὴν φίλῃς, id est, Et multi te oderint si te ipsum
ames. Quod ut ad Emblemata nostrum torquamus, scien-
dum

dum est eas Nymphas hinc intelligi, quas Sapientiæ præsidēs Anti-
 quitas esse voluit, quæ elatum pectus fugiunt, humile verò am-
 plectuntur, & exosculantur. Est autem in hominibus quidam cæ-
 cus amor sui, quem *Φιλαυτία* vocant: Hoc morbo licet plurimi
 laborent, nunquam tamen de remedio quærendo cogitant, sem-
 per sibi patrocinantur, semper blandiuntur. Omnes nobis vide-
 mur esse belli, festivi, saperdæ, cum simus *καπεροι*. Nescio quas Chi-
 mæras, quæ monstra nobis fingamus; interea autem auras, & nu-
 bes, pro Junone, captamus miseri Ixiones. Usque adeo nihil ma-
 gis officit progressibus nostris, ac falsa opinio; Quicquid enim
 hæc præoccupavit, nunquam assequitur industria. Idcirco Sapi-
 ens huic vitio bellum indicat, non aquâ & igni, sed toto suo pecto-
 re. Porro quia Narcissum, in aqua, tanquam speculo, se contem-
 plantem, hoc Emblemata repræsentat, pauca de speculis, quæ huc
 facere videbuntur, addam. Plautus in Epidico sic inquit,

*Non oris causâ modò homines æquum fuit
 Sibi habere speculum, ubi os contemplarent suum,
 Sed qui perspicere possent cor sapientiæ.
 Vbi id inspexissent, cogitarent postea,
 Vitam ut vixissent olim in adolescentia.*

Inventa sunt specula (ait Seneca) ut homo ipse se nosceret: Mul-
 ti ex hoc consequuntur, primo sui notitiam, mox & consilium Natural.
 quæst. lib. 5.
 quoddam: Formosus ut vitet infamiam, ne corporis dignitatem,
 morum dehonestamento polluat: Deformis, ut ingenio corpo-
 ris damna rependat, & virtutibus redimat quicquid corpori
 deest. Amplius, ut Juvenis flore ætatis admoneretur; illud tem-
 pus esse discendi, senex, ut indecora canis deponeret, & de morte
 aliquod cogitaret, admoveri sibi lineas sentiens.

Mors introitus ad Vitam.

EMBLEMA XLIV.



*Confectus senio Phœnix se mittit in ignem,
 Vt propriis iterum pullulet exequiis:
 Discite mortales Parc arum spernere fila:
 Nam, quo vivamus, vivere desinimus.*

COMMENTARIUS.

Vide Plinium
 Lib. 10,
 Cap.

DE Phœnice sic Claudianus;
*Hic neque concepto fœtu, nec semine surgit,
 Sed pater est prolesque sui, nulloque creante
 Emeritos artus fecundâ morte reformat,
 Et petit alternam totidem per funera vitam.*

Huic avinos Christiani, æquiparandi sumus; cum ille dies quem
 impij

impii tanquam extremum timent, nobis æterni natalis sit. Quam
quam hoc neget Ethnicus Poëta, cum inquit,

*Soles occidere, & redire possunt,
Nobis cum semel occidit brevis lux
Nox est perpetua una dormienda.*

Catull.

Sanius dux ad Eloquentiam Cicero; Supremus ille dies, non Lib. 1. Tusc.
extinctionem, sed commutationem loci adfert. Et alio loco; Quæst.
Si à Deo denunciatum videatur, ut è vitâ exeamus, lati, & agen-
tes gratias, pareamus, emittique nos è custodia, atque levare
vinculis arbitremur. Si autem nihil denunciatum fuerit, eo ta-
men simus animo, ut illum horribilem diem aliis, nobis faustum
putemus: nihil in malis ducamus, quod vel à Diis immortalibus,
vel à Naturâ parente omnium, constitutum. Non enim temere
& fortuito facti & creati sumus, sed profecto fuit quædam
vis, quæ generi consuleret humano, ne id gigneret inter
cætera, quod cum exantlavisset omnes labores, in mortis ma-
lum incideret sempiternum. Paratum nobis perfugium potius
putemus, quo utinam passis velis tendere liceat. Matthæus
Cap. 13. *Tunc iusti fulgebunt sicut sol, in regno patris sui.* Fælices,
mehercules, & ter beatos illos, qui vitæ præcedentis innocentia,
fideque meruerunt tam præclarum de cælo patrocinium, ut renati
inter astra micare possint. Imaginemur, quæso, Seneca,
quantus ille sit fulgor, tot sideribus inter se lumen miscentibus.
Nulla serenum umbra turbabit, æqualiter splendeat omne cæli
latus. O quam habebit tunc animus noster, quod gratuletur
sibi cum emissus his tenebris, in quibus assiduo volutatur, totus
illam lucem aspexerit, quam nunc per angustissimas oculorum
vias obscure intuetur; & tamen illam procul admiratur! Hæc
cum perpendimus, quis mortem temporalem metuat, cum æterna
ante oculos vita sit? quis labores carnis timeat, cum se in
requie æternâ noverit collocandum: Audi iterum Cicero-
nem; Pro dii immortales. quam optabiliter iter illud ineun-
dum est, quo confecto, nulla reliqua cura. nulla sollicitudo
sutura est. Legitur non-nemo in libris quæstionum Tusculana-
rum, cum Platonis libros de immortalitate animorum legisset,
mox sese è præcipite muro, in mare abjecisse ut æterno illi Cæ-
litum concilio adscriberetur. Refert Val. Maximus, Thraces
olim natales hominum flebiliter, exequias cum hilaritate cele-
brasse;

brasse; gnari scilicet, sine ullis Doctorum præceptis, veræ nostræ conditionis: ideoque, inquit, merito sibi sapientiæ laudem vindicarunt. Et certè, si istæ plus quàm aniles ineptiæ pellantur, quid in morte miseriarum invenias? At amaram esse dices. Respondet Orator; Habes somnium imaginem mortis, eumque quotidie induis, & dubitas quin sensus in morte nullus? cum in ejus simulacro videas esse nullum? Diogenes interrogatus num quid mali esset mors? Quo inquit, pacto malum, cum præsentem non sentiamus? quod autem abest nulli malum est. Dum sentit homo, vivit, nondum igitur adest mors, quæ si adsit, abest sensus. Malum autem non est, quod non sentitur. Hanc ratiocinationem quidam tribuunt Epicuro; Mors quidem mala non est, sed iter ad mortem. Id si metuimus, totâ vitâ metuendum est, quid enim hæc aliud, quàm iter ad mortem? Cunctos itaque Boëtii verbis alloquor

Lib. 3. Met.
10.

*Huc omnes pariter venite capti,
Quos fallax ligat improbis catenis
Terrenas habitans libido mentes;
Hic erit vobis requies laborum,
Hic portus placidæ manens quiete,
Hic patens unum miseris asyllum.*

E parvis

E parvis citò magnus.

E M B L E M A X L V .



*Quosquos ex humili salire cernes
Ad fastigia dignitatis altæ ,
Crocodilo habeas pares, ab ovo
Qui crescit minimo brevî stupendus.
Parte hæc dissimiles tamen vocabis ,
Quòd hic perpetuo angeatur , illi
In summo positi ruant ad imum.*

COM M E N T A R I U S .

NArrat Pierius, in hieroglyphicis suis , Crocodilum è minimis initiis maximum cito capere incrementum : Et Plinius

Nat. Hist. lib.
8. cap. 25.

refert eum, quumdiu vivit, crescere. Huic animali Pierius homines, qui ex infimo, & humillimo loco ad summas dignitates emergunt, æquiparat: Hâc parte ego tamen eos dissimiles arbitror, quod, cum Crocodilus (secundum Plinium) perpetuo crescat, illi contra, ubi ad fastigia pervenerint, ad ima tendant. Non secus ac stellæ, quæ subito natæ, subito evanescunt. Et naturalis ratio est, ut quibus viis fiunt, crescuntque omnia, iisdem facilè resolvantur. Hinc Ulpianus Lib. 48. ad Sabinum; Nihil tam naturale est, quam eo genere quidque dissolvi, quo colligatum est. Exemplo nobis sit, unum instar omnium, Romanum imperium, quod è pastoralis (ut ita dicam) tugurio, tantum ultra reliquas urbes caput extulit,

Tit. de Divers.
Regul. Iuris.

Virgil. Eccl. 7.

Lib. 2.

Quantum lenta solent inter viburna cupressi.

Ita ut sub Principe Augusto magnitudine & sælicitate suâ laborarit. Meruit que tandem triumphati orbis caput dici. Iam verò non amplius gaudii materia est, sed humanæ fragilitatis, & Fortunæ variantis indicium. Certè hoc imperium tale fuit (ut Vell. Paterculus de Bruto, & Cassio loquitur) quod prona Fortuna commitata est, & veluti fatigata maturè destituit.

A teneris afuescendum.

EMBLEMA XLVI.



*Frustrà, operam perdis, potuisset virga moveri
Cum nondum staret viribus aucta suis.
Nunc robur mora longa dedit, citiusque fatiscet
Quàm queat in formam flectier illa novam.*

COMMENTARIUS.

Ingeniosissimus Poëtarum Ovidius inquit,
*Qua præbet latas arbor spaciantibus umbras,
Quo posita est primum tempore, virga fuit,
Tunc poterat manibus summâ tellure revelli,
Nunc stat in immensum viribus aucta suis.*

Quo elegantissimo simili nos docet, præcipuum jam inde à
S 2 tene-

In lib. de
Rem. Arct.

teneris, liberorum correctioni impendendum esse laborem. Tractanda est cera, dum mollissima est. Virga si curva sit, virga flectenda est in eam formam, quam ei perpetuam esse velimus, alioqui frangas citius, quam corrigas, cum jam in pravum induruerit; Et

Horat.

Naturam expellas furcâ tamen usque recurret.

Fingenda est argilla etiamnum uda, imbuenda liquoribus optimis testa est, dum rudis; tingenda lana, dum à fullone nivea venit; nullisque maculis contaminata. Idem in tenerâ liberorum ætate observandum est: quorum natura, licet in pravum inclinare videatur, superabilis tamen est. Efficax quidem res est natura, sed hanc vincit efficacior institutio. Themistocles mirantibus aliis, in adolescente quopiam, qui feroci, pravoque ingenio videbatur, mutatos esse mores, dicebat, asperos & indomitos pullos in optimos equos evadere, si quis illis disciplinam & maturam institutionem adhibuerit: maturam dico, quia sera ne hilum proficit. Antisthenes, cum filium cujusdam suscepisset erudiendum, rogatus à parente quibus rebus opus esset, libro inquit novo, novo stylo, novâ tabellâ. Rudem nimirum, & vacuum animum requirebat Philosophus. Nam ut ceræ vacuæ quidlibet imprimas, litteris autem exaratæ, parum, aut nihil: siceriam animo. Porro, quia vicina est lapsibus adolescentia, &

Juvenalis.

Dociles imitandis

Turpibus & pravis omnes sumus;

Idèò maximam diligentiam in educatione requiremus, Hæc enim bona, bonos efficit, mala malos. Testatur hoc Seneca; Nihil magis fecit iracundos quam educatio mollis & blanda, idèò unicis quo plus indulgetur, pupillisque quo plus licet, eo corruptior est animus. Non resistet offensis, cui nihil unquam negatum est, cui lachrymas sollicita semper mater absterfit. Denique, ut Terentius inquit;

Licentiâ omnes reddimur deteriores.

Ne itaque liberis fenestram ad nequitiam aperiamus, celandus est iis paternus animus: Nam

Beptist. Mant.

Sit licet in natos facies austera parentum,

Æqua tamen semper mens est, & amica voluntas.

Æcenum Græcum, quo tractatur durius, feliciter crescit, sic etiam
li.

liberi, quo habentur contentius, meliores sunt. Sed modus in omnibus servandus est, & (quod apprimè in vita est utile) ne quid nimis. Olim apud veteres, puer abs quopiam castigatus, si quere- lam ad patrem detulisset, turpe erat patri, si hoc audito non ite- rum filium emendasset. Si quidem; ex institutione majorum, ha- bebant hanc de se mutuo fiduciam, ut crederent, neminem esse, qui cujusquam liberis quicquam imperaret inhonesti. Sic omni- bus senioribus eadem erat auctoritas, quæ patribus:

Ovid.

Verba quis auderet coram Senè digna rubore

Dicere? censuram longa senectà dabat.

Præterea (ut Iuvenalis Satyra 14. testatur.)

Credebant hoc grande nefas, & morte piandum

Si juvenis vetulo non assurrexerat, & si

Barbato cuicumque puer; licet ipse videret

Plura domi sarra, & majores glandis acervos:

Tam venerabile erat præcedere quattuor annis.

Voluptatis præmium.

EMBLEMA XLVII.



*Cum coit, & dulci Veneris jacet ebria motu
 Vipera, contruncat insidiosa marem :
 Hoc Venus omnis habet, primo sua gaudia fundit,
 Postmodò sed stimulis corda fruëntis agit.*

COMMENTARIUS.

Plinius Lib. 10. Cap. 62. inquit, Vipera marem, caput inſe-
 rere in os ſæminæ, quod illa voluptatis dulcedine abrodit.
 Confirmat & hoc Orus Apollo, in ſacris ſuis ſculpturis.
 Nihil autem aliud per hoc notamus, quam certiffimam
 Voluptatis comitem eſſe Pœnitentiam, Boëtius Lib. 3. Met. 7.
Habet hoc Voluptas omnis

Sti-

*Stimulus agit fruentes,
Apiumque par volantium,
Vbi grata mella fudit,
Fugit & nimis tenaci
Ferit ic̃ta corda morſu :*

Quam ſententiam liberâ oratione ſic locupletavit : Quid autem de corporis Voluptatibus loquar ? quarum appetitus quidem plenus eſt anxietatis, ſatietas verò pœnitentiæ. Quantos illæ morbos, quam intolerabiles dolores, quaſi quendam fructum nequitix, fruentium ſolent referre corporibus ? quarum motus quid habeat jacunditatis ignoro. Trifles verò eſſe Voluptatum exitus, quiſquis reminifci volet libidinum ſuarum, intelliget : Opulchra & appoſita verba ! Reverà enim ſic eſt Voluptas, tunc cum maximè delectat, extingitur, nec multum loci habet, itaque citò implet, & poſt primum impetum marcet, Statimque (ut Homericum illud haber)

τὸ δ' ἀμαχάρμην ἔδρησε φέρον, id eſt,

Odyſſ. T.

Lætitia huic merorque ſimul præcordia caput : Lætitiam dico, ſed falſam, veram enim ſcio Voluptati opponi, utpote quæ alta, & ex alto veniens : cum contrà Voluptas talis ſit, quæ terrenis & fragilibus innititur, quæ adventitio læta eſt, quamque tum maximè, cum exultat, ſollicita ſubit cogitatio. Ad quod alludens aliquis, dixit voluptatem ore ſuo mel gerere, corde fel, & in dorſo anxios morſus. Quæ contraria ſimul eſſe, forte aliquis miretur ; quare Socratis fabulam, fidei faciendæ gratiâ hîc adducam : Quo tempore Saturno exacto, & cœleſtibus regnis pulſo, Iuppiter imperium conſtituere cœperat, ſerunt coram eo adfuifſe *Voluptatem & Dolorem*, cum graviffimis poſtulationibus, & criminibus, quibus ſe mutuo inceſſebant. Iuppiter ratus ex uſu maximè eſſe & ſuo & Reipub. inimicitias & odia deleri, operam dedit, ut in gratiam litigantes redigeret ; ſed fruſtra expertus omnia : tandem reluctantis adamantinâ quâdam catenâ, inter ſeſe copulavit, ut quamvis inter ſe diſſiderent, nihilominus neceſſariò ſimul, & unâ eſſent, manerentque perpetuò.

Plato in Phædone.

Hinc *Ita comparatum eſt in ætate hominum,*

Plaut. in Amph.

Ita Diis placitum, Voluptati ut Meror comes conſequatur.

Utroque itaque carendum eſt, quia qui unum, habet & alterum ; ubi enim uber, ibi & tuber, ubi mel, ibi fel. Et Apes id eo pungunt,

Apul. Florid. L. 3.

Macrob. lib. 1.
in somnium
Scip.

Plaut.

Ambros.

August. de
contrit. cor-
dis. Cap. 4.

pungunt, quia ubicunque dulce est, ibi & acidum invenies. Quod intelligentes prisca Romani, duas *Divas* semper colebant, *Angeronomiam*, atque *Volupiam*, alteram ab Angoribus dictam, alteram à Voluptate. Et *Angeromia* simulachrum in Arâ *Volupiae* fuit collocatum. Quo innuebant, extrema Gaudii possidere Mœrorem. Hæc cum veris veriora sint, quis non stultissimos illos venercos nepotulos judicet; qui dum maximè suæ Helenæ inhiant, dum loca Ædilem metuentia adeunt, ut masculum illum spiritum, in febriculosâ alicujus meretriculæ amplexibus, essent, tandem id referunt, ut hamum vorent: Quo suo malo, in consuetudinem adducto, imposterum carere non possunt. Nihil enim prodigæ satis est Voluptati, semper famem sui patitur. Ergo, ut globus in altum missus non sistitur; ita illi, ubi semel à rectis decurrant in vitia, à vitiis in prava, à pravis in præcipitia perveniunt. Quod Christianæ religionis vexilliferum Augustinû non latuit, cum ita exclamaret: O Voluptates quam faciles aditus habetis, dum suadetis, quam verò difficiles habetis exitus? Dum suadetis inungitis, sed postquam suaseritis, usque ad mortem animæ pungitis. Scitè olim sed malo suo edoctus, *Lyfimachus* dicebat; Dii Boni quam brevis Voluptatis causâ, quam depolui Voluptatem? Coactus enim fuerat se ob sitim dare Schytis, ut frigidam aquam biberet quâ auream illam Libertatem vendiderat. O utinam & multi id cogitent, dum perpetuum illud pœnitere, tum cito periturâ Voluptate emunt; quæ tamen, si ad illud conferatur nulla est. Quid enim istud me juvet, si paulisper lucem videam in arctiorem mox carcerem compingendus? Irritat hæc externa delectatio in nobis fluctum illum cupidinum, non aufert. Quapropter (ut monet *Aristoteles*) Voluptatem non venientem, sed abeuntem aspicientes, & latentem illam Syrenis caudam, fallacem illum Sino-nem in oculis habentes, induremus animum, & blandimentis Voluptatum procul abstrahamus, ut majore illo animi gaudio, illâ *εὐθυμίας* fruamur, quam ubi adepti erimus, tum demum intelligemus, miserimos esse voluptuosos, & Voluptatem capiemus maximam: quod hâc Voluptate non capiamur.

In Alcumistas.

E M B L E M A XLVIII.



*Dum certis incerta sequor, rem prodigus omnem
Converti in fumos, & miseros cineres.*

COMMENTARIUS.

Alcumistica, amabilis illa insania, certæ egestatis, & cal-
si laboris comes, curiosis ingeniis familiaris, quantæ
vanitatis sit, ex eo ipso facile apparet, quod polliceatur,
quæ natura nullo modo pati nec attingere potest, dum
rerum vertere species tentat, ac benedictum quendam Philo-
sophorum (ut vocant) lapidem fabricare præsumit, quo, Mi-
dæ instar, contacta omnia corpora, ilicè in aurum, argentumve
permurentur. Quin etiam è summis, inaccessisque cœlis, quin-
tam quandam essentiam depromere nititur, quæ præter infi-
nit

nitas opes, etiam reviviscentiam adfert. Sed quod maxime ridiculum, quibus ipsi spondent aurum, ab his aurum petunt.

Nugipolyloquides (ut ait Comicus) *argenti extenebronides*,
Technipolyloquides, *nummorum expalponides*,

Quod semel aripides, *nunquam postea eripides*.

Fingunt sibi nescio quæ monstra, Leonem viridem, Cervum fugitivum, Aquilam volantem, Stultum saltantem, Draconem caudam suam vorantem, Bufonem inflatum, & similes innumeras nugas. Hæc illorum mysteria sunt, his ducibus opus peragitur. Emuntur ollæ, vitra, carbones, metalla, & succi in abditis fornacibus recoquuntur, ut ex argento vivo, concretum & ductile, ad cudendam monetam efficiatur, & admirabilem abditarum naturæ rerum massam conflando, purum inde aurum efficiatur. Cum verò jam expectatur fœtus aureus, ne mica quidem auri provenit, ea tamen ipsis perstat infania, ut quo plus impensum est, eo minus libeat desistere.

Ovid. lib. 1.
de art.

Pers.

Sic ne perdiderit, non cessat perdere lusor,
Et revocat cupidus alea sæpè manus.

Tandem deceptus & exspes

Ne quicquam fundo suspirat nummus in imo.

Miser Alcumista, qui jam ætatem omnem inter experimenta consumpsit, mercibus, patrimoniiisque omnibus decoctis, & in cinerem fumumque conversis, annosus, pannosus, esuriens, semper sulfur olens, & ex assiduâ argenti vivi contrectatione, paralyticus, nihil præter pœnitere, gemere & dolere sibi reportat, utpote cujus errori damnum, damno labor, & labori pudor accreverit. Sunt tamen quibus, nihil præ mirabili arte æstimantibus, est etiam quædam paupertatis, in hoc studio, suavitas, ne gratis in Naturæ secreta pervaserint. Ridiculus hic morbus etiam Poëtam Augurellum tenuit, qui videns, eam curam inani voto susceptam, ingenium ab irritâ spe, ad faciitanda carmina convertit. In hunc sic lussit Latomus;

Refert P. u-
lus Iovius
in Elogiis.

Iocum vernustum refricans Aurelius,
Dum sperat aurum, luditur carbonibus,
Adbuc Leoni scribit auri prodigo,
Iam certus artis, nempe Chrysopaiam,
Ut quod minus collegit è carbonibus
Aridi Leonis eriperet è dentibus.

Bona.

Bona conscientia in malis est secura.

E M B L E M A X L I X .



*Alcedo medio quieta ponto
Ova parturit, incubansque pullos
Excludit teneros, fovetque, donec
Nisus insolitos sciant volandi :
Que is mens integra, criminisq; pura est,
Exsultant medios vel inter hostes ;
Ex sese quia gaudium perenne
Habent, atque animi vigentis arcet,
Ad quam non datur hostibus venire.*

COMMENTARIUS.

Vid. Plin.
lib. 10. c. p.
32.

Alciones, sive Alcedines, in medio mari nidum faciunt, idque mediâ Hyeme, quo tempore maximè ventorum impetu mare tempestuosum est. Sed tum venti se remittunt, cum alcedo septem diebus incubat, excludit enim pullos toridem, qui cum cibum appetunt, septem alios dies, ad pullorum incrementum, minutissimo animali elargitur Deus. Omnes itaque, qui se mari committunt, id observant, eosque dies Alcionios vocant.

Plautus, *Alcionia nunc apud forum sunt;*
ubi de Justitio loquitur. Et in Pœnalo,

*Iam hercle tu peristi, nisi illam mihi tam tranquillam facis,
Quam mare est olim, cum ibi Alcedo pullos educit suos.*

His autem avibus simillima est bona conscientia, quæ pari fastigio, eodemque vultu, inter amicos & hostes suos stat. Non secus ac in medio mari edita, ac altissimis defixa radicibus rupes, cujus summa fluctus ne attingunt quidem, infima sic verberant, non ut eam commoveant, sed ut ipsi frangantur. Narrant Poëtæ, Olympi cacumen semper esse quietum, propterea, quod altius sit, quam ut eò vis ventorum, tempestatumque perveniat: sic etiam hæc est sublimior, & excelsior, quam ut istas iniquissimorum hominum calumnias sentiat. Socratis animum triginta Tyranni infringere non potuerunt. Papinianus interrito vultu à Tyranno, cæsus est, cujus securis nobis securitatem imprimere debet, pro justitia benè moriendi. Regulus luminibus in perpetuam vigiliam expansis, periculis undique imminentibus, catenis circumfrentibus, non abscondidit virtutem, sed magis magisque exeruit, suosque gemitus sub tortore devoravit,

*Regium hoc ipsum putans
Adversa capere, quoque sit dubius magis,
Status. & cadentis imperi moles labet,
Hoc stare presso certius sortem gradu:
Haud est virile, terga Fortune dare.*

Constituerunt, scilicet, hi viri, cum Antisthene, muros in animi suifensibus, nullâ vi, nullis machinis expugnabiles. Habebant altum

altum illud gaudium, & ex alto veniens, quietem nimirum mentis, & conscientiae in tuto collocata; quæ non aliter ac Nepentes, ab Homero prædicata, addita poculis, omnem convivii tristitiam discutit; ita omnem malorum sollicitudinem illis abolebat. Et certe necessario sequitur, Ubicunque pura mens est, ibi Deus est, ubicunque Deus est, ibi paradifus, ibi cælum, ibi felicitas vera; ubi hæc est, ibi verum gaudium.

*Hic murus aeneusesto
Nil conficere sibi, nullâ pallefcere culpâ.*

Horat.

T 3

Amor

Amor filiorum.

EMBLEMA L.



*Cum videt infantes Pelicanus fervere pullos
 Ignibus, ardentibus insiluit ipse rogos,
 Et pius ad pulchram mavult contendere mortem,
 Prolibus infelix quam superesse suis.
 Non te sparsa pudet natorum sanguine mater
 Ingenium brutis mitius esse feris?*

COMMENTARIUS.

O Rus Apollo in Sacris suis Sculpturis refert, Pelicanum, cum cæterarum avium more possit in editioribus locis ova reponere, id tamen non facere, sed potius defossâ terrâ,

terrâ, pullos ibi collocare. Quod ubi deprehenderent homines, locum illum arido bovis stercore circumlinunt, cui & ignem subji- ciunt: Pelicanus autem conspecto fumo, dum alis suis vult ignem extinguere, è contrario earum agitatione accendit, quo quum conflagrent ejus alæ, facile in ignem decidit, & ab aucupibus ca- pitur. Quam ob causam, non consentaneum existimarunt Sacer- dotes, eo vefci, cum omnino pro pullis in discrimen sese conji- ciat. Adde quod hæc avis centum & viginti diebus quibus in pro- lis educatione detinetur, nunquam ad prædam longius provolet, uni illi curæ assiduo intenta, ne pullos deserat. Quod si nihil aliud quicquam suggeratur occurratve; quod iis in alimentum paret, ipse suis femoribus, rostro vellicatis sanguinem ciet, quem pullis exugendum præbet. Monet nos hæc volueris, natos, qui pars no- stri & sanguis sunt, omni curâ fovere, ac diligere. Juber hoc jus il- lud naturale, quod natura omnia animantia docuit: Inst. Lib. I. Tit. 2. §. 1. Quanta cura ac sedulitate Ciconia pullos nutrit? Del- phinus, conspecto hostili pisce, prolem suam ingurgitat, deinde extrâ periculi aleam positus, eam reddit ex alvo. Palumbes sæ- viente frigore nidificans, & partum excludens, sibi plumas haud gravatur evellere, ut parvuli mollius cubent, quo fit, ut ipsa sæpè mater gelu contabescat. Omnia denique animalia pro suo partu ita propugnant, ut nullos impetus, nullos ictus reformident. At proh dolor, immane quantum sæpè homines rationales, ab hac brutorum irrationalium natura degenerant? Dum sua pignora re- linquere non verentur, & in prædam canibus objicere non ex- horrent? Dum sua ipsius viscera eviscerant, dum nascentium animas diabolicis suis medicamentis disturbant? dum fructum hominis, qui in semine est, hominem denique ipsum perdunt? Hæc monstra Ovid. sic insectatur;

*Que prima instituit teneros avellere sætus,
Militiâ fuerat digna perire suâ.
Si mors antiquis placuisset matribus olim,
Gens hominum vitio deperitura fuit.
Quid plenam fraudas vitem crescentibus uvis?
Pomaque crudeli vellis acerba manu?
Sponte fluent matura suâ: sine crescere nata;
Est pretium parva non leve vitæ moræ.*

Vestra

Vestra quid effoditis subjectis viscera telis?

Et nondem natis dira venena datis?

Colchida dispersam puerorum sanguine culpant,

Atque sua casum matre queruntur Ilyn;

Discite quis Tereus, quis vos irritet Iason

Figere sollicit à corpora vestra manu?

Hæc neque in Armenis Tigres fecere latebris;

Perdere nec fœtus ausa Leana suos.

Perdere? Immo pueros sæpe à matre relictos ipsæ Leænæ, Tigres, & Lupæ uberibus suis aluerunt; cujus rei testes sunt historiæ, cum Græcorum, tum etiam Romanorum; Nullum denique animantum genus est, quod non alat suos fœtus: & homines suos abjiciunt? Quid obsecro crudelius iis, qui prolem educationis tædio exponunt? An non in tales competere videtur Græcorum etymologia, qui *μητρὶς* dici putant à *μη τρεῖν*, id est, à non servando? Reclamat certè in os ipsa Natura, quæ fœminis duos turgidos illos in pectore fonticulos dedit, sponte suâ post patrum fluentes, ut in lucem editos fœtus, delectabili illo succo alant. Monet & hoc terra, quæ ideo omnium parens dicitur, non quod gignat tantum, sed quod nutriet etiam ea, quæ genuit. Quia autem hæc naturæ Lex, à sceleratis hominibus aliquandò violatur, ideo jura civilia eam confirmarunt, vide L. 5. Si quis à liberis. ff. de Agnoscendis Liberis, L. Si competenti judici, C. de Alend. Liberis.

Iusta ultio,

E M B L E M A L I .



*Vipera quæ coiens occiderat ante maritum ,
 A sobole hoc idem supplicium patitur :
 Tarda licet Nemesis pœnam differre videtur ,
 Attamen à tergo dura flagella quatit .*

C O M M E N T A R I U S .

Diximus Emblemate XLVII. Viperam coëntem, maris caput, ori suo insertum, amputare, quod nefas proles tandem ulciscitur, dum, maris alvum perrodens, erumpit. Docet autem nos hoc Emblemata differri, aliquando pœnom, non auferr, nec crimen quenquam in pectore gestare, qui non idem Nemesis tergo. Sequitur enim illa Dea sileat

& lento pede. Plutarchus in Problematis scribit, Tyriis fuisse morem, ut Deorum statuis vincula injicerent; quod Ænigma innuit, Deos ad scelerum ultionem lente quidem procedere, sed tamen aliquando de malefactis pœnam sumere, vel inopinato. Horatius,

Raro antecedentem scelestum

Deseruit pede pœna claudo.

Lib. I.

Vall. Max. Lento quidem gradu ira divina ad vindictam procedit, sed tarditatem supplicii gravitate pœnæ compenfat. Vidit hoc Homerus, quamvis oculis captus, cum inquit,

Grad. 8.

*Quanquam non punit Iuppiter ilicò fontem,
At faciet tamen, & luerit sua crimina magno.*

Theocritus in Idyll. decimo,

*Εὖγε θεὸς τ' ἀλὶτῶν, ἐχέει πάλαι ὦν ἐπιφύμεις. id est,
Invenit Deus impium, habes quæ olim cupiebas.*

Enimvero confueverunt Dii immortales quo gravius homines ex rerum commutatione doleant, quos pro sceleribus ulcisci volunt, his secundiores interdum res, & diuturniorem impunitatem concedere, ita tamen ut tandem τ' ἀλὶτῶν inveniant;

Claud.

———— Tolluntur in altum
Vt lapsu graviore ruant.

Quod quanquam aliquando non, aut tardius fieri videatur, tamen non fit, & idcirco de eo non querendum est. Quis tragœdiam si spectet, indignetur, si Atreus ille, aut Thyestes in primo altrove actu sublimes per scœnam, & clati paulisper incedant? Regnent, minentur, imperent, Scœna hæc mox sanguine distluet, & volvantur in eâ purpureæ aureæque vestes.

Lipf. in Const.

———— Improba nunquam
Spes latata diu est.

Semper enim impii aut internè, aut externè puniuntur. Internè, quia pœnam semper antè oculos versari putant, qui peccaverunt; eumque non in publico tribunali, sed in arcano pectoris sinu experiuntur. Hic eos insectantur furia, non ardentibus facibus, ut in fabulis est, sed angore conscientia; ;

———— *Habitant sub pectore manes
Ultricesque Deæ*

Et Prima est hæc ultio, quod se

audire

*Judice nocens absolvitur improba quamvis
Gratia fallaci Pratoris vicerit urnâ*

Verissimè Plato ἀνδρῶν ὅτι αἰδίνιας ἢ ἡμωείας, id est, cognatum,
immò innatum omni sceleri sceleris supplicium. Iussisti Domine Lib. 1. Coa-
(inquit Augustinus) & sic est, ut pœna sit omnis inordinatus ani- fess.
mus. Quis autem eam solum punitionem censeat, quæ incur- Lip. in Const.
rit in oculos, quam corpusculum hoc subit? Non est; Externa
istâ omnia leviter nec in longum nos angunt. Ut gravius ægro-
tare judicantur, qui tæbe aut marcore laborant, quàm qui in-
flammatione aliquâ, aut febri, & tamen hæc magis apparent: sic
in graviore pœna improbi, qui lento illo passu ducuntur ad æter-
nam illam mortem. Novisunt Titii, jecur renascens semper
sux torrici aliti suppeditant, quod ita feritur, ut sentiant se mori:
O miserum qui huic judici traditur; qui toties moritur, & non
moritur.

Sapiens in omnibus providus.

E N B L E M A L I I.



*Ingredior lentè, & prætensis cornibus omne
Exploro; Sapiens providet id quod agit.*

C O M M E N T A R I U S.

DOcemur hoc Emblemate in omnibus esse providi, & lentè festinare; quod innuit hæc Limax, quæ quamvis tarda sit, tamen ad optatam suam metam sæliciter sæpissimè pervenit. Veteres olim Delphinum anchoram complectentem depingebant, quo hieroglyphico significabant in consultando moram, in conficiendo celeritatem oportere dominari, alterumque altero debere temperari, quò videlicet ejusmodi quidam animi habitus existat, qualem Plato con-
flari

flari putat, ex Musicâ Gymnasticâque, si pariter exercentur. Sciebant scilicet divini viri illud Sophoclis verissimum,

Periculosam esse prapropream sapientiam,

In Oedip:
Tyranno.

Et eum qui plus satis festinat initio, seriùs ad finem pervenire. Canis dum nimium properat, cæcos ejicit catulos. Prudenter itaque Terentius,

Vide ne nimium calidum hoc sit modo.

Porro quam singularis virtus sit temperata illa maturitas, probavit cunctator ille Fabius, qui Romanam cunctanda restituit rem. Doctus ni fallor illud Mimi; Diu, scilicet, apparandum esse bellum, ut vincas celerius Ammianus de Constantino: Hinc & deinde nec itinera, nec flumina transiri posse, sine præsiidiis putans, erat providus, & cunctator, quod præcipuum bonum in magnis ductoribus, opem ferre solet exercitiis & salutem. Et Pallas Iliad. α. à tergo adstat Achilli, jamque manum admoventem gladio coercet; docens violentos illos animi motus comprimendos esse, aliqui talis festinationis comites esse errorem & pœnitentiam. Testatur hoc Græcus ille versiculus;

Περίττα πολλοῖς ἐστὶν αἰτία κακῶν, id est,

Multis malorum est causa præcipitantia. Scivit hoc versipellis ille Ulysses, eum contra Ajacem hæc efferrer,

— *Tibi dextera bello*

Vtilis, ingenium est quod eget moderamine nostro,

Tu vires sine mente geris, mihi cura futuri est,

Tu pugnare potes, pugnandi tempore mecum

Eligit Atrides, tu tantum corpore prodes,

Nos animo;

Metamorph.
Lib. 13.

Seneca; Si prudens fuerit animus tuus, tribus temporibus dispensetur; præterita cogita, præsentia ordina, futura prævide. Ergo, ut dicitur, omnia pedetentim perficienda sunt. Terentius in Phormione;

Dii bene vortant quod agis, pedetentim tamen.

Quoniam (ut Plautus in Persa)

Si quam rem accures sobrie ac frugaliter,

Solet illa recte sub manu succedere, atque ad eum

Fermè ut quisque rem accurrat suam, sic ei procedit.

In Adulatores.

EMBLEM A LIIL



*Dum mentitur avem, dum Vespertilio murem,
Mustelas geminas callida ludificat:
Doctus Adulator pro vento carbasa vertens,
Temporibus servit sedulus usque suis.*

1 lin. lib. 10.
cap. 61.

Vespertilio tale est animal, quod an avis, an mus sit, non abs re dubites; Sola enim volucrum parit, eique uni membraceæ sunt pinnæ; eadem sola lacte nutrit pullos, ubera iis admovens. Hoc animal cum tale sit, Mustelas, domesticis animalibus, iisque alitibus infestissimæ sunt, & ad internecionum usque persequuntur, ludit, dum nunc
avis,

avis, nunc mus videtur. Qua de causâ Pierius in hieroglyphicis suis refert, Ægyptios eam solere adulatori æquiparare, qui, quem admodum aqua præterfluens nullo certo colore est, sed semper colorem subiecti soli refert: ita etiam sui dissimilis est, pro re nata sese adaptans. Gubernatores navium pro vento sinus suos obliquant: Idem ab adulatoribus fit,

Vicunque in alto ventus est, exin velum vertitur.

Horum ingenia ita describit Terent.

*Est genus hominum qui esse primos sese omnium rerum volunt,
Nec sunt, hos confector, hisce ego non paro me ut arideant.
Sed his ultro arrideo, & eorum ingenia admiror simul,
Quicquid dicunt laudo, id rursum si negant, laudo id quoque,
Negat quis? nego, ait, ajo:
Postremò imperavi egomet mihi
Omnia assentari: is questus nunc est multò uberrimus.*

Hæc homines incertissimi, quos bonæ mentis pœnitet, faciunt, ut caput unctius referant, ut emungant argento heros.

*Cum (enim) odor culinae dimissis pedibus in cælum evolat, Plaut.
Parasiti oculis venaturam faciunt, atque aucupium naso suo,
Semperque eis decempes umbra est gratissima.*

Idem in Captivis duobus,

*Cum res (verò) prolata sunt, cum rus homines eunt,
Simul prolata res sunt nostris dentibus,
Quasi cum caletur, cochleæ in occulto latent,
Suo sibi succo vivunt, ros si non cadit;
Iidem parasiti rebus prolatis latent,
In occulto miseri victitant succo suo.*

De horum arte sic Seneca Epist. XLV. Adulatio quam similis est amicitia? non imitatur tantum illam, verum etiam vincit, & præterit; apertis & propitiis auribus recipitur; in præcordia ima descendit; eo ipso gratiosa, quo lædit; Unde eorum sermonem non temere quidam *τὸν φρενῶν* appellavit. Bias interrogatus quod esset animal omnium maxime noxium: Si de feris, inquit, percunctaris, Tyrannus; si de mitibus, adulator. Constantinus Imperator assentatores, tineas, foricesq; imperii nuncupabat; quos si Prin-

Iliad. r.

Principes suâ aulâ ejicerent, nâ illi Augiæ stabulum purgarent & cum Hercule monstrorum domitores dici possent. Satius esse dicebat Antisthenes εἰς κέρκεας ἢ κόλακας, id est, in corvos quàm adulatores incidere; nam corvi non comedunt nisi mortuos, adulatores adhuc viventes excoriant. Quare ille apud Homerum sic ait: Exosus ille mihi velut inferni portæ, qui aliud quidem occultum habet in mentibus, aliud verò ore profert;

Qui composita dicta pectore evoluit suo,

Quæ cum componas, dicta factis discrepant.

Persii adhortatione hæc concludo,

Vos O patricius sanguis, quos vivere par est

Occipiti caco, postica occurrite sanna.

Et ibidem

Examenque improbum in illâ
Castiges trutinâ. Nec te quasiveris extrâ.

Exitus acta probat.

EMBLEMA LIV.



*Distento petulans lac quod dedit ubere Capra,
 Calcibus invertens mulctra refundit humi:
 Sunt similes Capræ, qui turpi crimine vitæ
 Postmodò denigrant quæ benè cæpta prius.*

COMMENTARIUS.

SI extremus ille actus in fabulis poscit palmam, & honorificum illud Plaudere meretur, certè vitæ in honore peractæ hoc debetur quàm maximè; si scilicet in fine, qui (secundum Sacras literas) coronatur, non inclinet, sed æquabili cursu ad candidam illam metam decurrat. Paucis verò raro cæli favore hoc concessum est, nisi

— *Quos æquus amavit*

Iuppiter, aut ardens evexit ad æthera Virtus.

Multorum quidem fervida vota ad laudem & gloriam, ad consulares fascēs pleno gradu contendunt; hæc autem ubi adepti sunt, egregius ille impetus detepescit, naturam ac virtutem securi dediscunt, nec debitum sibi gloriæ præmium ulterius expectant. Qui ceterū non aliter mihi facere videntur, quàm qui ex alto aliquo puteo aquam hauriunt, ubi magno molimine situlam propè ad os putei evexerunt, si paulum modò funem laxaverint, it situla, & deorsum concitatissimo lapsu provolvitur, sic illis de antea cuncta vitâ plurimum remittentibus, pessum it quicquid adepti erant,

Longique perit labor irritus anni.

Hujus autem rei duas statuo causas; Primam, ingenium humanum, quod à labore proclive est ad otium; Secundam, Honorem & potentiam, quæ sæpè impotentiam creant, & à veteri illâ viâ & vitâ seducunt. Sicut cæli inferiores à supero illo abripiuntur, & quamquam contranitentes tamen obsecundant: sic infirmitas humana plerumque ab istis. Privatis hominibus ommissis, publicos tantum in medium adducam. Testis in re Romanâ Nero, qui hoc Trajani elogium de sese meruit; Omnes etiam optimos Principes, longè à quinquennio Neronis abesse: hic ut magnus initio Princeps, ita magnum postea monstrum fuit; dum matricida, fratricida, cinædus, citharædus, auriga, histrio, & incendiarius, imperium Romanum miseris modis divexaret. Quid Lucullus? egregius hercle imperator, & quo meliores haud multos invenias, tamen deliciis & luxu universum decus & nominis sui lumen extinxit; ita ut non hominem, sed divitias peccasse dicas. Huic annumerari potest Metellus Pius, qui cætero vitæ tempore continentissimus, ad extremum jam senex, in Hispaniâ Consul, fœdis indulgit voluptatibus, taleque morum passus est deliquium, ut si quis omnem vitam ejus, cum attentiore comparatione apud animum perpendere velit, duos in uno homine Metellos fuisse crediderit, eximium adolescentem, & senem turpissimum. Tantæ scilicet virtutis est, cum fœlicitate luctari; tantæ fœlicitatis à fœlicitate non vinci.

Justè.

Justè fiunt quæ à Deo.

EMBLEMA LV.



*Cur Iovis adsestrix Themis est? quod justa putandæ
Quæ Divina Dei mens rata cunque velit.*

COMMENTARIUS.

V Eteres idè Jovi Themis assidere volebant, quod, quicquid faceret, id eum justè facere crederent. Fuerunt tamen quidam, qui aut Deos nullos esse asserabant, aut de justitiâ eorum dubitabant; & sic quos non capiebant, carpebant: cum scilicet malis benè, bonis autem malè esse sæpissimè animadverterent. Tragicus

Τολμῶ κατὰ πέν, μή ποτ' ἐκ εἰσὶ θεοί
κακοὶ ᾧ ἐντυχέντες ἐκπαλήτισταί με.

id est; Audeo profari, sunt ne, vel regnant Dei?

Namque improborum me attonat felicitas.

Lucianus, ἐστὶν τίς θεός, ἢ ἀδράσῃς καὶ τὰ τοιαῦτα ἐργάζεσθαι? Et Timon apud eundem, ad Jovem; Quid enim faciat? ubi tu perinde ac sub mandragorâ stertis, qui neque pejerantes exaudias, neque eorum, qui flagitia committunt, respectum geras? Diogenes Cynicus etiam dixit, Harpalum, qui temporibus illis prædo fœlix habebatur, contra Deos testimonium dicere, quòd in illâ Fortunâ tam diu viveret. Claudianus quoque hîc graviter dubitat;

In R. Sinum.

*Sæpe mihi dubiam traxit sententia mentem
Curarent superi terras, an nullus inesset
Rector, & incerto fluerent mortalia casu;
Nam quum dispositi quassiffem fœdera mundi
Præscriptosque maris fines, annique meatus,
Et lucis noctisque vices, tunc omnia rebar
Consilio firmata Dei.*

Addit,

*Sed cum res hominum tantâ caligine volvi
Aspicerem, lætosque diu florere nocentes,
Vexarique pios, rursus labefacta cadebat
Religio:*

Tandem tamen ad sanio rem mentem redit, cum inquit,

*Abstulit hunc tandem Ruffini pœna tumultum,
Absolvitque Deos; Iam non ad culmina rerum
Injustos crevisse queror; tolluntur in altum
Ut lapsu graviore ruant.*

Boëtius etiam hoc proponit Lib. i. Metro v. sed huic etiam Philosophia consolatrix aptissimè respondet Lib. i. Prosa vi. & Lib. iv. Prosa 11. Homines scilicet rerum fines ignorare, ideoque scelestos & nefarios, potentes fœlicesque arbitrari, cum contrâ, si personata illa fœlicitas deregatur, infœlicissimi apparerent. Undique enim terror & minæ illos circumfremunt, ubique suos manes patiuntur,

Occultum quatiente animo tortore flagellum.

Videntur quidem lascivire, videntur gaudere, sed videntur tantum; idque ad tempus; Deum enim ultrix necessitas semper & ubique comitatur, eorum, qui à sacra Lege discesserunt, vindex futura. Quam vindictam, quia meruerunt, semper expectant. Alteram dubitationem, quare scilicet boni severius sæpè habeantur,

tur, optimè tollit Seneca, qui sic ait; Inter bonos viros & Deum amicitia est, conciliante virtute; amicitiam dico? immò etiam necessitudo & similitudo, quoniam quidem bonus, ipso tempore à Deo tantum differt. Discipulus ejus, æmulatorque ac vera progenies est, quam parens ille magnificus, virtutum non lenis exactor, sicuti severi patres, durius educat. Itaque cum bonos viros exerceri, malos lascivire vides, cogita filiorum nos modestià delectari, vernularum licentià illos disciplina tristiori contineri, horum ali audaciam. In eundem sensum sic Lactantius Lib. v. Cap. xxi. Deus homines pro liberis habet, sed corruptos ac vitiosos luxuriosè ac delicatè patitur vivere, quia non putat emendatione suâ dignos. Ideoque temporalia bona, non solum bonis dat, ne putent mali propter ea Deum colendum. Rursus si malis solis auferrentur, ea sola putaretur esse pœna. Homerus,

Lib. Cur
bon. viris
mala fiant.

Iuppiter emetur opes mortalibus, ipsi

Sic visum ut fuerit cuicumque bonove malove.

Fingamus itaque Deum dicere: Quid habetis, quod de me queri possitis, vos quibus recta placuerunt? Aliis bona falsa circumdedi, auro illos, argento & ebore ornavi; Intus boni nihil est. Vestra sola solida & sincera est fœlicitas. Jam ad malorum pœnam quod attinet, non illos præterit, sed differt, at cum sænore soluturos. Quia nemo unquam supremo huic creditori decoquit: Atque hæc de Deo summè iusto. Quoniam autem, de eo etiam vera dicere periculosum est, terram legimus, similes aquaticæ testudini, quæ dum fretum tranare cupit, stupore cogitatus obsidetur. Euclides olim interrogatus multa de Diis, percommodè respondit: Cæterea quidem nescio, illud scio, quod odère curiosos. Itaque desinimus, certi si non statim, tandem tamen molere Deorum molas.

Animus nobilitat.

EMBLEMA LVI.



Parvus in astrigeram Scarabæus subvolat æthram,
 Nec timet armigero bellamovere Iovis,
 Nam quod iniqua illi robur Natura negavit,
 Hoc animi supplet nobilitate sui:
 Surgite degeneres, quid adhuc terrestria cordi?
 Surgite, vosque animis esse putate Deos.
 Spernit humum, longèque supra mortalia tendens,
 Se modò submittit mens generosa Deo.

COM-

C O M M E N T A R I U S.

SCarabæus animalest ex insectorum genere; Græci καρίστος dicunt: Nascitur ex incrementis animantium, aspectu tetrum est, odore tetrius, sonitu teterrimum. Huic animalculo tantum est audaciæ, tam heroica mentis vis, ut non dubitaverit, cum ave multo pugnacissimâ, Aquilâ scilicet, bellum suscipere, ipsamque Homerica muscam vincere. Cum enim aliquandò Scarabæus, ab Aquilâ gravi injuriâ esset affectus, omnes artes dolosque in pectus advocavit. Cum itaque bis terve Aquilæ ova è nido deturbasset, aquila in sinu Jovis ova sua reposuit, cumque necdum iræ Scarabæi satisfactum esset, ad ipsam Jovis arcem invictus subvolat. Pastillum in hunc usum è stercoribus paratum, in sinum illius demittit. Juppiter ut est sordium insolens, quippe in purissimâ mundi parte habitans, dum offensus teterrimo odore, sinum è sinu studet excutere, aquilæ ova dejicit imprudens, quæ ex alto delapsa perierunt. Monemur autem hâc fabulâ duo: Imprimis nullam hostem, quamvis vilissimum, contemnendum esse, nam & Leo minutarum avium cibus fit, &

Parva necat morfu spaciosum vipera taurum.

Sic Sartorius parvis initiis crevit, & cum antea sperneretur, postea à Metello, & Cn. Pompejo vix superari potuit. Spartacus Romanum imperium conquassavit. Viriatus ex pastore tandem dux factus, Lusitaniam occupavit. Nemo denique facilius opprimitur, quam qui nihil timet; & frequentissimum initium calamitatis est securitas. Alterum est quod Scarabæus nos monet; Neminem quamvis vilissimis parentibus procreatum desperare debere, sed potius summâ vi, ad pulcherrima quæque contendere; patet enim omnibus honoris & gloriæ campus: ex hoc quisque quod cupit petat, & affectus sibi debeat. Neminem, facillima Diva, Virtus rejicit. Et omnes, si ad primam originem revocentur, à Diis sunt. Plato ait; Nullum Regem non ex servis esse oriundum, nullum non servum ex regibus omnia ista longa varietas miscet. Erigamus itaque animo, & quicquid in medio sordidi jacet, transiliamus, expectat nos in summo magna nobilitas. Audi Poëtam,

— Exsurge, & te quoque dignum.

Finge Leo.

Sobrie.

Sobrietate Venus superatur.

E M B L E M A LVII.



*Vipera jejunis hominum conspersa salivis
 Exspirat: medicis si sit habenda fides:
 Sic lasciva Caro, si tractes durius illam,
 Concidet, & Mentis sub juga colla dabit.*

C O M M E N T A R I U S.

Vipera salivâ jejuni hominis in fauces, & ad interiora penetrante, occiditur; Testes Plinius, Galenus & *Excegius* tertio, Alexander Aphrodisius, Pierius in Serpente, & Lucret. Libro 4. de Natur. rerum:

*Est itaque ut serpens hominis contacta salivis
 Disperit, ac sese mandendo conficit ipsa.*

Lib. 2.
 Cap. 4.

Nec

Nec secus recalcitrosum illud jumentum Caro, quod durius & jejunijs exceptum, domino suo & Rectori paret, mollius tractatum, plurimum ei exhibet negotii, (ut Virg. inquit)

Non audit habenas.

Idcirco nihil potest esse efficacius ad domandum illud, modico jejunio, cujus vi vitia carnis extinguenda sunt, non ipsa caro. Hujus observantia appropinquamus Deo, & resistentes Diabolo, vitia blanda superamus. Semper enim virtuti cibus jejunium fuit. Hinc procedunt castæ cogitationes, rationabiles voluntates, quibus carnis appetitus enecantur, Spiritus vigor renovatur. Audi Augustinum; Jejunium purgat mentem, sublevat sensum, carnem Spiritui subjicit, nebulas cordis dispargit, libidinum ardores extinguit; castitatis verò lumen accendit. Adde quòd

Parcis victibus impedita corda

Prud.

Infusum melius Deum receptent.

Contrà nihil sic inflamat corpora, & titillat membra genitalia, sicut immodicus cibus potusque, seminaria certissima voluptatis. Ait enim non fallis vates

Ut vino est accensa Venus.

Admonere solet Socrates, quod apud alios diceretur edere, aut convivari, id apud Athenienses dici *ἐσθαι*; quâ voce dicebat nos admoneri, eo temperamento sumendum cibum, ut nec corpus, nec animus prægraveretur. Dicebat etiam multos in hoc vivere, ut ederent, biberentque, quibus (secundum Satyricum)

In solo vivendi causa palato est;

qui, ut Mathematici omnia centro ac spatio, ita omnem voluptatem ventre circumscribunt; se autem ob id edere & bibere dicebat, ut viveret; quòd his rebus non ad voluptatem, sed ad necessitatem uteretur. Sed plerumque cum salutis causæ sint, edere & bibere, adjungit se tanquam pedissequa; periculosa quædam jucunditas, quæ sub necessitatis causâ sic latitat ut vix eam, nisi perfectus quisque, discernat. Nam dum solum debitum necessitas petit, voluptas explet: desiderium flagrat, & hoc gula securius in præceps ruit, quò sub honestiore pallio sese collegit. Hinc luxuries

Quæ sibi totos

*ἀλλ' ἢ citus
& addito ἐν
ne sacrina
iusto gravior
imponeretur
corpori.*

Ponit apros, animal propter convivia natum,

Juvenal.
Satyr. 2.

quæ lixa, coxa, & bis terve condita sibi apparat, quæ tantas struices concinnat patinarias, cum tamen natura paucis sit contenta, &

Y

perin-

perinde si quid accipiat venter, perditurus quicquid acceperit. Ab his autem quid expectes præter mollitiem & libidines? Vegetius inquit; Corpus assuetum tunicæ, loricæ onus non sustinet, caput opertum linteo, galeam recusat, mollem otio manum durus exasperat capulus: sic etiam corpus cibo potuque suffertum, pias respuit meditationes, pœnitentiæ duritiem, & severitatem non sustinet. Maximas denique Virtutes jacere necesse est Voluptate dominante.

Asti-

Abstinendum à potentioribus.

E M B L E M A L V I I I.



Conqueritur Sonipes longæ de pondere caudæ,
 Utque levet quemvis voce precante rogat,
 Dum rudis hanc tollit, ferratis calcibus ictus
 Concidit, & pretium triste laboris habet.
 In magnis non tuta fides, prælustria vites,
 Vive tibi, & paribus jungere te studeas:
 Nam miserum est talisocio se jungere, de quo,
 Si noceat, nunquam sit tibi posse queri.

COMMENTARIUS.

QUàm lubricum, quantisque casibus obnoxium sit, cum magnis benè versari, hoc Emblemate adumbratur. Ad quod interpretandum, paucula hæc quæ adferam viro- rum magnorum exempla dictaq; non minimū facient. Expertus est hoc illustre illud Britanniae lumen Thomas Morus, qui dum Regis Henrici octavi, in repudiandâ uxore, sœmina (ut fertur) innocentissima, consilio subscribere noller, illud canitie venerandum caput securi submittere coactus fuit. Ita ut cum A-rato dicere potuerit; O Cephele, hæc sunt præmia regalis amici-tiæ. Magno etiam stetit hæc Hermæ, qui auctoritate plurimum in aula apud Antiochum valens, tandem in oculis Regis, ipso eo probante interemptus est. Quid de Sejano dicam? qui in tam fla-granti gratia apud Tiberium fuit, ut pro Collega (si Tacito cre-dimus) in imperio habitus sit, tandem tamen hoc reportavit, ut ultimo capitis supplicio plecteretur. Illudque Plutarchi verum esse comprobavit, nimirum ut Arithmeticorum calculi aliquan-dò valent multis millibus, aliquandò nihil: sic Regum amicos aliquandò quidvis posse, rursus mutata in fastidium gratia, nihil. Enimverò ille est Magnatum talium animus, omnia sibi ignoscit, potentiam suam licentia metitur, parvo temporis intervallo ho-mines in exelso fastigio collocat, & eosdem rursus ad extremam miseriam redigit. Quemadmodū in vulnere prius apparet sanguis, quàm plaga, & quemadmodum prius emicat fulgur, quam toni-trus audietur: ita apud Principes prius erumpit condemnatio, quàm probatio; & petiit delatus, priusquam coarguatur; ita ut meritò dubites, periculosiorne sit charitas eorum, an odium; pro-pè par malum, nisi quod odiū fugat amor ille simulatus & fucatus detinet. Lucianus his sequentibus coloribus Aulam potentum de-pingit; Nempe, Vestibulum sublime, & inauratum, abruptum, lu-bricum ita at plerumque, qui se ad summum pervenisse putant, præcipites cervice fracta dejiciantur. Intus opulentiae, osten-tatio, spes fallax, ambitio, æmulatio, invidia, detrectatio, sumi, a-dulatorum multæ manus, pauca corda, crapula, luxus, corruptio-nes, avaritia, eaque omnia speciosis facis teguntur. Denique ut paucis dicam, Aulica vita, splendida miseria. Hæc cum ita sese habeant, benè me hercules sibi prospiciunt, qui procul à tu. bida
aula

Vide Paul Io-
vium in Elo-
giis viror-
do-
ctior.

Polyb. lib. 7.

Polyb.

aula fugientes, & ut Diogenes dicebat, Πτόρ' ῥ' ω δῖός τε καὶ κεραυνῷ
id est, procul à Iove & à fulmine, intrà pelliculam suà sese conti-
nent; illud Adagium altè animo suo imprimentes, λαθε βριάσας
quod Horatius sic expressit,

Audi etiam querentum Senecam in Octavia,

Nec vixit malè qui vivens moriensque fessellit.

Monet & hoc Ovidius, sed nimia credulitate, quæ ab Apulejo de-
ceptionum mater dicitur, illusus. Hæc autem ejus verba sunt ad
Amicum Eleg. 4. Trist. Lib. 3.

Vsibus edocto si quicquam credis amico,

Vive tibi, & longè nomina magna fuge.

Vive tibi, quantumque potes prælustria vita,

Savum prælustri fulmen ab arce venit,

&c.

Et paulò post,

Vive sine invidiâ, mollesque inglorius annos

Exige, amicitias & tibi junge pares.

Plautus in Euclyone,

Venit hoc in mentem mihi Megadore, te esse hominem divitem,

Fastuosum, me item esse hominem pauperum pauperrimum,

Nunc si filiam locassim meam tibi, in mentem venit

Te bovem esse, & me esse asellum, ubi tecum conjunctus sem.

Vbi onus nequeam ferre pariter, jaceam ego asinus in luto,

Tu me bos magis haud respicias, notus quasi nunquam sem,

Et te utar iniquiore, & meus me ordo irrideat,

Neutribi habeam stabile stabulum, si quid divortii suat;

Asini me mordicus scindant, boves incursum cornibus,

Hoc magnum est periculum ab asinis ab boves transcendere.

Audi etiam querentem Senecam in Octavia,

Quid me potens Fortuna, fallaci mihi

Blandita vultu, sorte contentum meâ

Altè extulisti? gravius ut ruerem editâ.

Receptus arce, totque prospicerem metus?

Melius latebam procul ab invidia malis

Remotus inter Corsici rupes maris,

Vbi liber animus, & sui juris, mihi

Semper vacabat studia recolenti mea.

Hæc divinum illum virum pronunciasse auguror cum jam aulicis
fluctibus immerfus, aureisque compedibus impeditus, instante &

urgente Nerone, se sibi vindicare non posset. Nimirum ut Indicæ Testudines, meridiano tempore blandiente, gaudent totæ dorso per tranquilla fluitare, donec oblitis sui, Solis calore sicceetur cortex, ita ut mergi nequeant, & sic oportunæ venantium prædæ fiant; ita etiam Aulici, in splendidam illam miseriam se conjiciunt, unde postea se expedire nequeunt. sed perpetuò Protei esse coguntur; hæcque summa eorum est disciplina, observare tempora, ne quid intempestivius geratur, eaque non a baltris, cœlis, aut ephemeridibus captant, sed à vino, à prandio, à venatione, ab accubitu, dum exhilaratus est Princeps,

Et quos alios aditus & tempore norunt.

Tum adsunt alloquuntur, adblandiantur, & arident; sequentes illud Aristotelis, ad Calisthenem, consilium, hortantis, ut cum Rege aut nunquam, aut jucundissimè loqueretur. Si injuriæ eis inferantur, patienter ferre debent, ut quondam ille Senex, qui interrogatus, quomodò, rem in Aulâ rarissimam, Seneſtutem consecutus esset; respondet; Injurias ferendo, & gratias agendo. O miseram illam & rædiosam vitam, immò ut verius dicam, vitam non vitam. A naturâ libertate donati sunt, & ipse sese in voluntariam illam servitutem conjiciunt. Quod olim exprobat Diogenes Aristoteli; dicens; Tu qui relicta Academiâ te aulis addixisti, cœnas quandò Alexandro libet, at ego, quando Diogeni. Vindica itaque, vindica te in auream illam Libertatem, aut si eo loco res tuæ sint, ut ab aula divelli nequeas, salutariter hoc, ex sententia Alexandri Magni observabis; Nimirum ut in negotiis regalibus tanquam cum igne agas, à quo non abimus, ut illius, calore foveri nequeamus, neque ita appropinquamus, ut illius incendio conflagremus. Per me autem,

Stet quicunque volet potens

Aule culmine lubrico,

Me dulcis saturet quies;

Obscuro positus loco

Leni perfruar ocio.

Sibi soli canere odiosum est.

E M B L E M A. L I X.



*Dum sibi concentus Aspendius edit, ubique
Spernitur, & populo displicet iste sonus:
Omnibus inservire decet; Prudentia vera est
Publica privatis præposuisse bonis.*

C O M M E N T A R I U S.

Qui privati commodi impendiò studiosi sunt, ac ferè quicquid rerum agunt, id omne ad domesticam referunt utilitatem, ii proverbio, intrus canere, & à Græcis, Ἀσπένδιος κιθαριστής, id est, Aspendii citharistæ dicuntur.

Quemadmodum enim hi tacita, levique modulatione, sinistra contractis chordis, cantilenam peragebant, ita ut vox ad citha-

Eraf. Chli. 2.
Cent. 1.

Lib. 3. Epist.
10.
Vol. Max.

radum dumtaxat, aut proximum perveniret: sic hi homines sibi tantum nati domi suæ delitent, ac in occulto virtutem suam perdunt, in angulo & umbrâ culicis passus (ut ille dicebat) metientes; immemores illius Platonice sententiæ; quæ asserit non solum nos nobis natos esse, sed ortus nostri partem patriam, partem amicos sibi vindicare. Et certè quæ societas pulchrior, quo gravior, quàm quæ cum patriæ nostræ Repub. est. Nobilissimi civis est (inquit Cassiodorus) patriæ suæ augmenta cogitare. Olim apud Antiquos qui Curia limen intrabant, abjectâ privata caritate, publicam induebant: neglectis privatis commodis, publicis studabant. Testatur hoc Horatius Lib. 2. Ode XV. ubi primò queritur de temporis sui luxuriâ; cum inquit,

*Iam pauca aratro jugera regia
Moles relinquent, undique latius
Extentâ visentur Lucrino
Stagna lacu, platanusque celebs
Evincit ulmos.*

Et paulò post antiquos mores citant, ait

*———— Non ita Komuli
Prescriptum, & intonsi Catonis
Auspicis, veterumque normâ,
Privatus illis census erat brevis,
Commune magnum nulla decempedis
Metata privatis opacam
Porticus excipiebat Arcton,
Nec fortuitum spernere cespitem
Leges sinebant, oppida publico
Sumptu jubentes, & Deorum
Templa novo decorare saxo.*

Hæc paulatim fatis in pejus lapsa sunt, cæperuntque quidam Rempub. quæstui, & pro aurea messe habere, non secus ac quodam Stratocles & Dromoclidas tribunal suum. Quod (ut Cicero inquit) non modo turpe, sed sceleratum & nefarium. Cum è contrario nihil in rebus humanis præstantius, nihil in præclarius sit, quàm benè de patriâ suâ mereri. E publicis functionibus non locupletiores, sed laudatiores debemus discedere. In hoc demum verum & solium decus positum est. Iudè tota mente in cura ea, cogitationeque persistendum est. Videmus ut illa

illa quæ supra nos sunt sidera, ætherem suum illustrent, pro radiis unaquæque suis: Terrestris quidam æther Respublica est, in quo tanquam sidera defixit nos homines Natura; exequamur munus nostrum, spargamus lumen, & irradiemus quisque pro fulgore nostro, indubitatè scientes, omnibus qui patriam conservaverint, adjuverint, auxerint, certum esse in cælo ac definitum locum, ubi beati sempiterno ævo fruuntur. Nihil enim Deo gratius, jucundiusque in terris est, quàm quod homines ipsius progenies parentis, quo ad ejus fieri possit, imitentur virtutem, atque probitatem, & derivatâ ad se parte aliquâ illius æternæ legis, ac gubernandæ Reip. rationis ac providentiæ, consilia sibi & conventus instituant, coagmentent, ac vinculo illo Justitiæ copulent. Porro non is solum Reipub. præest qui candidatos extrahit, qui tuetur reos, & de pace belloque censet, sed etiam ille, qui juventutem à lineis aberrantem exhortatur; quales sunt Philosophi, qui in bonorum præceptorum inopiâ, virtutem ingerunt, qui ad avaritiam, aut luxuriam ruentes, retrahunt. Hi etsi domi morentur, in privato tamen publicum negotium gerunt. Quis Zenonem & Chrysippum minora egisse dicat, quâ si duxissent exercitus, gessissent honores, leges tulissent, quas non uni civitati, sed toto humano generi tulerunt? Nihil ergo est, quare tale otium non conveniat bono viro, per quod futura sæcula ordinet, nec apud paucos concionetur, sed apud omnes omnium gentium homines, quique sunt, quique erunt. Dicebat Pythagoras vitam humanam esse similem Panegyri, hoc est, solemnium hominum conventui: ad quem alii conveniunt certaturi, alii negotiaturi, nonnulli spectatores modo futuri; ac cæteros quidem esse sollicitos omnes, solum spectatorem securum frui celebritate: hunc spectatorem ajebat esse Philosophum, qui non ob aliud in hoc mundi theatrum prodiiisset, quam ut naturas rerum, ac mores hominum contempleretur, ac emendaret.

Cic. in
Sonin. Scip.

Seneca de
vit. beata

Sis memor utriusque fortunæ.

EMBLEMA LX.



Ecce triumphali Capitolia celsa petentem
 Axe Duce[m], ut reddat vota precesque Iovi;
 Præcedit captiva cohors victique Tyranni
 Victor, & audaces aureus urget equos,
 Hunc aliquis sequitur qui tintinnabula pulsans,
 Admonet à letis rebus abesse fidem.
 Fortunam reverenter habe; nam vitrea tota est,
 Cumque nihil statuis firmitus esse, ruit.

COM.

COMMENTARIUS.

R Omani Imperatores, si quando de victis hostibus triumpharent, Capitolium eburneo curru intrabant, hunc præcedebant captivi pedibus constrictis, ipsi autem curui adhærebat flagellum, & à latere aliquis sequebatur cum tintinnabulo, admonens ipsum Imperatorem utriusque Fortunæ. Sciebant scilicet homines sapientissimi, facilius adversas res ferri moderatè, quam secundas prudenter. Illæ enim ob metum futuri sollicitos reddunt, hæc ob præteritam sælicitatem, impellunt ad rerum omnium contemptum.

Virgil. *Nescia mens hominum Fati, sortisque futura,*
Et servare modum rebus sublata secundis.

Hinc disputat Boëtius Lib. 2. Prof. 8. quæ fortuna præferenda sit. Hæc autem ejus sunt verba; Etenim plus reor hominibus adversam, quàm prosperam prodesse Fortunam; illa enim specie sælicitatis cum videtur blanda, mentitur; hæc semper vera est, cum se instabilem mutatione demonstrat. Illa fallit, hæc instruit. Illa specie bonorum mendacium, fruuentium mentes ligat, hæc cognitione fragilis sælicitatis, absolvit: Itaque illam videas ventosam, suique semper ignaram, hanc sobriam, succinstamque, ac ipsius adversitatis exercitatione prudentem. Et certè, quotocuique obtingit, prosperâ sælicitate uti, & sapere: Raro cum Fortunâ bonâ, mens quoque bono homini data est.

Centum doctum hominum consilia hæc una devincit Dea.

Plaut.

Luxuriant animi rebus plerumque secundis,

Ovid.

Nec facile est aquâ commoda mente pati.

Prudenter itaque Horatius Europam monet,

— *Benè ferre magnam*

Disce Fortunam.

Tunc consilia salutaria advocanda sunt, cum nobis alludit vitæ prosperitas; & ut Terentius docet,

Omnes cum secundæ res sunt, tum maximè

In Phorm.

Meditari secum oportet, quo pacto adversam erumnam ferant.

Fecit hoc Philippus Macedo, cui cum nuncium esset allatum, multas res sæliciter & prospere gestas esse, (nam eodem tempore Tethrippo vicerat in Olympiis, & Parmenio Dardanenses prælio fuderat, & Olympias ipsi masculum sætum erat enixa)

porrectis in cælum manibus ; O Fortuna, inquit, pro tot tantisque bonis, levi quopiam malo me affice. Epaminondas, cum alias solitus esset uncto corpore, hilarique vultu, prodire in publicum, postride ejus diei, quo feliciter pugnatum esset in Leuctris, processit squallidus ac summissus; Amicis autem sciscitantibus ecquid ei molesti evenisset; Nihil inquit, sed heri sensi me plus æquo mihi placuisse, ejus gaudii intemperantiam hodie castigo. Vir cordatissimus suspectam habebat nimiam Fortunæ indulgentiam, cuius ingenium esse sciebat, ut quibus exitium molitur, his prius novâ rerum prosperitate blandiatur. Idcirco

seneca.

*Quo Fortuna altius**Evexit, ac levavit humanas opes**Hoc se magis suppressere sapientem decet.*

Quia (ut Menander inquit) *δυσλως πρὸς τὴν αἰ λαμπρὰν τύχην*, id est, facile cadunt splendidæ Fortunæ. Adstipulatur Plautinus ille,

In Captivis.

*Fortuna humana fingit, ardetque ut lubet,**Me qui liber fueram servum fecit, ex summo infimum,**Qui imperare insueveram, alterius imperio obsequor.*

Suum

Suum cuique pulchrum.

EMBLEMA LXI.



En ut Simia parvulos catellos
 Præfert omnibus, omniumque formas
 Deridet, neque si videt misella
 Nudam podice, clunibusque calvam:
 Nævos alterius videmus omnes
 Lynceis oculis, suosque talpa
 Quisque præterit, & videre non vult
 Quid in tergore Manticæ geratur.

COMMENTARIUS.

DE Simiis hæc Plinius Lib. 8. Cap. 53. Simiarum quoque genera hominis figuræ proxima. Caudis inter se distinguuntur. Mirâ solertiâ visco eas inungi, laqueisque calcari, imitatione venantium tradunt. Huic generi præcipua ergâ fœtum est affectio: Gestant catulos: quos mansuetæ intrâ domos peperêre, omnibusque demonstrant, tractantque gaudent. Hæc ille: Ridiculis autem istis bestiis, plerique hominum adsimiles sunt, qui, omnia dicta factaque sua, sine rivali unica amant, ac venerantur, & nescio quomodo magis in aliis cernunt, quam in semetipsis, si quid delinquatur. Omnia sibi ignoscunt, nihil aliis remittunt. Hinc est quod magis propriâ, quam alienâ adulatione pereant. Quis enim eorum sibi verum dicere audet? Exclamat Satyricus,

*Quam nemo in sese tentat descendere, nemo,
Sed præcedenti spectatur Mantica tergo.*

Cui non abludit illud Catulli ad Varum;
*Nimirum idem omnes fallimur, neque est quisquam
Quem non in aliquâ re videre Suffenum
Possis. Suus cuique attributus est error;
Sed non videmus Manticæ quod in tergo est.*

Quid autem per Manticam indicetur, patet ex Apologo illo Æsopico, qui extat huiusmodi apud Stobæum: Finxit Æsopus omnes mortales binas habere manticas, hoc est peras: alteram ante pectus, alteram à scapulis tergoque pendentem. Sed in priorem, inquit, aliena vitia immittimus, in posteriorem nostra. Hanc humani ingenii cæcam φιλαυτία, non solam Poëtarum litteræ, verum etiam Euangelicæ notarunt, sic enim Matthæus; Quid vides festucam in oculo fratris tui, trabem autem in tuo non vides. Horat.

*Cum tua pervideas oculis mala lippus inunctis,
Cur in amicorum vitium tam cernis acutum,
Quam aut Aquila aut serpens Epidaurius?*

In nos itaque descendamus, & malorum domesticorum recordatione, definamus arrogantius insectari vitam alienam. Vitium enim illud (ut Seneca inquit) de quo querimur, si diligentius excusserimus, in sinu nostro inveniemus. Idcirco sapienter

fapienter olim, ut testatur Plato in Charmide, præ foribus templi Delphici, ab Amphyctionibus hæc inscripta visebantur, *γνῶθι σεαυτόν*, Nosce teipsum : In quo dicto, à Deo emissò, aut immisso, modestiæ mediocritatisque commendatio est, ne nobis vel majora, vel indigna sequamur. Nam hinc omnis vitæ pestis oritur, quod sibi quisque blandiatur, & quantum aliis præter æquum detrahit, tantum sibi philautiæ vitio præter meritum tribuat.

Hoc de cælo descendisse, inquit Iuvenal.

Patien-

Patienter ferendum, quod necesse est

EMBLEMA LXII.



*Pendulus è laqueo Sturnus, dum rumpere tentat
 Vincla, lace sitos implicat usque pedes :
 Perfer & obdura; Patientia plurima mollit,
 Quæ nequit humanum corrigere ingenium.*

COMMENTARIUS.

S Eneca quodam loco in Epistolis inquit ; Omnis ira, omnis indignatio crescit in dolorem & tormentum sui, nullumque jugum est, quod non atctius premat refractarium, quam sponte sequentem. Benè profecto ; Videmus enim in omnibus humanis casibus hoc fieri, quos patientia mollit, impatientia crudelissimè exasperat. Vulnus quid tam crudum facit,

facit, quam ferendi impatientia? pisces hamo pendentes si se moveant aut quassent magis intricantur, aves visco aut plagis decipitur si se explicare tentent, magis implicantur & oblinuntur, dumque

Pugnando vincula tentant

Ovid.

Rumpere, pugnantes fortius illa tenent.

Quibus exemplis monemur, casus nobis à Deo supervenientes, patienter ferre. Certè,

Durum, sed levius fit patientiâ,

Horat. Ode
24. lib. 1.

Quicquid corrigere est nefas.

Ovid. in Metam. de Philemone & Baucide,

Paupertatemque ferendo.

Effecere levem.

Virg. *Superanda omnis Fortuna ferundo est.*

Seneca: Libenter feras quod necesse est, dolor enim patientiâ vincitur. Et huic cognatum illud Tragicæ,

Patiens quisque novit famulum

In Herc.
Cetæo.

Regemque pati, vultusque suos

Variare potest, pepulit vires

Pondusque mali, nec servit inops

Casus animo qui tulit aquo;

Scivit hoc ille Mitio Terentianus, cum Demea quærit;

Placet tibi factum Mitio? Mit. Non, si queam

In Adelph.

Mutare: nunc quum nequeo: aquo animo fero.

Ita vita est hominum quasi cum ludas tesseriis,

Si illud quod est maxime opus jactu non cadit

Illud quod cecidit forte id arte ut corrigas.

Et Grudio apud Plaut. in Mostellaria,

Quid tu vis fieri? non omnes possunt olere unguenta exotica

Si tu oles, neque superior quam herus accumbere,

Neque tam facietis quam tu vivis victibus,

Tu tibi istos habe turtures, pisces, aves.

Sine me alliato fungi Fortunæ meas;

Tu Fortunatus es, ego miser: patiunda sunt.

Prudenter ille; quid enim aliud est a qualiter se in adversis gere- Val. Max.
re, quam sævientem Fortunam, in adiutorium sui, pudore victâ,

A a

con-

Senecæ locus
in lib. de vita
beata Cap. 15.

convertere ? contrà, magna est inscitia, adversus stimulum calcitrare. Vincamus itaque ratione præsentem calamitatem; sciamusque non casu delatam nobis, sed quasi delegatum. Bonus miles fert vulnera, enumerat cicatrices, & transverberatus telis, moriens amat eum pro quo cadit. Quisquis autem plorat, & queritur imperata facere, cogitur; Sic & nos

Ducunt volentes fata, nolentes trahunt.

Quæ autem dementia est, potius trahi, quam duci? & hoc sacramentum adaçti sumus; ferre mortalia, nec perturbari his, quæ evitare nostræ potestatis non est. In regno nati sumus. Deo parere, vera est libertas. Euripides

in Phœniss.

Δεῖ φέρειν τὰ τῶν θεῶν.

Invidia

stimulum cal-
citat: et p[er]cussus
est. Bonus tunc
eratus telis, mo-
plorat, & que-

ducit? & hoc
turbari his, q[ui]
mus. Deo p[er]

Invidia

Invidia sibi pœna.

EMBLEMA LXIII.



Livorem refugæ ferunt sagittæ
 Σοφὸν consimilem; sagitta si quid
 Collimet solidi, resultat, & non
 Scopum sed miserum ferit magistrum:
 Sic & pectore masculo, & cachinnis
 Spretus invidus, in suum retorquet
 Sagittas animum, sibi que pœna est;
 Quisquis invidiâ movetur, ille
 Scopum præbuit invidi sagittis.

COMMENTARIUS.

Diviniſſimus Philoſophorum Seneca, in Libro de Tran-
 quillitate animi, effectum invidiæ ſtatuit, diſplicere ſi-
 bi. Hoc oritur ab intemperie animi, & cupiditatibus
 timidis, aut parum proſperis, ubi aut non audent mi-
 ſerrimi homines quantum concupiſcunt, aut non conſequentur,
 & in ſpem toti prominent, ſemper inſtabiles mobilesque. Quod
 neceſſe eſt accidere pendentibus. Omni vitâ pendent, & inho-
 neſta ſe ac difficilia docent, coguntque, & ubi ſine præmio
 labor eſt, torquet illos irritum dedecus; & dolent ſe prava fru-
 ſtra voluiſſe. Tunc illos & pœnitentia cœpti tenet & incipiendi
 timor, ſurrepitque illa luſtatio animi, non invenientis exi-
 tum; quia nec cupiditatibus ſuis imperare, nec obſequi poſſunt:
 & cunctatio vitæ parum ſe explicantis, & inter deſtituta vota
 torpentis animi ſitus. Quæ omnia graviora ſunt, ubi odio inſœ-
 licitatis operoſæ, ad otium profugerunt, & ſecreta ſtudia,
 quæ pati non poteſt animus, naturâ inquietus, parum ſcilicet in
 ſe ſolatorum habens: ideoque detractis oblectationibus, quas
 ipſæ occupationes diſcurrentibus præbent, domum, ſolitudi-
 nem, parietes non fert, invitus aſpicit ſe ſibi relictum. Hinc illud
 eſt tædium, & diſplicitia ſui, & nuſquam reſidentis animi vo-
 lutatio, & otii ſui triſtis atque aggra patientia, uique ubi cauſas
 fateri pudet, tormenta introrſus egit verecundia, in anguſto
 incluſæ cupiditates ſine exitu ſeipſæ ſtrangulant. Inde mœror
 marcorque, & mille fluctus mentis incertæ, quam inchoata
 habent ſuſpenſam, deplorata triſtem: inde ille affectus otium
 ſuum derelictantium, querentiumque nihil ſe habere quod agant,
 & alienis incrementis inimiciſſima invidia. Alit enim livo-
 rem inſœlix inertia: & omnes deſtrui cupiunt, quia ſe non
 potuerunt provehere: & ex hac deinde averſatione alienorum
 proceſſuum, & ſuorum deſperatione, obiraſcens Fortunæ ani-
 mus, & de cœculo querens, & in angulos ſe retrahens, & pœ-
 næ incubans ſuæ, dum tædet ſui pigetque. Hæc ille: Quibus ele-
 ganter originem cauſamque depingit invidiæ; quæ non tam
 aliis, quàm ſibi ipſi inimica eſt. Si enim bene rem excutimus,
 compenſemus invidiam ſibi ignominiam, illi autem cui invidet
 gloriam parere; quia dum perpetuò invidos illos oculos, in
 illum

illum conjicit, atque in eum, quid agat, quomodo vivat, inquit, hæc illi honorifica incumbit necessitas, ut omnia dicta factaque sua ad normam recti componat, ne si ab illâ vel larum unguem discedat, invidiæ gaudendi materiam præbeat. Illi enim

*Risus abest, nisi quem visi movere dolores,
Et videt ingratos, intabescitque videndo
Successus hominum, carpitque & carpitur unâ,
Suppliciumque suum est.*

Ovid. in
Metam.

Expedi enim illi neminem videri egregium, quasi aliena virtus exprobratio illius vitiorum sit. Porro demens sit, qui spicula hujus monstri curet; cum genus ultionis sit, ei, qui invidet, invidiæ voluptatem contemnendo eripere. Stultus etiam, qui, ut invidio placeat, virtutes suas occultat & abscondat,

Hoc Ithacus velit, & magno mercentur Atreida.

Exercendi sunt oculi Noctuæ cæcaram lucem non ferentis, & ad honesta vadenti, contemnendus est iste invidorum contemptus. Audi Horatium,

*Invidiam placare paras: Virtute relicta?
Contemnere miser vitanda est improba Siren
Desidia, aut quicquid vita meliore parasti
Ponendum æquo animo.*

Eleganter Demetrius dicere solebat, eodem loco sibi esse invidorum voces, quo ventre redditos crepitus; Quid enim, dicebat, mea refert, sursum illi an deorsum sonent. Et certè (secundum Senecam) nihil stultius est, homine verba metuente. Gemant invidi, & infœlicem linguam bonorum exerceant convitio. Insistent, commordeant, multo citius frangent dentes, quam imprimant. Illustratur virtus nostra per ea ipsa, per quæ petitur. Produci enim illi & tentari expedit; nec ulli magis intelligunt quanta sit, quam qui vires ejus lacessendo senserunt. Duritia silicis nulli magis, quam ferientibus nota est. Præbeamus nos, non aliter quam rupes aliqua, in vadoso mari destituta, quam fluctus non desinunt, undecunque moti sunt, verberare: nec ideo aut loco eam movent, aut per tot ætates crebro in cursu suo consumunt. Assilite facite impetum, ferendo vos vincam. In ea quæ firma & insuperabilia sunt, quicquid incurrit, malo suo vim suam exercet. Proinde quærite mollem aliquam cedentemque materiam; in quam tela vestra figantur. Sic sic invidiæ tædium

Seneca de
Vir. Beata.

devoremus, sciamusque; ut flammam primùm emicantem multus comitatur fumus, qui evanescit jam invalescente & explicante sese flammâ, ita res egregias aggredientem, magnâ premi invidiâ, eaque tamen cum moveri non debere: Nam ut excors sit, qui adversis ventis jam diu navigans, & in altum proventus, otii tranquillitate portum petat: sic qui tum negotium relinquit, cum jam dudum cum invidiâ est luctatus, & citra eam impofterum vivere posset; ubi scilicet

Virgil.

*Per varios casus, per tot discrimina rerum
Venerit in Latium, sedes ubi fata quietas
Osfendunt :*

Claud.

Latium designo illam excellam Virtutis Ædem, illud
*Meriti spatium, quod nulla furentis
Invidiæ mensura capit.*

Hic nobilis ille noster Athleta ventos ridebit & imbres, major jam omni invidiâ, quam suâ virtute extinxit: Non secus ac Sol si immineat hominis vertici, aut prorsus tollit umbram, aut minimam reddit. Videte nunc illustres animæ, quæ cum invidiâ luctamini, quam præstet esse invidiosum, quam miserabilem. Scivir Astaphium Aneilla apud Plautum, cum inquit,

In Truculento.

*Mavelim mihi inimicos invidere, quàm me inimicis meis:
Nam invidere alii bene esse, tibi male esse, miseria est,
Qui invident egent, ille quibus invidetur rem habent.*

Verissima est vulgata illa sententia, unicam esse miseriam quæ careat invidiâ. Cui accedit arguta illa Poëtæ imprecatio.

Omnibus invideas, livide, nemo tibi.

In Sophistas.

E M B L E M A L X I V .



*Ingenti studio componit Aranea telam,
 Et tamen à cunctis spernitur illud opus.
 Sic magnas magno promissu molimine nugas,
 Dum vigilas studiis vane Sophista tuis.*

C O M M E N T A R I U S .

Apposite Aranearum telis vani Sophistarum Elenchi, & captionis æquiparantur, licet enim magno labore construuntur, nihil aliud tamen sunt quam quisquiliæ volantes, & venti spolia, & ut Origenes inquit, Ægyptiacæ ranæ, quæ tametsi assidua oggiantur, oblatrentque prætereuntibus, & odiosam illam cantilenam *βερεκεκενιξ κοαξ κοαξ*,
 ite-

iterent sine, sine tamen nemo commovetur, aut doctior redditur. Quemadmodum Bonasæ cornua oneri sunt tantum, nulli autem usui, quia adeo in se sunt reflexa: sic illi suam habent Dialecticam, quâ tamen neminem, quia adeo intorta & intricata est, vincere possunt. Nihilominus tamen illi *ἐν πᾶσι τοῖς σοφοῖς*, id est, barbæ tenus sapientes, adeo nugis istis intenti sunt, ut propemodum cum Chrysippo præ fame mortantur. Hærent in verbis, & ætatem totam in adytis Philosophiæ terunt, penetralia nunquam vident. Rem illam magnificam Philosophiam ex maiestate suâ, in magnas angustias detrudunt, vocando eam ad syllabas, quæ utinam non prosint tantum, sed maximè nocent. Committitur enim & debilitatur generosa indoles, in istas angustias coniecta. Ad hæc illi superciliosa subducunt, in hoc barbam demittunt, hæc tristes docent, & pallidi. Fugitivis clamoribus non ad calamos, sed ad obliuiosas aures semper certant. Risit hos tales olim lepidè Demonactes Philosophus, cum enim duos indoctos, inter se disputare videret & rixari, quorum alter absurda rogaret, alter nihil ad rem responderet; Non videtur vobis, inquit, amici, alter horum mulgere hircum, alter ei supponere cribrum? Innuens nihil aliud esse sophismata, quàm inanes nugas, quas tamen, quod est turpissimum atque ineptissimum, habent difficiles. Atque hæc de elenchis. Quorum tamen etiam prospiciendas statuo fallacias, sed prospiciendas tantum, ne verba nobis dentur, & ne quid in illis magni secretique boni esse extimemus. Venio ad veram illam Philosophiam, quam terris exultantem Socrates de cælo revocare conatus est; hanc divinam plane judico. Scimus illam esse matrem omnium artium, donum & inventum Deorum quod ab animo, tanquam ab oculis, caliginem discutit, ut omnia supèra, infera, prima, media, ultima videremus. Hæc est illa quæ de moribus quærit, quæ affectus temperat, quæ timori, quæ spei metam ponit, aut modum. Quæque (ut breviter Senecæ verbis dicam) humano generi promittit consilium. Divina certè & ineffabilis vis, quæ utinam, quemadmodum universi mundi facies in conspectum venit, ita tota nobis possit occurrere. Profecto omnes in admirationem sui raperet, relictis his quæ nunc magna, magnorum ignoracione credimus. Hanc autem nunquam satis laudatam scientiam, Sophisticæ abusus (ut

ple-

plerumque vitia se associant virtutibus) malè audire fecit. Scilicet ut vinum, quo nihil salubrius, quibusdam venenum est; sic sophistis Philosophia, quâ abutuntur. Hinc est quò sanctissimi patres adeo in eam infecti sint. Gregorius Nazianzenus: In Ecclesiam, velut quædam Ægypticæ pestes, Philosophi irrepserunt. Tertullianus; Philosophi patriarchæ hæreticorum. Ambrosius Antistes; Phalerata magis, quàm vera sapientia, quæ aliena quærit, cum sua nesciat, cœli plagas scrutatur, Deum ignorat, quem solum nosse debebat. Hæc illi. Sanè primis illis Ecclesiæ temporibus, plurimi erant qui Christum assumerent ore, Platonem autem animo non exuerent. Hinc illæ Patrum in falsam Philosophiam calumniæ. Enimvero Scænicam illam meretriculam res suas sibi habere voluerunt, & à sacrosanctâ Theologiæ æde pedem referre, ut Siren usque in exitium dulcis, cantare, sive garrire defineret. Nobis autem qui Christum profiteamur, alia mens sit, navim nostram semper avertentes ab istis argutiæ salebris, velificationes nostras ad unum tranquillæ mentis portum dirigamus; Ad quam nos transfer O æterna æterni Patris Sapientia.

B b

Indoctus

Indoctus ipse alios juvo.

E M B L E M A L X V .



*Sunt Asini cantare rudes, tamen ossa ministrant
 Quæ fistulis aptissima;
 Sic quibus est res ampla domi, tenues studiosos
 Opibus juvare convenit.*

COMMENTARIUS.

Nihil magis commendat divites quàm sic divitias suas in laudabiles usus expendant, egenos scilicet iis sustentando, aut pauperculos studiosos, qui ad artes illas, quibus humanitas & eruditio paratur, non imbuti, sed à naturâ ficti videntur, iis fovendo, & adjuvando. Asini, rude illud & stupidum animal, ossa nobis ministrant, ex quibus fistulæ confi-

conficiuntur maximè sonoræ: sic & illi, qui alioqui (ut Papinianus dicebat) aurea mancipia, & secundum Diogenem χρυσόμελα, id est, oves aureo vellere, appellari merebantur, tamen laudandi sunt, quod his, qui alias in pulvere suo & cœno hæsisissent, manum præbeant, & illam animorum servitutem & tyrannidem, paupertatem dico, solvant. Exclamat Comicus in Adelphis, paupertatem esse onus miserum, & valdè grave: usque adeò, ut etiam nobilem ignobilem faciat. Et verum est illud Juvenalis,

*Haud facile emergunt, quorum virtutibus obstat
Res angusta domi;*

— *Minimè cantare sub antro*

*Pierio, Thyrsusve potest contingere seva
Paupertas, atque æris inops, quo nocte dieque
Corpus eget: satur est cum dicit Horatius, Ohe.
Quòd si Virgilio puer, & tolerabile destit
Hospitium, caderent omnes à crinibus Hydri.
Surdia nihil gerneret grave buccina.*

Scimus quidem laboriosum illum & industrium Cleanthem, ex summâ paupertate, ad divinam illam Chrysippi Philosophiam aspirasse; sed quocuique tam heroica mentis vis? Plurimi incredibili eruditionis amore flagrant, sed quia cum summis colluctantur difficultatibus, ignea eorum ingenia humi deprimuntur; qui tamen, si tandem aliquo favoris Zephyro resuscitarentur, non pœnitendos se patriæ cives præberent. Horatius cum in sinu Mæcenatis sui requiesceret, illa æterni nominis carmina conscripsit, Hinc Martialis,

Sint Mæcenates non deerunt Flacce Marones,

Virgiliumque tibi veltua rura dabunt:

Hic sine exemplo Poëta, cum ab Augusto Cæsare, qui magnitudine rerum suarum, terræ totius habitabilis imperium complexus est præmiis & honore afficeretur, divinissimo Æneidos opere, id potissimum egit, ut Cæsares & Julios, à nobilissimo Æneæ Julique sanguine ortos, & jam inde ab infinitâ annorum serie, universo terrarum orbi administrando, per oracula, sortesque antiquissimas destinatos ostenderet;

At domus Æneæ cunctis dominabitur oris

Et nati natorum, & qui nascentur ab illis.

Sic Augustus, alioqui fortasse futurus ignotus, fovendo Musam Virgilii, æternum nomen sibi peperit. Alexander Macedo, Achillem hoc uno se fœliciorum & fortunatiorem fuisse dixit, quodd immortalis Homeri carmine celebratus, per totum terrarum orbem innotuisset. Etenim Heros bellicosissimus, æternitatem à principe Poëtarum accepit; Alexandri autem imperium, statim eo mortuo, in diversa regna fuit divisum atque distractum, quæ tamen omnia Romanis rerum dominis postea cessere. Horat. Oda 9. Lib. 4.

Vixere fortes ante Agamemmona

Multi, sed omnes illachrymabiles

Vrgentur, ignotique longâ

Nocte, carent, quia Vate sacro :

Paulum sepulta distat inertia

Celata Virtus.

Princi-

Principiis mali obstandum.

EMBLEMA LXVI.



*Aspidis haud ullâ morsus curabitur arte
 Ense recidatur pars nisi læsa statim;
 Haud aliter si Seditio teterrima pestis
 Ingruat, & secum crimina multa trahat,
 Omnia sunt tentanda quidem, sed tollere præstat
 Vnum, ne totus grex malè dispareat.*

COMMENTARIUS.

P Ræcipiunt medicorum filii morborum principiis semper
 obstandere, ne

— Sed medicina paretur

Cum mala per longas invadere moras.

Bb 3

Monet

Monet hoc Persius Satyra tertia,

*Helleborum frustra quum jam cutis agra tumebit
Poscentes videas, venienti occurrito morbo.*

Hoc idem requiritur in morbis ab Aspide, qui nullo modo sanantur, nisi partes læsæ confestim amputentur. Monetur autem hoc Emblemate Princeps, seditiosos & conclamatae nequitiae cives, merita pœna punire, & è Republica suâ ejicere; Nam

Ovid.

—Immedicabile vulnus

Ense recidendum est, ne pars sincera trahatur.

Apul. de
Philos.

Etenim ille, cui nec natura, nec industria rectè vivendi studium conciliare potest, è vita, secundum Platonem, est pellendus. Hæc ipsa clementia est, non esse hîc clementem. Multos servamus dum unum tollimus. Et optimum misericordiæ genus est, occidere, non tam ut ipsi pereant, sed ut alios percundo deterreant. Melius enim est, ut pereat unus, quàm unitas, membrorum potius aliquod, quàm totum corpus intereat. Sed hæc omnia moderatè, & pro delicto. Nec enim prius ad ultima remedia deveniendum est, nisi cum depositæ salutis æger, nullis lenioribus auxiliis juvari potest.

Lipf. in Po-
lit.

Cicero Phi-
lipp. 9.

Quia ut Satyricus inquit,

Nulla nunquam de morte hominis cunctatio longa est.

Claud.

*Qui fruitur pœna serus est, legumque videtur
Vindictam prestare sibi.*

Pau-

Paulatim.

E M B L E M A LXVII.



Qui studet phyalam replere lymphâ
 Stillando faciat; rebullit omnis,
 Hanc infunde si simul labores:
 Quisquis ingenium gravare multis,
 Et comprehendere cuncta vult, hebescit.

COMMENTARIUS.

D Iverbium Italis in ore frequens est;
 Et tutto abbraccio. & nulla stringo:
 Quo ianuunt, illos qui variis rebus simul animum occupant,
 sive

sive distrahunt, parum aut nihil proficere. Quemadmodum enim valis angusti orificii, si magno impetu, & simul aquam infundas, eadem aqua ejcitur; si sensim instilles, recipitur: idem de ingenio nostro est, quod oneratur turba præceptorum, non instruitur, cuique satis est accensio velut incitamentum in materia, quo vis inveniendi & cupiditas incitetur. Androgyni sic utrosque imitantur, ut neutrum sint, nec mares. nec fœminæ: Ita quidam dum omnia esse volunt, à nullis agnoscuntur. Idcirco apertissime à Polybio gulosis convivarum comparantur; nam ut illi omnia quæ apposita sunt gustantes, neque in præsentia verè fruuntur, ullo ciborum, neque in posterum digerunt satis, aut utiliter iis nutriuntur; sic hi delibant varia, sed sine alio fructu omnia cursim & prope- rantes transmittunt. Ideoque satius est paucis se auctoribus dare, quàm per multos vagum & instabilem errare. Certis ingeniis immorari & innutrirì oportet si velis aliquid trahere, quod in animo fideliter sedeat. Nusquam est qui ubique est. Non prodest cibis nec corpori accedit, qui statim sumptus emittitur. Nihil tam utile est quod in transitu profuit. Fastidientis stomachi est, multa degustare: quæ ubi varia sunt & diversa, inquinant, non alunt. Pauca itaque excerpenda sunt, quæ bene concoquamus, & in sanguinem ac succum redigamus.

Senecc. in
Epist.

In

In corruptos Judices.

E M B L E M A L X V I I I.



*Aranearum tela magnis rumpitur
 Muscis, minores strangulat;
 Rei potentes judicum sententiam
 Odore ducunt munerum;
 Qui nil habet quo torqueat Leges, miser
 In pelle pauper plectitur.*

C O M M E N T A R I U S.

A Pophthegma est Anacharsidis, quo elusit studium Solonis in conscribendis legibus. Dicebat enim Leges aranearum telis adsimiles esse, propterea quod in illas si quis
 Plutarch. in vita Solonis.
 quid

quid levius, aut imbecillum incurreret, hæreat, sin majus aliquid,
dissecet, ac fugiat. Huic succinit illa sententia, quæ apud Teren-
tium in Phormione est,

*Quia non rete Accipitri tenditur, neque Milvio
Qui male faciunt nobis, illis qui nihil faciunt tenditur;
Quia enim in illis fructus est, in illis opera luditur.*

Et Juvenalis,

Dat veniam corvis, vexat censura columbas.

Diomedes pyrata captus ab Alexandro in hunc modum se purga-
bat, dicens, Ego quia unâ navi pyratam exerceo, pyrata dicor,
tu, quia toti classibus, imperator nuncuparis. Marcus Varro
apud Nonium;

*Natura humanis omnia sunt paria.
Qui pore, plus urget, pisces ut sapè minores
Magnus comest.*

Arist. in
Rhet.

Hæc autem sententiarum eversio, sive conniventia, unde, nisi à
pecunia? cui πέντα δννα, id est, omnia venalia. Asserit Tibullus:

*Auro pulsa fides, auro venalia jura,
Aurum lex sequitur, mox sine lege pudor.*

Quævis castella hæc machina dejiciet, in quæ modò Afellus auro
onustus possit ascendere, Ad summum

— Divina humanaque pulchris
Divitiis parent.

Horat.

*Aurum per medios ire satellites
Et perrumpere amat saxa, potentius
Ictu fulmineo.*

Verè ille

*χρυσὸν λαλῶντες πᾶς ἀπαυτέτω λόγος,
πέθειν ᾧ εἶδε καὶ πέφυκε μὴ λέγων, id est,
Auro loquente ratio quævis irrita est,
Suadere siquidem novit & loquens nihil.*

Plautus in
Aulularia.

Nempe homines cum senis manibus, è genere Gerionaceo, hoc
altè impressum animis habent

— μηδὲν εἶναι σὺν κέρδι κακὸν, id est,
nihil esse cum lucro malum. Et sic cum Imperatore isto statuunt:

Juvenal.

*Lucri bonus est odor ex re
Qualibet,*

Ergò

Ergò terram mari miscent, judicia confundunt, legesque torquent pro arbitrio. Quod sciens Pericles, cautè singulis annis, decem talenta Lacedæmonem mittebat, & præcipuos corrumpebat, ut moram Belli, quando opus erat, recimeret. Quapropter verissimè auri illam sacram famem (ut Poëta inquit) omnium virtutum vim quandam corruptricem dicas. Atque hæc de divitibus, in quolibet causa triumphantibus sufficiant. Nunc de pauperibus ubique jacentibus dicamus. Hi (ut inquit Comicus) dum nihil habent quod offerant in iudicio, non solum non contemnuntur, sed etiam adversus veritatem sepe opprimuntur. Nullus eis amicus, nullus qui suppetias ferat. Quia ut verè Pindarus inquit, Ὀλίγηται πρὸ φίλων τατωμένῳ

in Nemæis
Oda 10.

φωτὶ.

Perit honor amicorum afflicto viro.

De hoc conquerentem ausculta Plautinum Menechmum.

Vt hoc utimur maxime more morum,

Molestoque multum, atque ut quique sunt

Optimi, maximi, morem habent hunc;

Clientes sibi omnes volunt esse multos;

Bonique an mali sint, id haud quaritant,

Res magis queritur, quam clientium

Fides quemadmodum clueat.

Si est pauper, atque haud malus, nequam habetur,

Sin dives malus est, is cliens frugi habetur,

Qui neque leges, neque æquum, neque bonum usquam

Colunt, sollicitos patronos habent.

Datum denegant quod datum est, litium

Pleni, rapaces, viri fraudulentum,

Qui aut senore, aut perjuris habent rem

Partam. Mens est in querelis,

Iuris ubi dicitur dies, simul

Patronis dicitur, &c.

Hi aut lucro, aut favore, ad gratiam deliberationes & consilia flectunt, jacet pauper, & dum non habet in ære, plectitur in pelle. At quàm optandum foret, ut ii qui Reipub. præsent, Legum similes essent, quæ ad puniendum non lucro, favore, aut odio, sed æquitate ducuntur? Ubi enim hæc efficiunt, haud facile animus verum pervidet. Præcipuè ubi avaritia domitur;

Cc 2

Private

Privatæ enim res semper offecere, officientque publicis consiliis;
 Et pessimum veri affectus, & judicii venenum, sua cuique utili-
 tas. Prudenter olim Areopagitæ nocturno tempore judicabant,
 ut & rem bene excuterent, & nullius favore, aut gratia flecteren-
 tur. Cleon, postquam Reipub. administrationem in se suscipere
 destinasset, testatus est, se jam omnium amicitiarum vincula vel-
 le dissolvere. Olim etiam qui corruptus pecunia, male judicabat,
 amissa dignitate, vel cingulo, efficiebatur infamis, ut est in L. pe-
 nult. Cod. de pœnis jud. qui malè judic. Iustinianus etiam Lib. 4.
 Inst. Tit. xvi. i. inquit; Iudicis officium esse, non aliter judi-
 care, quam legibus, constitutionibus, aut moribus proditum est.
 Ac veteres quidem illi, paucissimis verbis iudicis officium conclu-
 debant, cum dicerent; Legem esse mutum iudicem, iudicem
 autem Legem loquentem. A bono enim iudice ita prorsus omnia
 judicari oportet, ut lex ipsa, si loqui posset, judicaret; atque ita
 legem & iudicem inter se conspirare, ut sit lex quasi anima iudi-
 cis, & iudex quasi vox legis: Et quemadmodum Aristoteles ait,
 Legem esse mentem cupiditatis expertem, ita oportet iudices,
 omni cupiditate spoliatos, mente tantum ac ratione, in disce-
 ptandis controversiis uti. Sed hæc optare licet, sperare vix licet.

Livius l. 22.

Tacit. Hist.

Plutarch.

Civilis discordia hostis victoria.

EMBLEMA LXIX.



Præda duos inter fuit olim splendida Sturnos,
 Hanc erat auxilio nactus uterque suo,
 Dividere hanc tentant, oritur discordia præceps,
 Quæ socios trahit ad bella gerenda animos;
 Milvius hæc spectans trepidantibus advolat alis,
 Cumque suâ prædâ victor utrumque rapit :
 Scilicet est hosti facilis victoria, quando
 Discordes populi civica bella movent.

COMMENTARIUS.

IN hoc Emblemate oculis subjicitur, quàm noxia, quamque pestifera res sit, civilis discordia, quæ nisi in herbâ opprimatur, necessario aut interitus consequitur, aut mutatio rerum: Hæc enim est quæ omnes faciles reddit occupantibus, & meliorum incuriosos. Omnia denique bellis civilibus misera sunt, sed nihil miserius quàm ipsa victoria. Proinde benè Homerus,

Αφέντως, ἀθέμις ὁ ἀνέστη ἐς τὴν κλέην
 Ὁς πολέμῳ ἐπέταυ δῖον ἦν οὐκ ἐνός, id est.
 Ille nefarius, & sine gente tribuque mihi esto,
 Qui civile cupit ferum & execrabile bellum;

Tacitus. Verè execrabile, quia nihil hostibus præstare majus Fortuna potest, quàm adversariorum discordiam; atque inter eos discordiarum serere causas, sapientis est ducis. Nulla enim quamvis minima natio, potest ab adversariis suis perdeleri, nisi prius simultatibus sese ipsa consumpserit. Quia, ut Sallustius inquit; Concordia res parvæ crescunt, discordia maximæ dilabuntur. Voluit scilicet hoc, istud Apophthegma Sciluri, qui quum, relictis maribus filiis octoginta, diem esset obiturus, sagittarum fascem cuique obtendens, ut illum confringeret jubebat, id autem singulis se posse negantibus, ipse singulatim eductas facillimè confregit: Docens illos ubi unà esse perseverarent, firmos ac potentes fore: Imbecillos verò, si separentur ac dissideant. Sciebat hoc etiam Micipsa moriens, qui ita apud Sallustium, ad filios loquitur; Regnum vobis traño firmum, si bonieritis, si mali, imbecillum; certus nimirum adversus consentientes nec regem quemquam satis validum, nec Tyrannum fore. Lepidè olim, Pytho Rhetor Byzantius, quum esset supra modum obeso corpore, prodissetque in concionem suafurus concordiam Byzantiis, statim populi risus obortus est ex ipso corporis habitu: At ille, rideris inquit Cives? cum tale corpus habeam, uxorem habeo multo me obesorem, & tamen concordēs quodvis grabatum capit ambos, discordes ne tota quidem domus. Lapides quidam insulæ Cycladiacæ (teste Plinio) integri supernatant, fracti concidunt in fundum: sic omne quod est, tam diu manet atque subsistit, quàm est unum, sed interit atque solvitur, quando

quando unum esse desit. Ego sic existimo, (inquit Sallustius de Repub. suâ) quoniam orta omnia intereunt, qua tempestate Urbis Romanæ fatum excidii adventarit, cives cum civibus manus conseruturos, ita defessos atque exsangues regi prædæ futuros. Aliter non orbis terrarum, neque cunctæ gentes conglobatæ, movere aut contundere queant hoc imperium. Illud autem postea evenit; Romani enim crebris victoriis, hoste superato inquieti, & bellorum amantes, inter sese bellum gerere, & ab hoste in sua viscera ferrum convertere cœperunt; ita, dum militiæ arma cessant, domi turbæ nascuntur, & ubi publicus hostis deest, cives cum civibus, duces cum ducibus, domestica jurgia, discordias ac similitates exercent; ut stante Carthagine, imperii æmulâ, Romani sæciles, delerâ miseri fuerint, & lorica illis scilicet quam toga, campus securior quàm thalamus, tuba quàm tibia, Sol quàm umbra extiterit optabilior. Huc allusit Vates ille;

*Nunc patimur longa pacis mala, sævior hostis
Luxuria incubuit, victumque ulciscitur orbem.*

Statim enim non gradu, sed præcipiti cursu à virtute descitum, ad Vell. Patere. vitia transcursum, vetus disciplina deserta, nova inducta, in somnum à vigiliis, ab armis ad voluptates, à negotiis ad otium conversa civitas. Quod ne & nobis eveniat Θεὸν ἐν γένεσσι καίτω; Præsertim otioso hocce tempore, quod plerumque civilium furorum fons & origo. Præterea

*In se magna ruunt; letis hunc Numina rebus
Crescendi posuere modum.*

Lucanus.

Sed Deus, in cujus manu omnium corda sunt, uti voveo, avertet, dabitque ut ancipitis Fortuna temporis, matura virtute corrigatur, & divulsi prius animi paulatim coalescant. Refert Plinius Serpenti & Vulpi naturales inimicitias esse, & ob eas quotidie congregi, ast ubi aquila communis hostis adventat, inimicitias depositis conjuncta vi resistunt: Horum animalium exemplo similitates & odia inter finitimos deponantur, ac

— *Coeant in fœdera dextra*

Qua licet, ast armis concurrant arma cavete;
ne hostis inter sese digladiantes ex insidiis opprimat. Etenim cui bono hæc civilis discordia, nisi ut testa testæ (ut est in Adagio) collidatur? Mutua defensio tutissima est.

In

In ingratos.

EMBLEMA LXX.



*Devorat excussas glandes, nec suspicit unde
 Hæ sibi proveniant pigra propago Suum:
 Percipiunt homines summorum munera Divum,
 Vix tamen his grates ore decente canunt.*

COMMENTARIUS.

Quanta sit Dei munificentia in humanum genus, ex eo potissimum apparet, quod, quæcunque mundi ambitus complectitur, homini, tanquam Regi, subjecerit regenda, utenda, & fruenda; id solummodo *avndwpx* expectans, ut quemadmodum nobis omnia parent, sic illi tanquam superiori identidem pareamus, meritasque pro tot ac tantis beneficiis.

beneficiis gratias agamus. Attamen quàm recalcitrosi & ingrati
adversus tam munificum patrem filii sumus, dum divinis donis,
tanquam nostro jure nobis debitis, ita abutimur? immemores à
quo auctore nobis illa profisciscantur. Non secus ac Sues, quæ
excussas è quercubus glandes quidem devorant, sed ne quidem
ad illam arborem, fructus illius procreatricem, suspiciunt. Dice-
bat olim Themistocles se platanis esse similem, sub quarum um-
bram accurrunt homines afflicti tempestate, & easdem, simul ac
reduit serenitas, amputant, vellunt, convitiis que petunt. Idem de
Deo quis appositè dicat: Etenim si qua gravis necessitas presse-
rit, tunc Dei recordamur, si belli terror infremuerit, si morbo-
rum pestifera vis incubuerit, si alimenta frugibus longa siccitas
denegarit, si tempestas, si grando ingruat, ad Deum confugitur, à
Deo petitur auxilium. Si quis in mari vento sæviente jactatur, La& lib. 2.
Livin. Inst.
hunc invocat, si ad extremam medicandi necessitatem deductus,
victum precibus exposcit, Deum solum obtestatur, per ejus uni-
cum atque divinum nomen hominum sibi misericordiam qua-
rit. Nunquam denique homines Dei meminerunt, nisi dum in
malis sunt. Postquam metus deseruit, & pericula recesserunt,
Deo, quem ante in sua necessitate imploraverant, ne verbo qui-
dem gratias agunt. Ita ut verum sit illud Comici,

μετὰ τὴν δόσιν τὰ χεῖρα μέλει καὶ χάρις, id est,

post dationem celerrimè senescit gratia. Cum tamen bruta, &
omnis rationis expertia animalia aliud nos doceant. Canis hero
suo offam ei objicienti, quàm ad blanditur? quàm amico latratu,
motuque caudæ se gratum exhibet? Aves longo usu edocæ avo-
lant, & ad herum suum revolant, agnoscunt eum, nec se à gre-
mio illius movent, sed circumfilientes modò huc, modò illuc, ad
solum dominum usque pipitant. Ferocissima denique anima-
lium usu cicuria, bene merentibus aliquod grati animi τεκμήριον
deferunt. Solus autem homo cui Ratio infusa, adversus Deum,
& proximum ingratus existit. Quod animadvertentes Legisla-
tores, homines veram, non simulatam Philosophiam profiten-
tes, jura condiderunt, quibus ad ἀντίδοξα teneremur. Patet hoc
in L. Si remunerandi, ff. Mandati. L. Sed & si. ff. de Petit. hæ-
redit. Et secundum Pindarum;

θεὸν δ' ἐφετμαῖον,
ἰξίονα φανερὸν ἅπαντα
βροτῶν λέγειν, ἐν

περὸν π τροχῶν
 πάντῃ κυλινδόμενον
 πὺν δ' ἐργέταν ἀθανάτῃς
 ἀμειβαίς

ἐπιχομένους πίνεσθ, id est,

Sen. de Be-
 nef. lib. 1.
 cap. 3.

Deorum mandatis Ixionem ajunt hæc mortalibus dicere, dum in altâ rotâ circumquaque volutatur; Oportere mortales benefactorem placidis remunerationibus excipientes, debitam gratiam ei persolvere. Statuarii etiam veteres tres Gratias exprimere soliti sunt; Sorores, manibus implexis, ridentes, juvenes, virgines, solutâ ac pellucidâ veste: Quod interpretantur, unam esse, quæ det beneficium, alteram quæ accipiat, tertiam quæ reddat. Consertis manibus finguntur, ob hoc, quia ordo beneficii per manus transeunt, nihilominus ad dantem revertitur, & totius speciem perdit, si usquam interruptus est: pulcherrimus si cohæsit, & vices servavit. Ideo ridentes; quia promerentium vultus hilares sunt. Juvenes, quia non debet beneficiorum memoria senescere. Virgines, quia incorrupta sunt benefacta, & sincera, & omnibus sancta, in quibus nihil esse alligati decet, nec astricti. Solutis itaque tunicis utuntur: pellucidis autem, quia beneficia conspici volunt. Hæc ille. Epicuri sententiam mantissæ loco addo; Non modò pulchrius est beneficio afficere, quàm affici, verùm etiam jucundius, Nam nulla res perinde parit gaudium, ut beneficentia.

Pestis

Pestis regni Rex, sine prudentiâ.

E M B L E M A L X X I.



*Privatus charo Polyphemus lumine, nullo
 Consilio errantes jactat ubique manus :
 Haud aliter Reges, ratio quos nulla gubernat,
 Omnia per verso turbine semper agunt.*

C O M M E N T A R I U S.

CUm omnibus magistratum obeuntibus & Reipubl. inservientibus necessaria sit prudentia, tum in nullo magis, quàm in Rege requiritur, utpote quo neminem plura, vel meliora scire oportet, quia ejus doctrina omnibus subditis prodesse debet. Qualis Homericus ille Cyclops amisso oculo, talis rex cui abest lumen illud animi. Nemo navim

Cicero.

dirigat absque ferro, quod affricuit Siderites: sic nemo regnum sine mente, quam afflavit illa Diva Prudentia. Non viribus corporis, sed animi, res magnæ geruntur. Synesius Libro de regno administrando, ad Arcadium vel Theodosium juniorem scripto, negat in viribus solis positam felicitatem Principis, sed absolutam eam prædicat, quæ potentiam prudentiæ confociat, quæ res conjunctæ robur inexpugnabile conciliant, disjunctæ invalidum & inutile. Horat.

Vis consilii expers mole ruit sua;

Illud est vinculum per quod Respub. cohæret, illud spiritus ille vitalis, quem tot millia trahunt, nihil ipsa per se futura, nisi onus & præda, si mens illa imperii subtrahatur. Porro quanquam esse possit

Eurip.

σοφὸς τί γινῆται σφόδρ' ἰσχυροῦς, id est,

Rex sapiens sapientium commercio, & assumere in partem curarum alios; tamen miserum tale regnum judico, quod alienâ mente administratur. Quia sæpissimè videmus eos esse Regum animos, ut quanquam inquit, tamen flecti nolint. Dicit hoc Medea;

Seneca.

*Difficile quàm sit animum ab irâ flectere
Iam concitatum, quamque regale hoc putet,
Scepbris superbas quisquis admovit manus,
Quâ cepit ire, regiâ didici meâ.*

Et in Hippolyto,

*Nec me fugit, quàm durus & veri in solens
Ad recta flecti regius nolit tumor.*

Hinc illa regni confusio, & pestis, quæ idèd gravior, ut quæ à capite (ut medicorum filii de morbis loquuntur) diffunditur. Dum Palinurus dormit, in mare præcipitatur, ipsaque navis, sine rectorè, à fluctibus propemodum absorbetur: Sic in hac hominum navi innumeræ animæ in occasum trahuntur, nisi publicus ille Palinurus evigilet. Benè itaque cum Xenophonte precabimur, ut sint πολλοὶ ὀφθαλμοὶ, καὶ πολλὰ ὦτα, id est, multi regis oculi & multa aures.

Cura

Cura animi imprimis gerenda.

EMBLEMA LXXII.



*En quanto studio rudes catellos
Ursa perpoliat, decentiorem
Donec imprimat, ingeratque formam:
Mortales meritò rubere discant,
Qui, neglecto Animi nitore pulchri
In natis, modò sunt luti parentes.*

COMMENTARIUS.

Orus Apollo in sacris suis Sculpturis refert, Ægyptios
si quando hominem initio quidem informem natum,
sed postea formam accipientem, innuere vellent, ursam
prægan-

prægnantem depingere solitos fuisse. Hæc namque sanguinem primum condensatum, & concretum parit, hunc postea propriis fovens femoribus efformat, linguaque lambens perficit. Hinc Poëtarum princeps Virgilius dicere solebat, se Ursino more fingere carmen, cum (ut referunt ii qui ejus vitam conscripserunt) plurimos inconditos versus mane effunderet, eosque politos, ad tres quatuorve redigeret. Cæterum ut ad propositum revertamur, ac hæc nostrâ Vrsâ quantum sæpè homines degenerant: dum præstantissimam illam liberorum suorum partem, animum dico, securi incultam relinquunt. Quos homines merito eximius ille Theologus Nazianzenus, *Luti parentes* vocat. Quemadmodum enim (ut est in Adagio) lutum non fit testa, nisi tundatur, & rude lignum non est simulacrum, nisi ei forma inducatur: sic homo, non est homo, nisi disciplinis formetur, & ratio in eo promoveatur. Horat.

Doctrina sed vim promovet insitam.

Unumquodque animal fœtus suos non solum gignit, atque educat, verum etiam format ad naturalem suam functionem. Solus homo hæc in parte claudicat. Luxui, iræ, ambitioni, temulentiaæ assuescere videt natos, & patitur; instillat iis verba vix Alexandrinis, ut ille ait, ferenda delitiis, eaque osculo excipit. Interea innocentissima proles parentum culpâ labitur, & peccat: Parentum dico, qui nolunt liberos suos severa lege proficere, qui sicut omnia, spes quoque suas ambitione donant; deinde cum ad vota properant, nihil præter malitiam, atque improbitatem inveniunt. Diogenes cum conspiceret aliquando puerum se indecore gerentem, pædagogum illius baculo percussit, dicens, Cur sic instituis? Quàm multi divites evigilant, ut habeant egregium canem, ut generosum equum, multos servos, cæterum ut probum & doctum filiis suis pædagogum vix unus & alter curat. Olim quidam cum Altrippo agebat, ut filium suum susceperet erudiendum, cumque Philosophus pro mercede quingentas drachmas posceret, alter deterritus magnitudine pretii, inquit, Emerem mancipium iis nummis. At hic, inquit Aristippus, habebis duo. Sentiens eandem pecuniam paraturam ei, & Philosophum utilem, & filium obsequentem. At quotusquisque hominum hoc capit: Agro excolendo, domui exornandæ omnes Fortunas impendunt, in istis autem omnibus nihil est

est præterquam ipse Dominus & suus hæres pudendum, & incultum : Hanc hominum insaniam egregie olim Diogenes Cynicus perstrinxit. Cum enim aliquando ab aliquo esset invitatus ad prandium, screans, locum quæsit in quem sputum ejiceret. cum autem omnia splendere, hospitem verò solum sordere animadverteret, in ipsum hospitem ejecit : ipse indignabundus rogavit, quanam ista esset impudentia, sputo conspurcare hospitem? Reponit Diogenes, omnibus id moris esse, in locum vilissimum ejicere phlegmata, se verò nullum invenisse viliozem, quàm ipsum hospitem, itaque in illum ejecisse. Intelligebat scilicet Philosophus, æque homines spectari debere, ut equos mercamur. Neque enim in emendis equis phaleras consideramus, Aut baltei polimina inspicimus, sed istis omnibus exuviis remotis, equum ipsum contemplamur, ut sit ad speciem honestus, ad cursum vegetus, & ad vecturam validus, an ei sit

Apul. de Deo
Socrat.

*Argentum caput, & brevis alvus, obæque terga,
Luxuriæque toris animosum pectus :*

Virg.

Sic cum volueris veram hominis æstimationem videre, & scire qualis sit, nudum inspicere, deponat patrimonium, & alia Fortunæ mendacia. Corpus ipsum exuat, animum intueri, qualis quantusque sit, suo an alieno bono magnus, an iners & rudis, an verò à disciplinis liberalibus & institutione formatus. Socrates cum Gorgiam percunctaretur an Persarum regem scelerem esse putaret? Nescio inquit quantum virtutis habeat & disciplinæ. Ab his animus lumen accipit, non secus ac visus à circumfuso aëre. Hinc interrogatus quidam quid sibi conferret eruditio? Respondit; ne in theatro lapis lapidi insideam. Et certè sic est ut Comicus ait,

Sen. Ep. 29.

ὁ γε γράμμάτων ἀπὸ τοῦ εἰλέπειν,
id est, litterarum expertus non inspicit aspiciens;
contrà *Διπλὴν ὁρῶσιν εἰ μαθόντες γράμματα,*
id est, qui litteras didicere, bis tanto vident. Itaque

Petite hinc juvenesque senesque

Finem animo certum miserisque viatica canis.

Inscitia.

Inscitia semper arrogans.

EMBLEMA LXXIII.



*Ut spica vacuæ levant cacumen,
Et plenæ reprimunt, solumque spectant:
Sic homo vacuus scientiarum,
Et cui nihil est probæ monetæ
Præ se despicit eruditiores;
At contrà Sapiens, suoque sese
Explorans modulo, videbit usque
Quàm sit testa suæ impolita mentis.*

COM-

COMMENTARIUS.

Menedemus Atheniensibus studioſis dicere ſolebat; Plutarch. de
 Plerosque eorum, Sapientes navigare Athenas, dein- profec. vir-
 de fieri Philoſophos, id eſt, ſapientiæ ſtudioſos, po- tut.
 ſtremè Idiotas; innuere volens, quo quis plus in verâ
 Sapientia profecerit, hoc minus ſuperbire, magiſque videre quâ-
 tum ſibi acſit Quod quàm verū ſit probavit Socrates, qui dice-
 bat, Se nihil ſcire, præter hoc, quod nihil ſciret; reliquos verò ne
 hoc quidem ſcire. Eoq; de ſe teſtimonio oraculo Apollinis judi-
 catus fuit ſapientiſſimus. Et quidem merito, quia in omnibus
 hæc eſt ſola perfectio, imperfectionis ſuæ indubitata cognitio.
 Longe aliter eſt in iſtis ſciolis noſtris, qui magnificis titulis, qui
 ſapientibus pileis, qui ſplendidis cingulis, qui gemmatis annu-
 lis, biſterque magiſtri noſtri, abſolutam profitentur ſcientiam,
 & magiſtralibus ſuis definitionibus, concluſionibus, & propoſi-
 tionibus perſtrepunt & inſaniunt; ita ut aptiſſimè in eos qua-
 dret quod vulgo dicitur. *Ἀμαθία θεός ἐστι, λογισμὸς δὲ ἄνθρωπον φέρει*, id eſt, Inſcitia confidentiam, prudentia verò cunctatio-
 nem parit Idem ait Quintilianus, Fortius ſcilicet eos dicere, qui
 nihil habent artis: cum interim cordatus orator, ac periculum
 intelligens, initio trepidet; illi cum nondum didicerint, quid ſit
 ſcire, nullus rei ſibi non arrogant ſcientiam. Canis timidus la-
 trat vehementius, quam mordet. Et altiſſima quæque flumina
 minimo ſono labuntur. Homerus Menelaum hoc nomine lau-
 dat, quod ſcilicet eſſet breviloquus quidem, ſed tamen argutus.
 Et Epiminondas à Pindaro commendatur; quod haud facile al-
 ter inveniretur qui plura ſciret, & pauciora loqueretur Habent
 nimirum hoc Sapientes illi, quibus cor modèſtè ſitum eſt, Sileni
 Alcibiadis videri volunt. Semper ſuſpirant cum vident quan-
 tum ſit quod neſciant. Eſt enim (ſi dicere licet) avara, aut certè
 avaritiæ, aut hydropi ſimilis Sapientia, jugiter ſitit, quotidie in-
 ardeſcit, quo plus quaſierit, eò ſibi pauperior videtur, & plus
 appetit. Contra iſti noſtri *φιλάμειν καὶ δοξάζειν* φει, quid non ſibi per-
 ſuadent: ſimul ac ſapere cœperunt, jam ſapiunt. Cum beatus ſit
 (ſecundum Platonem) cui etiam in ſenectute ſapere contingat,
 veraſque opiniones aſſequi. Vix limen libarunt arcanæ hujus
 Sapientiæ domus, & jam ſe penetrâſſe putant. Et hæc cauſa eſt,

E e

cur

cur nunquam ad eam perveniant; siquidem nihil tam profectui adversarium, quàm profectiois opinio. Vidit hoc sapientiæ oculus, cum diceret multos ad Sapientiam perventuros fuisse, nisi se jam eò pervenisse putassent. Stultus viator sit, qui id viæ ementiri conetur, quod jam se emensum putat. Itaque hoc tanquam ex tripode habe; *Credere se Sapientem, primus ad stultitiam gradus est.* Humilitate, humilitate est opus, quæ fundamentum est veræ sapientiæ; quæ non quid actum sit, sed quid agendum, non quid adsit, sed quid desit, attendat; quæ non de quæsito gloriatur, sed de quærendo sollicita sit. Obstat superbia ingenio non secus ac tumor oculorum visui. Non possum non hic pulcherri-
 mum Gregorii locum addere: Qui humilitatem, quæ est mater virtutum nesciunt, usum sui laboris perdunt. Et si quæ bona sunt quæ videntur, quia surgentis fabricæ robusta celsitudo non figitur, utpote quæ nequaquam in petrâ solidatur, corruunt. Soli igitur ruinæ crescit, quod ædificant, quia ante molem fabricæ, Humilitatis fundamenta non procurant. Fastus itaque & elati spiritus, ex adolescentium animis excutiendi sunt, non secus ac ær ex utribus, si quid utile eis velis infundere.

Lib. 18. Moralium.

Ardua

Ardua quæ pulchra.

EMBLEMA LXXIV.



*Hand levis ascensu Palma est, sed vertice fructus
Præmia perpepsi grata laboris habet :
Ardua Virtutis prima est via, qui pede forti
Pergit, is in blando suscipitur gremio.*

COMMENTARIUS.

Palma arbor est ferens dulcissimos fructus, quos *Dactylos* vocamus, hos, quia admodum cultellato cortice est, difficile est contingere. Comparatur huic Virtus, ad quâ

Plinius lib.
13. cap. 4. &c
lib. 16. cap. 42.
Gell. lib. 3.
cap. 6.

*Ardua saxoso perducit semita clivo,
Aspera principio (neque enim mihi fallere fas est)
Prosequitur labor, adnitendum intrare volenti.*

Silius Italicus
lib. 15.

Ecce 2

Sed

Sed

— *Mox celsus ab alto**Infra te cernes hominum genus.*

Exstat apud Platonem, in Hippia maiore, in calce Dialogi, proverbium elegans: *χρλεπὰ τὰ καλὰ*, id est, Difficilia quæ pulchra. Cui dicto omnes humani actus fidem adstruunt. Quam amarè ferit agricola quod prædulciter metit? Quanto sudore miles, quam immenso sanguine quernam illam coronam, cum militari fremitu, & incondita cantiuncula adipiscitur? Quanto vitæ discrimine Mercator, & nauta pontum trajiciunt, merces exorticas petiunt? Quam indefesso ac plane adamantino sudore dulcissimum illud Scire consequimur? Testis Demosthenes quo nemo unquam laboriosius, nemo per plures oblucentis naturæ difficultates in altum reptavit, qui plus olei quàm vini consumpsisse dicitur, & omnes opifices antelucana vicisse industria. Hic tandem in dulcissimam Musarum, excelso colle habitantium, familiaritatem receptus, id consecutus est, ut Oratorum princeps diceretur, ut Cæsaribus, Regibus & Imperatoribus charus & individuus comes esset: Atque hæc omnia labore & industria, sine quibus nulla in hoc mundo gloria. Rebus enim maximis difficultatem proposuit Natura. Laudis Herculeæ fundamentum Labor fuit. Nulla re magis Vlysses quàm labore cognoscitur, quantalibet prudentia fingatur, si otiosus fuisset, latuisset. Labor Romuleos Duces, Scipiadas, Camillum, Fabios, Curios, Fabritios, Metellos, Pompeium, Iulium Cæsarem, aliaque periculis nota nomina, in excelsum illud tamæ theatrum exulit,

Tintarchus in
Demost.

Lucan. lib. 7.

Et mox æternos animas collegit in orbes.

Latuissent hi, nisi tristemet materiam suis virtutibus implevisent.

Ovid. lib. 4.
Trist.*Hector a quis nosset felix si Troia fuisset?**Publica virtutis per mala facta via est.*

Devoranda hæc sunt iis qui ad Honorem aspirant, alioqui quod in Adagio est *μήτε μέλι μήτε μέλιονας*, id est, neque mel neque apes. Vere Comicus,

Fortiter malum qui patitur, potest potitur bonum.

Quid aliud Homerum innuisse putabimus per herbam *Moly*, cui radicem nigram, florem lacteum attribuit, quàm radicis nigrae symbolo, Laboris molestiam significare, qua pervenitur ad florem lacteum, id est, ad floridam illam animi tranquillitatem,

tem, Virtutis absolutæ jucundissimum præmium? At contrâ compendiaria res est improbitas, sitque nescio quâ naturæ corruptione, ut, quæ turpia sunt, vel *αὐτοδιδαστος* protinus arripamus.

— *Facilis descensus Averni,*

Sed revocare gradum, superasque evadere ad auras,

Hoc opus, hic labor est. Pauci quos æquus amavit

Iuppiter, aut ardens vexit ad æthera Virtus.

Virg. *Æn.* 6
Æneid.

Omnetempus (inquit Seneca) Clodios, non omne Catones fert.

Ad deteriora faciles sumus, quia nec dux potest, nec comes de-

Epist. 97.

esse: & res etiam ipsa, sine duce, sine comite procedit, non pro-

num iter tantum ad vitia est, sed præceptis. Egregias quasdam

antitheses ponit Virtutis, & Voluptatis, idem illi Philosophus:

Altum quiddam est virtus, excelsum, & regale, invictum & infa-

tigabile. Voluptas quiddam humile, servile, imbecillum, cadu-

cum, cujus statio, & domicilium fornices & popinæ sunt. Vir-

tutem in templo invenies, in foro, in curiâ, pro muris stantem,

pulverulentam, coloratam, callosas habentem manus. Volupta-

tem latitantem sæpius, ac tenebras captantem, circa balnea &

sudatoria, mollem, enervem mero atque unguento madentem.

Hæ vero duæ Divæ sic comptæ, olim Herculi, dum in fluxu &

lubrico ætatis esset, apparuerunt, sed laboriosam Virtutis viam

elegit, per quam postea in cælum ascendit. Cum contrâ Han-

nibalem Voluptatibus sese devoentem, vitia hyberna solverint,

& indomitum illum nivibus atque Alpibus virum, extermina-

verint. Hæc ergo aurea gemmâ hæc configno; Qui à Voluptate

incipiunt, in laborem & dolorem desinunt: è contrario qui ab

amaro principio auspicantur, dulci fine clauduntur. Quoniam,

ut Gellius ait, si quid per laborem rectè feceris, labor citò perit,

benefactum autem nunquam recedit, sed si quid per volupta-

tem nequiter egeris, voluptas abit, nequiter factum perpetuò

manet,

Vide Sil. Ital.
& Xenopho-
tem.

F I N I S.

Ee 3

FLO-

FLORENTII SCHOONHOVII L.C.
P O E M A T A
A L I Q V O T.

Ad Amplissimum Consultissimumque Virum
D. ÆMIL. ROSENDALIVM,

O D E.

O *Hagiensis maxime Cuiæ*
Senator, ingens præsidium reis,
Quò Gouda se jactans alumnò
Præterito decus æquat ævo,
Quæ cursu, quanquam laudis adorea
Plenis honorum muneribus tuum
Venisset, æternæque nomen
Per titulos memoresque fastos?
Fallor: rirorum nam Rosendalii
Frequens in ore est nomen amabile,
Eritque, dum suus disertis
Iustus honos fuerit Camænis.
Præclara virtus nil habet invium,
Perrumpit ævis per remoras suas,
Nullique non vivo, aut perempto
Premia restituit laborum.
Tu, cum juvenis ver ageret sum,
Te munisti vi sapientiæ,
Sciens nihil nos possidere,
Præter opes animi, perenne.
Cum fratre primus semper in arduos
Ausis volabas, esse putans pigris,
Non eminere cursitantem
In stadio studii decoro.

Nempe illa magni pectoris indoles
Sue recordans semper originis,
Insueta tentat, æque doris
Ad decus egregium refertur,
At nunc sacro Concilio Patrum
Eulges supremis auctus honoribus,
Hic te stupefunt, dum, diserto
Ore tonans, sacra jura reddis.
Vi nauta pressus in medio mari,
Tumultuoso Plejadum chorò
Scindente nubes, auspicatos
Tyndaridum speculatur ortus:
Sic te missus suspicit innocens,
Periclitantem præsidio tuo
Causam tuentem, mox triumphum
Latus agit posito timore.
Amore justis hac perficis integer,
Nam spernis altò dona clientium
Vultu, satique magna merces
Est animo, meruisse rectè.
Ergo vir ingens, Te, decus ô meum,
Dum reservet publica fastitæ,
Te dico, cujus vita prodest
Omnibus, interitus noceret.

Ad eundem, cum Vxorem suam, omni Virtutum genere
ornatissimam Matronam, defunctam lugeret.

P *Restans Senator, nate in exemplum*
omnibus,
Qui consulendo cæui mortaliū,
Perenni clarum decernerent gloriam;
Quamquam dolendi causa sit justissima,
Adempta terris illa portio tui
Marita cordis, cujus innotum tibi
Serice aduincta aduenerat canam fidem;

Tamen induendus dissimilinus tuo est
Vultus dolori, lachrymæ sub pectore
Tibi devorandæ. Suadet hoc cunctis patēs
Fame theatrum, in quo locatus, maximam
Debes tueri mente personam tuam.
Plebeia corda, quæ abest capax sui
Mensura, luctus nesciunt modum sui,
Illisque longus ponit ærinnas dies,

Ratione

Ratione quas determinare te decet.
Mortalitatis Vxor exceptis sua
Legem statutam, quum movere non valēt
Curē, laboris huius purpurata natio
Iovēque terre, pauperesque subjacent.
Natura prudens, quod gravissimum putat
Humana turba fecit omnibus mori
Commune, quod se veritatem equalitas
Fati levaret: omne poscit id sibi,
Quod unque tellus fert in auras luminis.
A ventre matris tale nos satum manet.
Hoc cogitans Matrōna, quę prudentiam
Plus quam virilem præferebat, indies
Se preparabat semita optatissima,
Quam prævio irrēre majores gradu:
Iam jamque mortis lineam videns sibi
Sensim admoveri, sarcinis lectus suis
Fatalis horre, læta, vultu interitio

Punctum precata est, quod solutus spiritus
Amixtione terre corpusculi,
Adscriberetur Cælum dulci chore.
O ter beatos, qui fide, innocentia
Vita peracta ē, demererunt id sibi,
Et inter astra Cælestes micent novi.
Tunc nostra mens, quod gaudeat, demum
tenet,
Quando exsoluta, separata, libera
Tenebriosis corporis custodia,
Cæleste toto fulgur admittit sinu.
Hoc chara Coniunx experitur, hoc videt,
Postquam cadu. is seculi & mortalium
Rebus Valere dixit, atque laudare.
Iam turbidis subducta tempestatibus,
Humana videt, in Salutis stans vado,
Et, (si quid umbra mentis est) cunctos rogat
Ne turbet ullus hanc quietem questibus.

Ad Amplissimum Virum

GERARDVM VERLANIVM.

Maxime Verlani, patrie pater, at-
que Senatus
Immortale decus; si quem dixisse beatum
Ante obitum licet, & frigentis iusta se-
pulchri;
Te merito dicemus eum: Nam pondera
rerum
Quas humeris fulcis, veluti fortissimus
Atlas
Aetheris ardentis stellantem sustinet axis;
Deponens; urbemque tuam, strepitusque
perosus,
Confugis in gremiū tibi te redditis agelli,
Hic securus opum, & rani comptior
honoris,
Diligis innocui divina silentia ruris,
Et caligantes saxa formidine lutos
Perreptans, patriam lætus conjurgis in a-
ethram
Mente tua, suprema petens, taciteque re-
volvīs
Gaudia, quę olim es frutururus, quando,
relictō

Corpore, cælestes consendat spiritus arces,
Fortunate senex, qui deterioribus annis
Has delegisti sedes, quas nec stis anni
Involit, aut miseris invertens ambitus
urbes,
Sed mentis secura quies, quę prevalet
omni
Thesaurō, regumque epibus, clarisque
triumphis,
In quibus assidue posuere cubilia curę.
Eti tibi contingunt solatia grata senectæ:
Nam tectas aribus pedicas moliris, &
auceps
Decipis, aut lepore villosa retia tendis,
Aut vitem, ramosve putas, sessusque pu-
tando,
Membra salutifero tradis mulcēda sopori,
Quā mollis herba, aut viridissima grami-
ne ripa est,
Fudarum suadente sono, quę lævia lapse
Saxa per & salebras, grata raucedine
plaudunt.
Interea errantium resonat per prata boatus.
Facca-

*Vaccarum, numeros volucres meditan-
tur, & auras
Mulcentes, grato mala tadia murmure
fallunt,
Aut quandò excubitor lucem prænunciat
ales,
Quæ somni atque operum iustas determinat
herus;
Tityrus egrediur rectis, pinguesque ca-
pellas
Per creperam lucem comitans in pascua
ducit;
Defessusque viâ, voranti culmine montis
Considet, & calamò veteres decantat a-
mores*

*Aemulus Ascræo vati, vel pectora lusa
Obletians, agiles ad luctâ concitat hircos.
Quam jurat hæc vidisse senem, quem
nulla fatigat
Curas, nec oculis sudât præcordia culpis?
Hæc tibi fata diu Verlani gaudia præ-
stent,
Dum (quod contingat serò) terrena relin-
quens (nates.
Purius ad patrios mens est reditura pe-
O mihi si quondam talem dent Numina
vitam!
Non ego divitias Arabum, non regna
potentum
Prætulërim, modicò sat fortunatus agello.*

Ad Incomparabilem virum DOMINICVM BAUDIUM I. C.
& Historiarum quondam Professore, cum Civilis & Moralis
sapientiæ Monita, Lugduni Batavorum ederet.

O D E.

*Q*ualis minister fulminis ignei
Ales, Tonantis perpetuus comes,
Cælus anhelans puriores;
Spernit humum fugiente pennâ:
Cunctasque post se deserit alites,
Non sustinentes lumina Cynthii,
Quæ ferre jam curâ paternâ
Condidicit teneris ab annis:
Talis, perustus Baudius igneo
Calore pectus, evolat altius,
Supràque mortales caducos
Exerit ingentis vigorem.
Sic magnus olim Flaccus in æthera
Rupit, potenti numine concitus,
Sic semper ad laudem, decusque
Evehitur generosa virtus.
Tritas popello currere semitas
Sperniens, viarum diligit aspera,

*Hic collocata scit laborum
Præmia, perpetuæque curæ.
Sic perge Baudi, propositum preme,
Nil Momus in te, nil tua tempora
Ingrata viris, invidiorum
Nil streperi poterunt susurri.
Virtus Pyrope lucidior, sibi
Vult invideri, quoque magis furis
Gens nocturnarum, fulgurantes
Hoc magis ejaculatur ignes.
Vt suber undis usque supernat,
Mergi repugnans: sic tua gloria
Injuriosa mole pressa,
Alius evolitabit ales.
Tu posterorum laudis adorea
Recens vigebis, immeritò mori
Cælum recludetur, nitensque
In medio statuere Patrum.*

Poëta

Poëta eximio DANIELI HEINSIO Gandensi ; apud
Batavos Lugduni Professori dignissimo.

O D E .

Poëta magne , qui tacitè mihi
Nondumq; visus carmine junctus es ,
Quo maximo pridem placebas
Scalgero , egregioque Doussè ;
Quæ Suada ; quis nos insinuet (precor)
Sodalitati Mercurius tuæ
Quis det mihi frui Heinsiane
Colloquio , salibusque linguae ?
Tecum nec aurum , materiem mali ,
Nec obstupescam sceptris regentium ,
Non ambitum mirer clientum ,
Non hominum miseros honores ;
Hæc cuncta magno pectore rideam ,
Velutque celsò culmine montium
Locatus , hoc inane rerum
Desuper aspiciam quietus .
Visemus altos hóc positi solo
Simul recessus ætheris ignei

Mentesque perrumpent convulsam ,
Corporea sine mole , cælum ,
Excelsa magni pectoris indoles :
Humi morari nescit , in arduum
Erumpit ; hic adsians Tonanti
Æthericos speculatur ortus ,
Quanta hæc voluptas cernere syderum ,
Tellure spretâ , luciferos globos ,
Et machinæ : molisque tante
Mente Deum stupuisse fabrum ?
Natura nobis consimilem Diis
Mentem creavit , omnia pervolat
Currrens , recurrens , inque sese
Hoc patulum capit universum .
O quisquis illam sic habet , ut supra
Opes , honores , vanaque cætera
Consistat , is suo caduco
Cælicolas imitatur ævo .

Ad Familiarem quendam suum .

Miraris usque , cur facer votum chorus
Contemnat urbes , & suas sylvas
amæ :
Hæc causâ , Amice , est : Urbs strepens
tumultibus ,
Suisque curis ; cogitantibus nocet :
Nam sicut altum promoret silentium
Ad alta mentes , sic tumultus dejicit ,
Sinitque nullam vindicare se sibi
Adde & quod ardens ingeni nostri vi-
Claudi recuset urbicis repagulis , (gor
Volens aperto dirigari in æthere .
Hoc sylva præstat , hic per alta collium
Errans riveta gaudet , & molestiis ,
Curisque liber concinit carmen Deo .
Movet calores interim silentium ,
Quiesque ruris , aura leni sibilo
Faret camenti . Quis , (nisi poëticum
Qui non subtrahit limen & dulces fores)
Nil mente magni cogitet ? cum per sacras

Noctis tenebras diragatur undique
Silente mundo , quàm jurat tuerier
Cuncta intuentum siderum frequens de-
cus ,
Et prata vulu roscido madentia ?
Cum nox recedit , lux recurrit aurea ;
Vigilemque ratem suscitant ad munia
A parte cuncta consonantes altes ;
Tunc rursus horti contueri purpuram ,
Agmenque florum nocte natorum libet .
Collesque picti primulo diluculo
Recente rore pectus ad sese trahunt ,
Hic aut petulci sunt ei carmen capri ,
Aut sons sonoris bulliens è rupibus ,
Aut Phyllis imis delitescens rullibus
Malis læssens fistulantem Tityrum .
Quanta hæc voluptas versibus sylvestribus
Cantare ? quando tale præstant oppida ,
Quæ quam tumultus , nil habent , atque
ambitum ?

Ff

Hæc

*Hæc causa Amice est, cur sacer ratum
chorus*

*Contemnat urbes, & suas sylvas colat.
O si mihi olim Cælitum benignitas*

Tribuat quietam prætoria solitaria

*Habitare, quæ nunc arido rivo fluit,
Torrens instar vena manaret mihi.*

Ad doctissimum Virum, D. GUILIELMUM TRAYDENIUM
Præceptorem olim suum.

Traudenti columen novem sororum
Qui, me Socratico sinu receptans,
Mores ingeniumque fabricasti;
Quid te, dulce Deus meum, coëgit
Tam diu sollicitâ morari in urbe?
Non auri sitis, ambitusve, mentes
Cogens quidlibet & pati, & patrare,
Sed mens sedula, grava promovendi
Tuos discipulos ad altiora;
Visue: dum Canis æstivas calore
Solvit corpora, dissecatque campos;
Linguamus strepitus furentis urbis,
Secesius tacitos petamus horti,
Musis dulcibus optimi sodales?
Hic pronus tremulâ cubans in umbrâ,
Si quos forte tibi tuæ Camænæ

Plectro versiculos Horatiano
Dictavi; mihi præleges, vicissim,
Si quos Lux mea, promovens calores,
Rudes versiculos sonare coget
Agresti calamo; tibi legentur.
Iam mihi videor perambulare
Dulces areolas, per & vireta,
Nunc rursus videor loquace ripâ,
Mulsus lenibus arborum susurris,
Grata carpere somnulum sub umbrâ.
O serenior hortuli voluptas,
Te nostri requies laboris esto.
Felicis ter, & amplius putandi;
Quos summus pater, arbiterque rerum
A turbis voluit tumultuosos
Remotos; sibi vivere, atque obire.

Prosopepœia mortui nostri reverendi Avunculi magni,
HENRICI IOHANNIS THARDT.

O Curvæ in terris animæ, & cæle-
stium inanes,
Quid mea flebilibus violatis busta que-
relis!
Quid sibi vult gemitus? quid singultan-
tia verba,
Quæ medio fletu vox intercepta profatur?
Utique adeone mori miserum est? ab sisti-
te fletus,
Sistite, ne tali sitis pietate profani,
Debita naturæ mors est. Caput omnia
tellus
Quæ genuit. Stultum est communem
plangere sortem,
Omnibus hæc lex est, hac conditione crea-
mur.
Tum decuit flevisse viri, cum luminis oras
Parvulus ingrederer, subiturus vincula
divi
Corporis, & mundi immundi passurus a-
marum
Servitium. Exuria, falsæque incommo-
da lucis
Istic nunc mala turba jacet, nos nobile cæli
Depositum, optatæque domo, patriæque
potimur,
Vixi, & quem dederant cursum mihi sa-
ta, peregi;
At jam parta quies, nullum maris æquer-
arandum
Amplius, æterno fundata est anchora
fundo:
Nunc animus tandem cælo prorumpit a-
perto

*Liber & humanis quantum insit rebus
inane,*

Despicit, ac ridens letatur sine laborum.

*O bona mors, portus, statioque aptissima
fessis*

*Mentibus, eheu quàm cæcis erroribus a-
ctus*

Et Sirenaïs degens in cautibus orbis,

*Teque, tuasque simul studui vitare sa-
gittas,*

*Demens, heu nimium demens: nam mors
mala nunquam est*

*Quam bona præcessit vita, & meditatio
vite*

*Alterius, sed quis pariter cum corpore
putri*

*Omnia putrescunt; his formidabilis ad-
stat.*

*Fælices lethi, pietas quos addidit astris
Quid vita est aliud, gravium quàm Ler-
na malorum*

*Cui comites sunt; Spes, Metus, & non pu-
ra voluptas,*

*Dura palaestra pæsi, donec mens alta su-
umque (sa est:*

*Aspirans ortum, squalenti carcere clau-
Nam ratio, residens capitis sublimis in
arce,*

*Assiduoque suum cupiens descendere regnū,
Cogitur Affectus servos tolerare rebelles,*

*Injustumque jugum: Nam terra, terrea
mole*

*Corporis affixa est: Ratio cælestia anhelat.
Perpetuum est bellum hoc, nisi dicatur*

*Tonantis
Sese interponens capitales separet hostes.*

Ad undequaque doctissimum Mathematicum D. WIL-
BRORDVM SNELLIUM R.F.

O D E.

*O Magna magni progenies patris,
Cui latentes pandit origines*

Natura rerum, Cælitumque

Hac fragili facit esse terrā,

Quam vim Prometheus ille hominū sator

Creando vestris indidit artibus;

Quo finxit è luto latentes

Pectoris omniscii recessus?

Non viltori, non equidem puto:

Sed apprehensam Palladis è sinu

Prudentiam, quam cæterorum

Parcius attribuit creandæ,

Menti; tibi uni largius addidit:

Nam tu caducis cæcibus altior,

In astra tendis, sordidamque

Spernis humum fugiente pennâ.

Mens orta cælo spirat originem,

Pigroque quamvis carcere clauditur,

Hanc patriam tamen revisit

Corporea sine mole velox.

Hac est voluptas, hoc tibi gaudium

Videre Cælos, & vaga lydera,

Notare solis, atque Lunæ

Umbriferos animo labores.

Nos cogitantes nil nisi terrea,

Segnes veterno, particulam sacram

Fœdamus, & caduca stulti

Præferimus bona sempiternis.

Ut bruta queis in pastibus est sita

Vis omnis, & queis terra poli vice est:

Sic nos vagamur, mensque fidit

Inferior capite elevato.

O te beatum Snelliade, cui

Deus creator pectoris hanc dedit

Vim, quam reserves donec altos

Cælitum repetas recessus.

Ad ingenuum, verèque nobilem adolefcentem, D. GYSS-
BERTVM DVVENVORDIVM.

O D E.

Quid bella semper, quid gladios crepas,
Ludosq; Martis, O Iuvenum decus?
Hæc mente te non, hos in usus
Periades minime educarunt.
An non (amabo) dulcius est, suos
Versare libros, cumque sacro choro
Novem sororum, molle carmen
Gorgoneo resonare monte;
Quàm nigricantem cernere sanguinem
Spumare terris, & subitos sonos
Audire, cum tormenta belli
Fulmineos jaculantur ignes?
Cælo beabunt Periædes tuum
Nomen, nec ullo sanguine gloriam
Hunc consequeris, cum triumphus
Bellicus, immodico cruore
Nisique constet, sæpius & comes
Sit ipsa mors, qua lege pari rapit
Imos, & insignes, ducesque
Multibus minimis adequat.

Quod si severum propositum premas,
Et militandi mens sit; honestus
Monstrabo bellum, quod gerendum
Proposuit Deus unicuique;
Te vince. Summa est hinc animæ salus
Tibi futura. Rex eris omnium
Fortissimus; cum turbulente
Rex fueris, Dominusque mentis,
Fides ut intus seditionibus
Contagiosis omnia ferream,
Hinc irasurgit, hinc libido,
Inde fames malesuada famæ,
Suos tyrannos fert Ratio impotens,
Cuius regendi Divi dederunt tui,
Nil frena prosunt, in ruinam
A propriis raperis quadrigis.
Compone bellum hoc: Frustra etenim foris
Certatur; intrâ mænia sis furor
Grassetur hostis, civitati
Insidias meditans dolosque.

EPITHALAMION

In Nuptias Consultissimi viri, D. PETRI WALENBURGII,
& lectissimæ Virginis GEERTVDE LANGII.

Quondam Diva Venus (favete dictis)
Infantem peperit, Divi Deæque
Omnes conveniunt, & inter illos
Partum Iuppiter ipse gratulatur,
Arrisit Superis puellus, astitit (heu)
Ridendo pupugit Iovem miscellum,
Nam febrim trepidos statim per artus
Lutè serpere sensit, intimasque
Cæcis ignibus exedi medullas:
Chiron consultitur, tremente Venam
Tentat pollice, sed suo tenore,
Non præter solitum, refert moveri.
Ridet Iuppiter artis imperitum,
Compellatque Themis, cui Deorum
Datum munere verâ predicare;

Hæc sub vestibus asserit Sororis
Medelam dubii latere morbi;
Statim Iuppiter Alce expeditâ
Inonem petiit, memorque dicti
Quæsit medicamen a Sorore.
Nec sibi modo scrivit hanc medelam,
Sed seris quoque posteris reclusit.
Hinc quândo peulans Puella sese
Offert luminibus, suosque nutus
In nos ejaculatur; impotentes
Tosi solvimur, integerque sanguis
Fervet turbidus, expetitque jungi.
Sciens Virgineo in sinu medelam.
Testis Sponse, cui cupitus ardor
Iam nunc in geminis quiescit ulnâ.

O quam

O quàm flamma tuos peredit artus,
 Dum morbi taciti latens origo
 Sensim serperet altius, suisque
 Per contagia cresceret veneni?
 Virgo blanda, proterva Virgo quas non
 Tibi nequitiis libidinesque
 Parabat, digitis & ore blando
 Dum dulces caneret modos Amorum,
 Nunc rursus regida velis Sabina
 Omnes sperneret impetus Amoris?
 Tutu saucius undecunque, Venis
 Cecum vulnus alis, foveisque flammam.
 Et fetos quoties vides ocellos
 Toties secur omne devoratur.
 Tandem longius hoc jugum perosus,
 Ignem detegis: illa post molestas
 Perpeffas hyemes, graveque noctes
 AEquales quoque concipit calores.
 Felix post varios cui labores
 Contingit placidum subire portum,

Felix sponse, cui datur potiri
 A quâ tulerunt Proci repulsam.
 Eja nunc age sint procul remote
 Puræ carniciferae serenitatis
 Cura, femina pessima senectæ.
 Victor servide vindicato temet
 Linguâque, oreque, morsumculâque,
 Et pronocibus, asperisque verbis
 AEquales dato bastiationes,
 Minuta facule, minutiore
 Dii Celi, nitidi Iovis Quirites
 Apparent, vocat Hesperus, Vensus-
 que.

Vos casti comites thori puellæ
 Sponse figite basium supremum
 Cras matri similis suæ redibit.
 Ite nobile par, valete multam,
 Et brevi date filios tenellos,
 Qui vobis lepidis suis loquelis
 Levent tadia proxime senectæ.

Doctissimo & integerrimo Adolescenti D. GERARDO
 BRONCHORSTIO, Clarissimi Viri Everardi
 Bronchorstii filio, cum Lugd. Batav. publicè
 de jure responderet.

Heroe natis quanta necessitas
 Incumbit altis ireper impetus.
 Semperque se prestare dignam
 Egregio sobolem parente?
 Locus latendi talibus haud datur,
 Insuper sperat vulgus & omnium
 Arrecta corda pollicentur
 Nil treviale sibi aut minutum,
 Hinc celsus urget spiritus, hinc pudor
 Hortatur acer, promovet insitas
 Vires, & imbelles lacertos
 Ausibus exacuit probandis.
 Ne facta patrum desidia suæ
 Eulerum putantes, & genus improbent,
 Seseque quo sunt clariore.
 Degeneres magis esse prodant.
 Nam gesta patrum nobilitum, note
 Sunt filiorum degenerantium,
 Ut turpitudine clarioris
 Lucis ab oppositu probatur.

Hoc cavet olim Dardanius Puer,
 Dum non inertes, vel timidus seras,
 Sed patriæ virtutis hares, (nem.
 Optat Aprum, aut rabidum Leo-
 Innata virtus omnia perpeti,
 Quàm turpe maruult opprobrium, neque
 Mors ipsa si premat, decori
 Propositi moreat tenacem.
 Hic ardor, hæc vis te quoque compulsi
 Multis negatam tendere semitam,
 Bronchorsti, inaccessos parentis
 Dum sequeris generosus ausus,
 Parentis eius, qui geminos polos
 Fama levatus curribus arduis
 Percurrit, & sui nitore
 Nominis obstupefecit omnes.
 Quem nos tonantem de cathedrâ suâ
 Ausimus alto turba silentio.
 Doctoque pendentes ab ore
 Legissemus redisse Paulum

*Consemus astris. Perge age spes patris
Implere tanti, principia hæc erunt
Majoris ausus mox & ipsum
Nomine reque dabis parentem.*

*O ille quantâ lætitiâ caput
Hinc inde sparjum canitie, dabis
Sua quieti, cum videbit
Se in proprio supersesse nato.*

Honori eruditissimi modestissimique Juvenis D.

JACOBI REALI. P. F. cum publicè

Lugd. Batav. Theses juridicas proponeret.

Pudenter ille Reflor & rerum parës,
Probo cuique candicantes gloria
Inferit ignes, quos flabello provido
Dictator ille terre corpusculi
Ratio fovere debet, & rectâ viâ
Virtutis, altum promovere ad æthera;
Divina namque mens licet suo sibi
Placeat theatro, quatenus cœli sui
Est amulatix, atque simplex, attamen
Honorem anhelat magna quatenus viget.
Hinc ardor ille Heroicus spernens moras
Inſueta tentat, ſequè rix velox capit,
Temique cenſet dulce Virtutis decus
Contempto Honore. Teſtis es magno patre
Condigne Fili; qui peruſtus Gloriae

Calore; dignum laude certamen ſubis
Rediſque victor, non ſuperbos ſanguine,
Sed pulchriori Gloriae fulgens ſace.
At heus monendus hoc tamen diſcas va-
lim,
Inſiſte pugna huic, ne remitte ſpiritus,
Facſſat omnis torpor, & pigrum pecus
Eucos habere res ſuas ſibi jube:
Hi namque ſeſe putrido fixit ſolo,
Fœdè remittunt, neſciſſque originis
Populare menti nobili imponunt jugum,
Vtrumque ſunus ambulante, donec ſolum
Illos repoſcat, nilque præter ſpiritus
Abominandos naribus linquant ſui.

Nobilissimi, doctissimi et Juvenis D. BARTHOLDI
WICHERINGII albo inscriptum.

Nobilitas, splendorque patrum, quos
ardua virtus
Extulit, & quorum, jam tot labentibus
annis,
Fama viret, natos, & qui nascuntur ab
illis
Admonet, ut laudes partes insignibus
ausis,
Accumulent virtute novâ, ne monstra,
sueque,
Degeneres fuci, fiant injuria gentis:
Sed miseros perſepe patres spes lælat in-
ani.
Dum soboles nimium generis suffulta ni-
tore,
Egregiumque putans per testamenta re-
linqui

Nomen; in obscuras detrudit pulchra
tenebras
Gesta patrum, nilque ipsa animo lauda-
bile volvit,
Sic Heros quondam, domitis agnomen
ab Afris
Cui virtus invicta tulit, splendoris acer-
bam
Pertulit eclipsim in nato; præclaraque
magni
Facta patris, sobolis crimenque & stigma
fuerunt.
At te flos juvenum, quem quondam cura
benigni.
Sideris, & placido viderant lumine
Parce;

Mens

*Mens alio impellit: nam fama incum-
bere patrum
Vile putas; proprio gestis splendere nitore.
Non secus ac quondam generosi seminis
infans
Magnus Alexander, fertur doluisse,
parentem
Omnia jam vicisse, sibi que hand esse re-
lictum*

*In quo virtutis propriæ queat edere si-
gnum.
Macte animi Iuvenis, semperque hanc
comere partem
Perge tui, quæ, cum vitentur cuncta
Senectâ,
Emicat, & longis vires sibi sumit ab an-
nis.*

Ad Amicum quempiam.

Dum tu molesto commorans in op-
pido,
Amice curas, quid severa cogitet
Cohors Iberi, quisve publicæ rei
Status sit aptus, atque vertici tuo
Curando crimes albicantes imprimis;
Ego solutus omnibus molestiis,
Horti beatos terminos latos colo;
Hic in virenti molliter ripa cubans,
Mulsus susurris arborum trementium,
Aut garrienti fluminis lymphâ vagi,
Carpō sopores, aut sub undis vitreis
Pisces hiantes fallo glibrâ arundine,
Aut inter agnos debiles, & hadulos,
Bovesve stratus tale carmen concino,
Ascrens olim quale vates condidit;
Quando in reduclis montium cubilibus
Satyros stupentes detineret versibus.
Aut quale quondam consonabant Ar-
cades

*Cum seiva nondum turma militantium
Miseros Membras, Daphnidesque è pa-
scuis
Propriis recedere exules coëgerat.
Quam dulce tunc est, cum beatus interim
Gregis cubantis obstrepat, vel fistula
Cogentis agnos in vireta Tityri?
Hinc grata texunt arbores umbracula,
Eduntque lenem sibilum motû comis,
Hinc unda pronis murmurat decursibus.
Illinc ocellos sylva pascit florida,
Aves per omnes saltantes ramulos
Plro citroque cantibus me recreant,
Vireque mentis solitudo suscitât.
Innum, tuamque compora vitam meæ
Memet beatum, te miscellum dixeris,
Vireque dices esse nil felicius;
Quam dissolutum posse curis vivere,
Desideratoque hortulo acquiescere.*

Præcepta quædam cuique sapienti servanda.

Quisquis beatam Cælitum vitam sequi
Mortalis optat: hac sibi quam sedulo
Serranda ducat: Constitutus in statu

*Modico, quiescat, non anhelans alterum.
Talenta Cresci vincit alto pectore,
Qui viris insons sorte contentus sua.*

Aliud.

Ad letiorem merfus ex sorte anxiâ,
Semper priores sit sui status memor,
Metuens secundos, pro virâus recte, Deos:

*Quo sortis aura fluctantis altius
Evexit, ac levavit humanas opes,
Hoc ad ruinam prominent magis suam.
Aliud.*

Aliud.

Aliud.

Illustre quamvis numen & decus gerat;
 Non intumescat; Namque nulla certior
 Nota impotentis, quam tumens superbia,
 Virum potestas arguit; tunc optime
 Quid quisque sit cognoscitur; quando
 decus
 Desertur illi: qui remitti spiritus
 Animi superbos; tollitur, qui surrigit,
 Calcatur usque, singulis fastidium.

Sive in secundis, sive rebus asperis
 Positus sit, alta mente terram deserat,
 Cælumque (sicut Armiger magni Iovis)
 Vestiget, & quod hic situm est sum-
 mum bonum.

Quicumque terre fixus haeret torpide
 Dulci veneno inebriatus plurimum,
 Hic jure vivens est vocandus mortuus
 Contemptares mortalis est, nisi supra
 Mortalitatem surgat, & cælum petat.

O DE.

Eheu quam rapidis tempora passibus
 Nobis prætereunt? volumur indies
 Ad metam miseris, nec senium tamen
 Perseuissit homo suum,
 Incrementa brevis, (si bene computes)
 Aetatis, proprio nomine dicere
 Decrementa merent: nam perit hic dies
 Quem vitæ audier autumant.
 Inter sordidulas sollicitudines
 Aetas tota perit. Nil homines, nisi
 Nugas, parturiunt nisibus improbis,
 Nemo se sibi vindicat.
 Hic vani tituli turget honoribus,
 Monstrari digitis magnificum putans,
 Cum mors æqua tamen singula destruens,
 Spernat magnificum decus.
 Hic certamen opum cum reliquis init,
 Et dives oculis, pectore pauper est,
 Dum menti cupida fors sua displicet
 Et fors alterius placet.
 At quantus animi sollicitudines
 Poniunt, qui fragiles res hominum æstimās,
 Vitam condidit spernere stebilem,
 Vivens sata præoccupans?

Hic curis hominum mortuus omnibus,
 Ignotusque aliis secum habitat, sibi
 Prudens usque vacat cunctaque negligit,
 Extra se nihil expetens.

Non hic spe fluitat pendulus horula
 Incerta, quoniam dicere huic licet
 Vixit, spem refecit, quod superi dabunt;
 Apponam facili lucro.

Hujus non animum sollicitant opes,
 Nam, quodcumque Deus contribuit, caput
 Gratus, quod rapiunt, restituit, suis
 Se virtutibus implicans.

Tantum vel modicis conditionibus
 Mens contenta valet. Distior omnibus
 Hic audire meret; paucula qui tenens,
 Nil majus tamen expetit.

Venaris? stolidè quò fugis? heu brevis,
 Aeri, multa patis? regna, potentiam
 Quid mortale genus; hoc spatio redi,
 In te singula desident.

Regnum perpetuum mens bona possidet;
 Mentem quare bonam, cætera negligis;
 Hanc cum naclus eris, tum sapiens scies
 Quam non sana petiveris.

Piæ aliquot Meditationes.

MEDITATIO I.

Immense Rector Cælitum,
 En lux recedis publica,
 Vicibusque mundum debitis

Nox eminens amplectitur;
 Te supplicantes poscimus
 Fugare nubes pectoris.

Et dum cavere lumine
 Illo diali cogimur,
 Lustremur omnes cœlitus
 Dirivinitatis lampade.
 Da corpori laboribus
 Fesso diurnis, molliter
 Pique, conquiescere;
 Quo sic refectis, viribus,
 A laudibus tibi debitis
 Solita auspicemur munia:
 Sed instat hostis, ac parat
 Arcum, & sagittarum minas,
 Exsurge Dux fortissimi,
 Illicque speratum diu
 Palmam resistens præripe.
 En preliandi callidus
 Occasionem jam capit
 Et sempiternis nititur
 Mentem implicare nubilis,
 Nunc tortuosus Proteus

Se blandienter ingeret,
 Nos per meandros plurimos
 Sibi subjugare cogitat,
 Modò furorem Panicum
 Intentat, atque corpori
 Rabiem minatur in solens,
 Ut pressus arida fame
 Lupus, undecunque circuit
 Imbelle Pastorum pecus,
 Quod ni Molossicum Canum
 Amica vis defenderit,
 Iam moribus totum patet.
 Adesto Pastor cordinum,
 Illamque partem Spiritus
 Tui tuere traducem;
 Ut post laboris plurimos,
 Quos exulans fert indies;
 Celo recepta gaudeat
 In patriis ovilibus.

M E D I T A T I O II.

QVousque tandem Mens mea,
 Tradux Supremi Numinis,
 In sordibus sædisissimis
 Hærebis hujus sæculi?
 Exsurge, sursum te vocat
 Origo cœlestis tua,
 Habitusque celsi corporis.
 Quamvis parat cupidinum
 Aestus rebellans prælia,
 Et jam refectis viribus
 Inte paratam cominus
 Signum movet, resistito,
 Namque est triumphandum malum.
 Sed, heu; moras recalcitrans
 Intexis? an mundi decus,
 Aut umbra vana gloriæ
 Pedem paratum detinet?
 Hac cuncta mundi ludicra
 Habere res suas jube
 Quo sit locus cœlestibus:
 Ut agra namque luminum
 Acies, Diale Cymbis

Tolerare lumen non valet,
 Sic pressa mens caligine
 Mundi caduci, fulgidum
 Dei jubar non sustinet.
 Quid vita? nunquid omnium
 Centrum dolorum, quod Metus,
 Et Spes futurorum ambiunt?
 Nulla hic voluptas candida,
 Sed semper illius latus
 Mæror velut comes fodit.
 Iam forsas incubat tuo
 Mors atra collo, quæ vetat
 Spes inchoare credulas.
 Stat cuique vitæ terminus
 Fato locatus, quam propè
 Versetur ille, incognitum est.
 Hec ergo crede Maximum
 Tibi Imperatorem loqui;
 Est transseundum, sarcinas
 Paratus Hospes collige.
 Quidnam reponet? heu miser,
 Hic nullus est mimo locus;

Gg

Velo

*Velo levata singula
Illi patebunt; Intimo
Tunc eruentur pectore
Voces sine arte. Tunc eos*

*Dices beatos, indies
Qui providi vite sue
Manum applicarunt ultimam.*

MEDITATIO III.

*Q*uocunque Rerum Conditor
Aciem reflecto luminum,
Nostri recurſat undique
Facies status miſerrima;
A ſtetibus primordium
Haurimus ævi, huic conſonat
Exinde vite ſubula.
Boves, oves, & alites
Simul atque in auras luminis
Propeſſerint, niſus ſuos
Et ſunctiones explicant,
Nos deſtituti viribus
Et vagientes ſtebile,
In ſordibus miſerrimis
Et ſædeolenti ſtercore
Pereamus omnes, niſtatiſtim
Nutricis occurrat manus.
Iam quando adulta nos viris
Adſcripſit ætas, undique
Curæ aſtuentes ingruunt,
Pſtrumque ſolis tramitem
Percuſſitamus ſedulo,
Vi adſit, unde corporis
Neceſſitati ſit ſatis;
Cumque arbitramur undique
Noſmet beatos, intonans
Fortuna ſuſſax, nos humi,
E maximis ſaſtigis,
Gravi ruinâ deſcendit.
Adeo cito mortalium
Fœlicitati ſyllaba
Accedit una. Quid loquar
Morboſ, & ærummas graves,
Queis uſque & uſque ſubjaces
Mortalis imbecillitas?
Nunc mordet illud, nunc premit
Nos ille vite carniſex.
A parte cunctâ denique


*Nunquam beatos Sol videt,
Vi inquilini ſedibus
Dubis vagantes, variis
Habitant quiete aut commode:
Sic donec hic perſungimur
Mortalitatis munere,
Cœleſtis arcis exules,
Laſtatur incerto mari.
Ita Imperatori Deo
Viſum, placetque, nec poteſt
Autoritate propriâ
Statione quiſquam excedere;
Ne dirus atque pertinax
Deſertor ejus audiat.
Vi menſibus novem tenens
Nos matris alvus, aëri
Cœlique tempeſtatibus
Corpuſculum hocce preparat:
Sic & per has triſtes moras.
Mortalis ævi, nos Deus
Vite ſequenti fabricat.
O ille decretorius
Quando appetit nobis dies
Qui mixtionem corporis
Animique noſtri ſeparat,
Tunc gaudii demum locus,
Tunc intonandum lætus.
Pars illa noſtri ſanctior,
Capaxque ſublimis Dei,
Hâc ſervitute ſtebili
Soluta, patriæ ſuæ,
Originique redditur,
Quodcunque circâ ſe videt
Rei caduce, deſpicit,
Linguiſque non ingratis
Lamque inter alios Cœlites
Locato, mortales videt,
Et ridet actus; utpote*


Cui nota nunc aeternitas,
 Bonumque summum, quod viis
 Variis vagando erronei
 Homunciones quarimus
 Hac feritatis sensibus,
 Affectibusque corporis,
 Dum mente mecum ruminos,
 O par Deo Patri Deus :
 Opto diem qua deferam


Hoc contubernium mali,
 Interque sanctos Martyres
 Et simplices columbulas
 Aevo perenni persruar.
 Hoc da Creator omnium,
 Vbi limitem fatis datum
 Peregero; sic sit tibi
 Cum Patre summo gloria
 Per seculorum secula.


F I N I S .














2008 de cat

